

霞

外

攬

屑

霞外摘屑卷六目錄

香雪庵筆書丙集

山陰 平步青 景孫 纂

玉樹廬芮錄

對書

鄭司農年譜

鈔撮

習是編

范文正公年譜

聽雨軒雜記

張北湖

韓非子說難評林本依史記刪改與原書不同

明野史彙 皇明名臣琬炎錄 弇山堂識小錄

全唐文紀事

鴻詞所業

象宗圖學

叢書

微

嚴鐵橋輯諸經逸注佚子書

字典未收字

字典補遺

吳楚生音辨

湖海文傳

孝思堂集

湘中草

洪刻名臣言行錄序誤

書名與古同

大唐新語

況太守

避暑錄話

古書拾遺

元絳

杜默

牧靡集

人海記

同治青浦縣志

中說

名臣言行錄後集續集

讀史漫錄

讀史漫錄附注

二十四家時文

輿地碑記目

翁季錄

梁志南尚書義

硯史

七十家賦鈔

徐丹厓明文遠

詩人徵略

樞言

嫺嬛記

鏡煙堂十種

畫史彙傳

乾坤正氣集

啟禎野乘

漢唐字箋

鮎埼集

雷司空著述

本草

鹿樵舊聞

三國志

鬼董

三蘇文範

說鈴

壯悔堂集

劉金門梁蔭林

笥河文集

禮記析疑

城東掌錄

札樸

汪雙池

唐氏蒙求

好雲樓初集

宿遷縣志

篷窗隨錄篷窗續錄

浙江忠義錄

知足齋時文存鈔

夢厂雜著

書林揚鱗

偃陽雜錄

瞥記

瀚海

廣綬堂雜俎

史記考證

經史百家簡編

國朝二十四家文鈔

選堂文略續刻本

困學紀聞參注

錢新梧

經學名儒記

瓢室藏書

朱實甫學博

李博齋

杜文端公

檐曝雜記

納書楹曲譜

傳家寶

藝餘耳語

耳諧

娛目醒心編

六合內外瑣言

陳檢討四六補注

袁文箋正

小倉山房尺牘箋注

漁磯漫鈔

螢窗異草初集

里乘

歸秦

西雲札記

龔定盦集

滄月軒集

筆乘續之誤

二十四史月日攷

仰視千七百二十九鶴齋叢書

升菴全集斟

武進劉禮部著述

潛庵漫筆

羣書拾補識語

唯疑

雪門詩草注

神仙通鑑

巴山七種

曼陀羅華室叢書

湖雅

湖蠶述

李元賓集呂衡州集

後漢書集解敘錄

漢孳室所著書目

咫聞錄

劉恭甫孔力堂

宋會要

寰宇訪碑錄敘

南宋文

歷代帝王年表序字誤

文章正宗

唐宋文選

孫淵如朱笥河先生

行字誤

希音堂集

楊備修之

提要不書生存人姓名

古文觀瀾集集注

平定方略

規杜持平

聊齋志異

滇黔土司婚禮記

龍文鞭影

年譜

淮海集刊誤

謝疊山行實之誤

霞外攬屑卷六

香雪庵辛書丙集

山陰 平步青 景孫 纂

玉樹廬芮錄 耕書

鄭司農年譜

國朝纂司農年譜者 肅所知凡八家沈養原大令 可培孫淵如

阮文達江安甫 見張皋文墓志銘陳仲魚洪倦舫丁儉卿鄭子尹也

陳書名鄭君年紀止一卷不如淵如之詳備而皆未付桑與江

書皆不傳沈書刻入沈惠懋 昭代叢書王集文達譜刻入甘

泉黃右原高密遺書中最為賅審蓋補孫譜陳紀而成校字者

洪筠軒張秋水或疑卽出二君手非也洪自撰鄭康成年譜一

卷 見臨海詩儉卿子尹似皆未之見間有與文達閤合者全譜實

不及文達遠甚鄭書刻入鄭學錄卷第二丁書則與陳思靖節

宣公合刻

道光癸卯十月

名頤志齋四譜後之言司農譜者當以文達

爲定淵如據太平廣記引三國志注司農別傳以司農爲丁卯歲七月戊寅生胡竹邨研六室文鈔云成鄭公傳攷證一卷於太平廣記中得別傳云云丁鄭皆同

鈔撮

左傳杜預序孔疏劉向別錄云楚人鐸椒作鈔撮八卷授虞卿卿作鈔撮九卷庸按楊維禎序魏德剛春秋左氏傳類編云昔鐸椒虞卿各爲鈔撮其書蓋約言之編耳未知求經統要也按漢志藝文但有鐸氏微三篇虞氏微傳二篇史記十二諸侯年表序鐸椒爲楚威王傳爲王不能盡觀春秋采取成敗卒四十一章爲鐸氏微趙孝成王時其相虞卿上采春秋下觀近世亦著八篇爲虞氏春秋而無鈔撮豈其初名耶茗臚曰二書似卽宋章沖春秋左氏傳事類始末濫觴故七略無

習是編

常熟屈傅野刺史

咸霽乾隆丙辰進士

著凡二十六卷據三魚堂文集

七卷

答周好生書云崑友習是編亦有繁碎處竊欲爲之酌量刪減故久未爲作序便時幸先道意容續圖請正崑友不知何姓名書名與屈氏同豈別一書耶陳見復王次山兩序均未及此

范文正公年譜

四庫全書史部傳紀類存目范文正公年譜一卷補遺一卷附義莊規矩一卷提要云年譜樓鑰誤補遺不知何人所撰

庸按

鮎埼亭集外編題公譜云譜爲宣獻編而五世孫之柔校者尙

有補遺一卷言行

行下脫拾遺事三

錄四卷皆元時蔡本今福

州重刻正誼堂全書中范文正公集有年譜一卷不署撰人姓名譌誤甚多豈元時妄人點竄非復宣獻之柔原本李巽巖李

文簡合作韓范文富歐馬六公年譜惜今不傳當必勝此如天禧元年公遷文林郎權集慶軍節度推官注按九域志亳州也二年又云爲譙郡從事注亳州也庸按譙郡卽亳州從事卽推官三年除祕書省校書郎四年又云是歲校書芸省守官集慶庸按由文林郎遷校書蓋寄祿官而差遣仍爲集慶軍節度推官皆復出可刪天聖六年云時晏殊在樞府以狀舉公庸按元獻於五年正月出知宣州時已不在樞府七年云公諫冬至朝皇太后事晏詰責公退又作書遺殊庸按集中上資政殿侍郎晏公書首云天聖八年月日則此條宜移入下年八年云時晏元獻判南京公以大理寺丞丁憂權西監云云蓋本東軒筆錄乃五年事若八年公在陝州富文忠已於是年登茂才異等科此條宜移上五年方合明道二年云時公爲陝州通判太常博

士庸按公於天聖九年遷太常博士移判陳州此條可刪景祐

四年云有潤州謝上表移丹陽郡先游茅山詩京口卽事詩滕

子京魏介之二同年相訪丹陽郡詩庸按公於寶元元年正月

十三日赴潤州此條宜移下年爲是皇祐元年云公守杭日林

通隱孤山公過其廬贈詩曰巢由不願仕堯舜豈避後附錄同

人風俗因君厚文章到老醕其激賞如此本青箱雜記卷六中

之云通景祐初尙無恙范與人約訪林處士阻雨同寄詩和沈

書記同訪林處士詩庸按宋史隱逸傳不言通何年卒畢氏沆

續資治通鑑載於天聖六年戊辰未知何本時公正居憂南京

未守杭何得與林酬唱吳榮光歷代名人年譜乾德五年丁卯

通生天聖六年戊辰十二月丁卯卒年六十二下距皇祐元年

己丑凡二十二年皆誤梅聖俞敘其集在皇祐五年則林歿於

皇祐初必非天聖六年也

聽雨軒雜記

聽雨軒雜記一卷餘記一卷續記一卷贅記一卷署清涼道人
撰乾隆中德清人文筆清絜敘事亦尠俚尤小說家可入存目
者 四庫未收咸豐庚申九月陳樾士丈齋中見之存存齋醫
話稿卷二引之作徐悔堂茶香室三鈔引作徐承烈尙有燕居
瑣語 卷燕居續語 卷

張北湖

海甯張北湖先生

朝晉

字莘皋年十二補州學生從老儒范蜀

山

游服膺楊園先生之學於遺書身後葬事最有功祝人齋

稱楊園私淑弟子寶北湖有以開之乾隆甲戌卒年八十二著
有省克錄聞喪雜錄六有齋劄記讀書紀疑皆燬於火子京顏

爲撰年譜歿後人尅知者道光甲午司訓錢警石按訪遺事纂
事狀一篇上之學使陳碩士見甘泉鄉人稿卷十九庸按侍郎
太乙舟文六卷祝人齋先生集序末云浙士不知其名及其生平
蓋在司訓未上狀前作故有此言惜年譜今亦不傳每與陳湘
葵司馬訪求迄不得

韓非子說難評林本依史記刪改與原書不同

明趙用賢刻韓非子第十二說難篇眉上評林云通篇以知難
爲主先以三非字反說引起旣用名高厚利作根衍三節結以
不可不知爲一段又用身危作根衍七節以故曰帶下亦結以
不可不知又知飾所說至所以親近不疑爲一段而以知字起
句又知盡之難至此說之成爲一段亦以知字起句末段引一
喻作結而中云處知則難及不可不察句蓋惟知難而後不難

說此一篇之大旨也庸按此評乃諸子奇賞依史記列傳改本
自彼顯有所出事以下前後顛倒句字違異與之論大人上有
故曰字故云帶下而得盡辭也作知盡之難也故以爲第三段
起句趙刻依吃公子原本與陳不同而刻評於上讀者遂不解
爲何語矣林西仲古文析義評云第一段以游說之具在我雖
難未難引起二段謂無當於人主之心則求合難三段謂偶有
觸犯則避害難且既不相投則見信難四段謂游說之術在於
明人主之得諱人主之失使無所拂而後可言寬爲期而後可
盡如尹奚不辭庖虜蒙恥周旋尤難之極也五段引鄰父關其
思不善處知明迎合之難爲二段三段實證六段引衛靈公愛
憎至變明要結之難爲四段實證末以龍爲喻嬰鱗是戒惟恐
不免總極寫其難處坊注紕繆拈出正之庸按評林本已誤人

不淺西仲亦从史記不小注依史記改本益誤之誤矣

明野史彙 皇明名臣琬炎錄 弇山堂識小錄

弇州自撰小序云世所傳孤樹裏談卷十不知其人或曰故太宰

建甯公也千頃堂書目以爲趙可與作字念中安成人正德癸

云近日李默怨先太師不與翰林乃刻孤樹裏談雜史繫以唐代又有今獻彙言明史藝文志高鳴鳳今獻彙言

雜史繫以唐代又有今獻彙言二十八卷入紀注時政四庫全書總目子部雜家類存目十

一止八卷提要云其版已散佚不全坊賈綴殘爛刻八卷之目

冠於卷首詭皇明典故明史藝文志鄧士龍與裏談相出入諸

爲全書也國朝典故一百卷不入錄者甚夥余時時從人間鈔得之因集爲書凡一百卷曰

明野史彙何彙乎野史裨史也史失求諸野其非君子之得已

哉野史之弊三一曰挾却而多誣其人有材能稱公平賢者寄

雌黃於睚眦若雙谿雜記王瓊作二卷焦瑣綴錄尹直審齋瑣

入紀注時政

亦入紀之類是也二曰輕信而多舛其人生長閭閻間不復知

縣官事謬聞而遂述之若枝山野記祝允明九朝野紀四卷翦勝野聞徐

鄭作一卷焦亦入紀注時政以上之類是也三曰好怪而多誕

或創爲幽異可愕以媚其人之好不覈而遂書之若客座新聞

沈周作三十二卷庚巳編陸槩作四卷焦氏入小之類是也其

爲弊均然而其所繇弊異也舛誕者無我誣者有我無我者使

人創聞而易辨有我者使人輕入而難格於乎錄之枝也而弗

芟也是甯非余之罪乎又始江陵管刻皇明名臣琬炎錄起洪

武至成化諸名公大夫誌銘傳狀備焉其稱名緣宋舊也成化

後不復傳又于時亦多挂漏者予乃與楊祠部豫孫益菴之其

後予宦游所得爲最多以至武弁中璫之貴重者與布衣之賢

者亦與焉爲人以千計卷亦過百予少則已慕稱先名公大夫

之業顧不得採石室窺國家之藏其流之人間者間一二寓目焉而未敢馮也夫琬炎家史也國史人恣而善蔽眞然其敘章典述文獻不可廢也野史人臆而善失真然其徵是非削諱忌不可廢也家史人卑而善溢眞然其續宗閥表官績不可廢也國以草創之野以討論之家以潤色之庶幾乎史之倪哉如其筆削以俟君子又不佞則舞象時雅已好談說國家公卿大夫之業而坐生僻雖家世受宦然亡所得之旣長辱見收公車靡刀筆一職又不得窺郡國所上太史之副間從侯家貴人游其人咸華裾炙轂怒芻之馬究之則不能名其先世與所繇得侯也亡論侯家人已卽身一再至九卿二千石委蛇從容飽坐懽行甚乃白首石渠天祿間於職號爲稱者叩之當身而已度不能前耳目而舉於乎豈其以溫室愼默故耶則可而上一日坐

白虎延羣臣討論高文之際何所報塞也故事山陵畢下翰林
臣修實錄奏上取稿草焚之其草固稱焚往往流傳人間實錄
但舉諸曹之故牘而翰林先生以意行是非者踵相接也諸琬
炎所載諛墓之辭亡非賢者大要以位或子孫差高下耳而稗
官小乘類出匹人畸峻手修怨之音與耳傳之譌半之舜纂尹
誅何以異於齊東之野汲之冢也然則天下遂無史哉余謬不
自量冀欲有所論著成一家言卒卒未果而會出爲外臺顓兵
事居負亡大官筆札佐史之俱又懼羅不尊無徵之戒躑躅久
之取舊草志傳十二咸削其牘以俟異時諸他所睹記亡係好
惡者凡二十卷別爲一帙以附東觀西京之後語云不賢者
識其小者吾姑爲其小哉初起嘉靖丁未至戊午十二年得者
曰丁戊小錄而最後有所增益書成而藏之弇山堂重題曰弇

山堂識小錄 庸按明史藝文志雜史類王世貞識小錄二十卷
明野史彙一百卷而傳記類中但有徐紘名臣琬炎錄五十四
卷王道名臣琬炎錄二卷何喬新勳臣琬炎集二卷楊豫孫補
輯名臣琬炎錄一百十卷獨無世貞書殆其後稿本歸豫孫而
補輯之非豫孫別纂一書也竹汀錢氏弇州山人年譜云識小
錄卽弇山堂別集之初稿按明史雜史類弇山堂別集一百卷
與識小錄之二十卷多寡不同今尙有傳本非初稿也竹汀說
未覈

全唐文紀事

禾中前輩陳範川先生 鴻埤嘉慶中總纂全唐文彙萃羣書加
以攷證全書告成所錄積百二十二卷自爲一書曰全唐文紀
事本宋計有功唐詩例也同治癸酉八月巴陵方功惠校梓卷

尚有陳蘭浦禮敘云又嘗撰全唐文年表及全唐文補遺皆未

成凡例十八則其四云兩字分門以世說新語為最古今依其

例分為八十門體例帝製述德紀功納言威遠

諫諍論列忠烈貢舉褒寵貶斥頌揚

智略至行議厚豪逸閒適退讓高曠名理

體道論古游覽表揚矜許忠規酬答名理

託意自述警敏典物奇詭名譽投獻感遇

鑒拔推挹輕率浮夸諛佞欺僞不遜許騰

訓釋名言警句嘉話異同存疑正俗拾遺

方外總目嘉話嗤鄙誌異俳諧雜記

總序總論其十六云各書敘事過長者止就原文酌為刪節

不敢意為增改用藝文類聚玉海諸書例也其十七云全唐文

止載本文讀者必詳攷其事之始末方有以測其文之宗旨今

廣按事實悉著於篇至評隲優劣訓釋音義辨證異同見於唐

以來各集亦詳加摭拾其十八云所引凡五百八十餘應作件

列書目於前 書多未見讀更難精挂漏陶陰知所未免庸按所引諸書未見者凡二百七十八種荒陋如庸去先生蓋不可以道里計矣先生按語精密者探略錄數條於左
按德祐所上詔書意勅書意至多爲唐人文集所僅見其籌邊之策經世之文俱略備於此矣

舊五代史晉高祖紀廟諱平聲字卽不諱餘三聲諱側聲卽不諱平聲字所諱字正文及偏旁闕點畫 按太原縣有史匡翰碑立於天福八年匡翰建璿之子也碑於璿字空文以避諱而建璿父敬思仍書敬字蓋當時避諱之體如此

容齋續筆唐賦韻無定格 按唐人花萼樓凡五首皆以花萼樓賦一首并序爲韻並非三韻也東郊朝日有陸贄賦以國家行仲春之令爲韻七韻非六韻也宣輝門觀試舉人有二賦非

謹字乃精字幽蘭有五首俱以遠芳襲人終古無

庸按今洪本作悠久不

絕爲韻金柅有孫汝玉賦乃貞字非直字也李昂有旗賦舒乃

野字容乃國字豈洪氏失攷耶抑今所存非洪氏所見本耶

文苑英華唐賦韻數平仄次序初無定格按洪彭二家辨唐

賦用韻詳矣尙有未盡者如丁春澤曰觀賦以千載之統平上

去入爲韻田沈明賦以以從入至平爲韻路季登皇帝冬狩一

箭射雙兔賦以題上字爲韻周存太常新復樂縣冬至日六薦

之圖巨賦以題中字爲韻惟陸贄聖人苑中射落飛雁賦及鄭

錫喬琮日中有王字賦俱以題爲韻次用蓋唐人非限次韻卽

任意顛倒且有不押官韻者如何據射楊葉百中賦以藝通於

神動不虛發爲韻不見三韻古鏡賦不見今字官韻張巖餘青

玉案賦不見物字官韻闕名泗濱浮磬賦不見以字官韻是也

元人楊璉書唐太宗賜真人頌及孫思邈福壽論碑見金石萃編按唐書孫思邈傳未嘗載有太宗賜頌之事此所刻頌語有可疑者如曰羽翼三聖不知其何指思邈生於周長於隋入唐則歷高祖太宗高宗三朝在隋文時雖召以官不得言羽翼且太宗亦不得稱隋文爲聖在唐三朝太宗是第二世安得遂有三聖之稱明係後人頌思邈之辭而謂其經歷三朝也又唐世諱虎字太宗不得直用降龍伏虎字尤爲明證唐書列思邈於隱逸未嘗以真人目之至道藏載其書始冠以孫真人之號真人之封始於宋則太宗賜頌必宋時道流僞託也

按棲霞寺明徵君碑徵君者南齊處士僧紹朱彝尊以爲梁處士山賓蓋承舊唐書明崇儼之誤山賓仕梁通顯歿贈侍中非處士也據碑捨宅爲寺乃僧紹第二子臨沂公仲璋而崇儼傳

以爲山賓故宅皆誤也碑稱移居鬱洲揜榆山而史作舁榆揜舁本一字金陵在明代有南京之稱此碑云乃屆南京似爲之識矣

按唐給事中封還詔書顧炎武所舉八條之外尙有元和十四年以撫州司馬令狐通爲右衛將軍給事中崔植封詔上言上命宰相諭之詔乃行文宗時以給事中郭承嘏爲鞏州防禦使給事中盧載以承嘏公正守道不宜置之外郡乃封還詔書大和五年將作監王堪修奉太廟弛慢改官太子賓客給事中李固言封還乃改均王傳長慶元年以前檢校大理少卿駙馬都尉劉士涇爲太僕卿給事中章宏景薛存慶封還詔書並見唐史及會要諸書

開元天寶遺事張九齡文章自有唐名公皆弗如也朕終身師

之不得其一二此人眞文章之元帥也 按容齋隨筆謂開天遺事僞託王仁裕撰辨其疏謬者四條此條語氣不倫尤不止如洪邁所誚矣

按朝野僉載述張說諂事內官嗅其靴鼻至目爲佞倖小人小說家

庸按見南
部新書丙

又有三十六鑪橫財之語如此類者不一而足

蓋謀猷智略是其所長而嗜利熱中是其所短廣記此事不得目爲無稽也又集中所載有爲高力士祭父文爲人作祭弟文至二篇爲鄭虛已作祭舅文甚至爲伎人祭元十郎文亦其不拘行檢之一證

十國春秋武肅王浚舜并記 按余公綽閩王事跡及林仁志

王氏啟運圖俱以錢文穆爲世宗而當時民間謂武肅爲錢太祖似當時果實稱帝而其後漸諱之者又建炎以來朝野雜記

云羣臣欲稱光堯廟號成宗尤表曰此吳越錢元瓘僞號也是又以成宗爲文穆廟號蓋當時王室不競雖錢氏亦不免僭號自娛不止武肅改元一事也

鴻詞所業

畢秋帆刻道古堂外集九種第一爲鴻詞所業茗舫問所業二字所出予曰二字見撫言玉海詞學指南紹興三年七月詔以博學宏詞爲名凡十二體曰制誥詔書表露布檄箴銘記贊頌序古今雜出六題分爲三場每場一古一今三歲一試如舊制先是惟有科第者許試至是皆許應詔先以所業三卷每題二篇納禮部上之朝廷下中書復省考其能者召試其取人以三等制誥詔表露布檄箴銘贊頌限二百字以上記序限三百字以上箴銘贊頌逐句空字堊浦此三卷蓋臨試之作故第二卷止六宗攷一篇實非丙辰召試尙

如宋制必令應詔者納禮部上之 朝下內閣復省也

象宗圖學

讀書敏求記

卷三

五行神道大編象宗圖學一卷自周秦至元明

共三十六圖閩人趙瀉卿篆於卷首披視之有仰觀俯察之感

庸按神道大編爲周雲淵先生

述學

所著象宗圖學一卷其子

目也西街重遠堂楊氏藏書目尙有厯宗算會十五卷

冊八象宗

萃天五星九卷

卷三

亦其子目之二

叢書

朱文藻云叢書字見韓詩云門以兩版叢書其間而魯望笠澤

叢書其權輿也

庸

按天隨笠澤叢書序云叢書者叢睦之書也

叢睦猶細碎細而不遺大可知其所容矣蓋戢香已作猶後人

別集中之雜著也

王楙野客叢書乃雜家

朱以爲合刻叢書之權輿似未

詳天隨序意蛾術編合刻叢書條云取古人零碎著述彙刻為

叢書在宋則石廬龔士高有五子合刻四十二卷高應作商理

子合刻應作古鄆山人左圭禹錫有百川學海咸治九年癸酉

書始於溫陵曾慥端伯有類說六十卷二百六十一種宋晁載

此書種為續談助五秀水朱勝非藏一有紺珠集十三卷一百

卷在曾慥前則天台徐一夔大章有藝圃按奇十八卷補闕華亭陶宗儀九

成有說郭一百二十卷一千在明則上海陸楫思豫有古今說

海四部七家一百三十二卷四明余有丁有子彙太末舒石泉有集

賢書舍六子合刻新安程榮有漢魏三十六應作種叢書會稽

商濬有稗海三百六十八卷七十二種新安吳琯有古今逸史鄞屠隆緯真

有漢魏叢書六十卷海甯胡文煥有格致叢書無卷武林鍾人傑

瑞光與張遂辰有唐宋叢書八十種雲間陳繼儒眉公有祕笈六編

卿子同輯

一百三
十卷
海虞毛鳳苞子晉有津逮祕書無卷數十五種四庫作一百四

三十六百三十七頁嘉興周履端逸之有夷門廣牘九十四種一百

二十卷
武原胡震亨有祕冊彙函萬應葵卯與秀水沈士龍汝納

未成而燬於火
王文祿有明世邱陵學山卷五十卷同刻二十卷

江吳永有續百川學海明史藝文志作梅純一百卷江南通志

續八十卷三續三十卷與明史異泰正北海馮可賓有廣百川

學海一卯舉人嘉靖己丑進士貴州副使北海馮可賓有廣百川

學海雜纂以五子纂圖互註藝圖接奇入雜編存目格致叢書

學山三種亦然按策刻書目有百川學海再續百川學海三續

不署撰人名明史藝文志則但收司馬泰廣說郭八十卷古今

集說六十卷而無再續三續江南通志不知何本恐誤陶珽有

續說郭四十六卷 國朝則新安張潮山來有昭代叢書甲集

五十卷乙集五十卷丙集五十卷每卷一種未刻楊列歐刻之

楊有丁集五十卷

本名新編

戊集五十卷

本名續編

己集五十卷

本名廣編

庚

集五十卷

本名律編

辛集五十卷

本名別編

沈翠嶺有王集五十卷

本名補編

癸集五十卷

本名律編

別集六十卷

本名律編

張楊沈三人前後百餘年合成

十一集共五百六十卷亦著述鉛槧所不經見之事後之志藝

文者當別立叢書一門以冠子部類書之前

微

魏氏源有詩古微書古微公羊微古微堂集諸書當是取古微言及漢書藝文志春秋鐸氏微之意又按梁玉繩漢書人表攷微子又作魏子見路史後紀注云魏作微玉繩按魯世家伯禽之孫爲魏公徐廣引世本作微公本書律歷志同小司馬謂古書多用魏字作微而殷紀微子索隱亦云家語或作魏讀從微音此路史所本也蓋二字古通默深取以名其書亦愛奇之病

嚴鐵橋輯諸經逸注佚子書

汪謝城廣文日慎烏程縣志人物嚴可均傳云校輯諸經逸注

及佚子書等數十種名四錄今其稿散佚不傳惟全上古三代

秦漢三國晉南北朝文編目中尚可攷其厓略凡二十二種此

外無從得矣

歸藏八百四十六字汲冢瑣語編一桓子譚新論三卷乙亥風俗通義

佚文卷六政論一卷甲戌四民月令一卷甲昌言二卷乙

五典論卷一乙蔣子萬機論一卷乙亥劉廙政論八篇乙亥

桓範世要論卷一杜恕體論一卷乙亥篤論一卷乙亥聖賢

高士傳卷一乙陸景典語一卷甲傳立子一卷袁子準正

論卷一正書卷一爾雅圖贊四十八卷山海經圖贊卷二蘇子彥十二條

月亥十符子七月九日丁丑師石山房書目三十尚有抱朴子內外

佚文一卷慎子一卷附商子五卷

字典未收字

錢儀吉曝書雜記葉去病敬初名元紹諸暨人道光乙酉拔學貢雲和教諭著有樹萱堂稿不傳

問樞博小學尤精王伯申校道光字典引以為助制藝叢話十卷

七霞浦方定遠鎮乾隆戊申舉人從正史中按得字典未收之

字凡三千餘庸按方書未知何名行世與否惜文簡爾時似未

之見不克表上其書倘取附於後甚有資小學顏黃門言學者

如牛毛成者如麟角豈知書成而不傳於後亦不啻恆河沙數

然則仰屋梁而劬心者果何為哉

字典補遺

錢塘張伯幾道原名炳然字少南諸生辛酉遇亂卒年四十二著有

舊唐書疑義勘同六卷唐浙中長官考一卷臨安句制記三卷

刻定鄉小識八卷字典補遺一卷雪炊叢識二卷鷗巢間筆三卷雪炊廬記異二卷全浙詩話刊誤一卷蘇亭詩話四卷鷗巢詩話二卷南翁文集三卷詩集四卷影香詞一卷雪炊詞一卷漁浦草堂詩集四卷梅花夢傳奇四卷詠小凡十七種楊石泉中丞爲刻其漁浦草堂詩集子預字子虞光緒癸未庶吉士

吳楚生音辨

保山吳楚生

式釗

乙亥舉人

年十六

辛巳十一月十一日申報載

其電報說云明良叢睦隱寓疊韻雙聲句瀆勃鞞卽是切音等韻又云諸儒音學未通反切而高談古韻不放字母而空論雙聲也顧氏唐韻正反切多譌段氏說文注邵氏爾雅正義雙聲半誤又云其後漢學諸儒有欲廢字母而第言雙聲者有欲概用讀若而廢反切者又有以四聲爲多事而思渾之者甚且有

牽說文音律呂假卦象以言音韻者又云其以字母立論者亦有二如江慎修周松靄何願船諸人是守古而拘者也如馬自援蘭廷秀李松石諸人是徇俗而陋者也至盧抱經之高談類隔則並非知古某氏之僅記土音亦難言知今又云撰音辨一書又訂爲七十二字母攝五千零四十音其書未付梓不知所辨若何歷詆前哲過自矜夸不知韻學最難言劉繼莊亦最自負謝山甚推重之而其書竟不傳何況今時敢自僭得絕學之祕乎

湖海文傳

蘭泉少司寇孫紹基跋湖海文傳云乙未得相國儀徵阮公賜書倡助刻贊按文達於乙未八月解滇督使相任入理閤務今應敏齋廉訪跋此書乃云道光丙申丁酉間儀真阮文達公自

滇郵資佐刻移下二年爲然疑不定之辭似未見少逸原跋又云訪其裔孫少逸徵君按少逸爲司寇孫裔字大誤左昭二十九年有裔子曰董父注裔遠也元孫之後爲裔國語晉語使寡君之紹續昆裔注裔遠也吳都賦虞魏之昆顧陸之裔劉林注昆裔皆後世也近人刻舊籍者多然如莫子偲敘續資治通鑑以徐健菴尙書爲相國汪容甫氏歿於乾隆甲寅十一月而方子箴都轉跋述學乃云當乾嘉之間金坡廢吏上兩江制府書以徐健菴楊文定皆爲相國其人自負博通掌故人亦推之無異辭者也又何論翼駟稗編之偶誤哉

孝思堂集

孝思堂集三卷汾西侯七乘纂七乘字仲輅順治戊戌進士官廣信府同知康熙己未薦舉博學鴻儒報罷集一刻於閩再刻

於信尤西堂敘之此其合集西泠孫宇台爲之開雕撫拾瑣碎
尤蕪卑茶半應付之作自敘云一意於徐庾盧駱不知何指中
如雪白雁柿秋月祭告長白山五賦皆佳惜驛以俚調未爲全
璧他文惟林榕友六游草敘可誦醋溝變一則俳戲之作尙雋
爽西堂序盛稱之同徵標品未爲過也魏源經世文編僅採其
文人著作之失一篇

湘中草

湘中草六卷長洲湯傳楹卿謀纂附西堂全集後卿謀逸才早
世原本十餘萬言此爲西堂刪薙所刻詩奇奧學昌谷間爲溫
李稷麗體文則俳傷破法迺世俗所謂才子之文西堂敘謂縱
橫若決江河實不脫天崇時習氣樂府如泰山吟行路難十一
最奇似紫玉歌極似五古如初冬寒暮似婦病一起七古如
出招魂昌谷島七古如

風雨歎風雨閨思五律如無語登涵空閣秋杪陶子定登虎邱
平遠堂晚眺七律如荒祠秋盡晚樓獨對七絕如閨謔詞如鷓
鴒天雨中花小重山蝶戀花滿江紅秋夜曲全套文如哀江頭
學山鬼篇而甚長孝簡子謹議西堂秋夢錄序縱橫排蕩不可方物孝簡子遺書
序荒荒齋記靈巖懷舊敘事如畫筆足達之哭連兒文哭次女文與西堂
哭祭卿謀文真相伯仲間餘筆話西堂僅選二十四則而名言
可採卿謀詩文雖不必如西堂所推而年少負異才不遇以死
卽謂明末諸才人中之長吉亦無不可也抗之者其夏靈胥乎

洪刻名臣言行錄序誤

洪賓華所刻宋本名臣言行錄敘出顧千里手中云事略貴詳
尤訪東都於禹偁思適齋集載此序亦同按禹乃王字之謬元
之篡五代史闕文非東都事略千里博雅何至仞事略爲元之

作耶漢學師承記卷一馬驥論讀史宋有王禹偁東都事略豈宛斯陋至於此亦誤衍一禹字鄭堂偶未校也

書名與古同

士生後世不特詩文撰述不能出古人範圍見者每以爲勦襲卽纂書命名亦多重複如楊子雲纂法言取論語法語之言以擬論語而莊子人閒世已有古法言曰注古書名洪景盧纂夷堅志取莊子夷堅聞而志之語而唐吳融冤債志許客還債條已引夷堅志曰岳珂纂程史取說文程牀前几也愚一錄卷六達常園三寸程圍倍之六寸鄭司農云程蓋枉也讀若丹桓宮盛之盛則程亦杜耳老子爲杜下史後人不直曰杜史而別作程史或取其義而避其名耶而唐柳程常侍言旨卷首元宗爲太上皇條已云此事本在朱厓太尉所續程史第十六條內四庫提要顧氏曰知錄前已有絳州党冰壑成曰知錄張庚畫徵錄前已有

復畫徵錄見畫舫錄卷二徐乾學畢沅續通鑑前已有劉城之續通鑑

李匡父資暇錄後又有資暇錄之資暇錄不獨蕭常張樞鄭雄

飛翁名蜀漢書吳尙儉德園見寄園寄所寄卷七引湧幢小品之續後漢

書郝經之續後漢史李杞謝陞字少連唐惲宸章陶之季漢書辛

苦十餘年被高頭巾已做了也

四庫全書總目史部別史類存目季漢書提要云宋史藝文志

李杞改修三國志六十七卷又集部別集類元楊奐還山遺

稿提要引輟耕錄稱奐嘗讀通鑑至論漢魏正閏大不平之遂

修漢書駁正其事因作詩云風煙慘淡控三巴漢燼將然蜀婦

髮欲起溫公問書法武侯入寇寇誰家後攻宋軍回始見通鑑

綱目其書乃寢云云是郝經以外又有斯人亦具是卓識矣

錢氏大昕補元史藝文志張樞續後漢書七十三卷字子長金華人

鄭方坤唐惲宸芑野詩鈔小傳惲宸字靖元毘陵諸生有季漢史若干卷義例一本春秋文章出入班馬

李亨特紹興府志諸暨章陶有季漢書庸按錢塘余美英有季

漢書辨異二卷

存硯樓二集

卷二

節婦薛孺人傳贊曰贅庵公輯季漢書黜陳

氏例主習氏義鈔紀傳編年二體又削唐永徽五年三月丙午制書嘗自題曰三生鑠子骨萬劫救人腸贅庵爲畫山族弟龍光曾祖集不書其名是李謝唐章外又有儲氏一家

大唐新語

大唐新語卷五注十起未詳

庸

按當是用後漢書第五倫傳一

夕十起事

況太守

況太守鍾集卷首年譜列傳皆云公八歲傳作七失母廖太恭人九歲父續娶羅恭人三十五歲丁羅憂次年復丁父憂則太守不得復有後母明矣而四十六歲冬云繼母何氏卒於籍次年丁憂解任回籍羅恭人歿後太守父不云再續何恭人且太守父卽於次年卒亦未必於羅恭人亡後恩遽委禽也似何以妾攝女君事否則譜傳皆有漏奪

避暑錄話

避暑錄話上卷王荆公初未識歐陽文忠公在政府薦可爲宰相者三人同一劄子呂司空晦叔司馬溫公與荆公也庸按歐陽文忠公全集卷十一有薦王安石呂公著劄子在至和中文忠時官翰苑非在政府且止薦充諫官非爲宰相又卷一百一十四有薦司馬光劄子在治平四年政府進亦非同一劄子石林所言皆誤

古書拾遺

林鑑塘前輩

春溥

古書拾遺四卷廣採萃編於孫穀諸家外可

稱詳贍惜間失別擇其自序曰唐人纂錄多引古訓故卷三中

四子逸文一條孔子曰古之聽獄求所以生之今之聽獄求所

以殺之

杜牧

不言出何書按孔叢子載孔子之言曰古之聽訟者

惡其意不惡其人求其所以生之不得其所以生乃刑之牧之

似約孔叢此條而爲言古人文字徵引古書不必一字不遺也

歐陽崇公求其生而不得數語膾炙千古升菴外集

卷十五謂莫

有知其言之出於孔叢也予謂崇公語亦似文忠妙筆曲折寫

出然安知不與牧之同一點化古語耶似不得以杜有孔子曰

三字遂入之論語逸文也

後漢書鄧惲傳孟軻以強其君之所不能爲忠量其君之所不

能爲賊困學紀聞

卷八

云與今孟子語小異集證謂章懷注引爲

長者折枝是不爲也非不能也以證強其君之不能爲忠引謂

其君不能者賊其君者也以證量其君之所不能爲賊紀聞又

云鹽鐵論

論儒篇文學

引孟子曰居今之朝不易其俗而成于乘之

勢不能一朝居也又云

孝養篇文學

今之士今之大夫皆罪人也

閻云

下有皆違其君以順其惡句

又云

刺權篇大夫

王者與人同而如彼者勢使然也

與今不同集證按通有篇文學引孟子云不違農時穀不可勝

食桑麻以時布帛不可勝衣也斧斤以時入材木不可勝用佃

漁以時魚肉不可勝食亦與今本不同梁書處士傳孟子曰今

人之於爵祿得之若其生失之若其死錢氏攷異曰今本孟子

無此文俞中山曰知錄小箋引書用意條亦引邳惲傳又引晉

書劉寔存讓論引孔子曰能以禮讓爲國則不難也又庾袞傳

引孔子曰不教而戰是謂棄之並引經用意之證歷觀諸說則
牧之四語亦猶是耳必非論語逸文也處士傳鄭小谷謂卽得
之則生弗得則死二句桑麻八句卽今梁惠王問曰一章亦點
化古語今人之於爵祿句爲孟子所無蓋古人行文驅遣古籍
信手拈來文成不必取原書一一覆校今人亦多如是其書行
世好事者見其引用有異從而校其誤已爲可已不已若漢唐
人所引孔孟說異文異句往往有之皆取爲孔孟逸文苟無它
書錯出引證人其信之耶

元絳

宋史絳傳但云長舉進士以廷試誤賦韻得學究出身再舉登
第不言何年江西通志作天聖八年

全所詩
詁同

危素集元氏世餘

堂集序則作五年

中吳紀
聞同

危集凡兩見皆云嘉祐五年庚子按

嘉祐五年爲丁卯非庚子子殆午之謫庚午正嘉祐八年也是絳初舉在五年以學究出身棄去再舉登第在八年危集五乃八之謫从通志爲是

杜默

朱笥河作和州梅豪亭記盛推默之爲人按東坡志林及澠水燕談錄則杜當時似未爲歐蘇兩文忠所重也燕談錄

卷八云

杜默師雄少有逸才長於歌篇師事石守道作三豪詩以遺之稱默爲歌豪石曼卿詩豪永叔文豪而永叔亦有詩曰贈之三豪篇而我濫一名默久不第落魄不護名節屢以私干歐陽公公稍異之默怨憤作桃花詩以諷由是薄其爲人志林卷一云石介作三豪詩其略曰曼卿豪於詩永叔豪於文而杜默師雄豪於歌也永叔亦贈默詩云云默之歌少見於世初不知之

後聞其一篇云學海波中老龍聖人門前大蟲推倒楊朱墨翟
扶起仲尼周公皆此等語甚矣介之無識也永叔不欲嘲笑之
者此公惡爭名且爲介諱也吾觀杜默豪氣止是京東學究飲
私酒食瘴死牛肉醉飽後所發者也作詩狂怪至盧仝馬異極
矣若更求奇便作杜默矣觀歐蘇二公之言則杜之豪亦僅矣
是不足望曼卿遑論歐公哉介殆私其弟子有此詩也茗谿漁
隱叢話卷二十五引隱居詩話熙甯末以特奏名得同出身爲
新淦縣尉年近七十卒

牧靡集

賴古堂尺牘凡四集初爲尺牘新鈔十二卷自萬厯中葉逮康
熙初名翰按羅綜括凡二百二十一人小傳寥寥數字不詳其
人本末涉江曾作校勘記一卷入曼陀羅華室叢書諸家別集

存世者寡得此藉見厓略冷廬雜識三卷節錄八牘而譌章柳州

與門人饒子正第二首爲陳興霸以柳州列興霸前而誤沈光

裕與友亦譌爲吳第全書今刻入海山仙館叢書藏弄二集十

六卷結鄰三集十六卷牧靡四集十六卷子舊藏二集初印本

紙墨精絕視近時雷湘鄰大令重刻殘本相去倍蓰辛酉燬於

髮燄結鄰集亦初印本可玩惟牧靡集不可得僅見櫟下子雪

客在延書影序中據尤侗看雲草堂集七卷輓周櫟園觀察詩自

注在壬子年今春公爲序西堂雜俎并屬予序公牧靡集序成未及

寄而公逝矣或本未付刻耶牧靡漢縣名今貴州武定是班志牧作收

李奇曰靡音麻卽升麻縣毒藥所出也續志作牧水經若水篇

注同或漢書誤刊也續博物志四卷牧靡縣因草得名生升麻可

以解毒華陽國志竟作升麻櫟園以名其書不知何意豈陸清

獻公國策去毒例乎

人海記

卷上云明孝陵宮殿太祖高皇后南面左淑妃李氏生懿文太子秦愍王晉恭王次皇妃某氏生楚王魯王代王郢王齊王谷王唐王伊王潭王又次貴妃某氏生湘王肅王韓王藩王又次貴妃某氏生遼王又次美人某氏生甯王安王俱東列碩妃生成祖獨西列見南京太常志按皇妃貴妃美人四人皆無姓據明史諸王列傳云太祖二十六子高皇后生太子標秦王棧晉王櫛成祖周王橚胡充妃生楚王楨達定妃生齊王榑潭王樟郭甯妃生魯王橒郭惠妃生蜀王椿代王桂谷王榑胡順妃生湘王柏韓妃生遼王植余妃生慶王梈楊妃生甯王權周妃生岷王梗韓王松趙貴妃生藩王模李賢妃生唐王桢劉惠妃生

郢王棟葛麗妃生伊王憐而肅王模母郃無名號趙王杞安王
楹皇子楠皆未詳其所生母查氏止二十一人無蜀慶岷趙四
王及皇子楠或太常寺志文脫不具或張筱華觀察士寬重雕
查記有奪文也查又有陪獵筆記三卷吳查客序之惜未見

同治青浦縣志

同治青浦縣志三十卷己卯十月成據蘭泉司寇舊本增修洵

稱善本惟

卷十

科目職官選舉三表間有脫文譌字如薦舉葉

榮梓

錫山乾隆元年以博學鴻詞薦

按榮梓字孝常號木君錫山乃陸榮柜字

號香林華亭籍青浦人監生左副都御史陳世倌薦舉鴻博不

赴台二人爲一誤也

卷十

名宦傳李鴻

卷十三官師表字青立

河南南陽

人縣丞

按漁洋精華錄寄青浦丞李青立

有文才著有紅香閣集翰林院侍講

孝源子

池北偶談鴻爲文達裔孫學士恆茂之子子門人也娶彭禹峰方伯女鴻亦能詩而才不及婦子嘗序其蜨龕

集刻之京師按題名碑崇禎丁丑李永茂字孝源桂王時內閣謚文定以中書舍人左遷來青浦

按中書舍人題名亦無鴻名不知何本卷三雜記補遺鍾開聲

廣東進士由翰林任大理寺少卿直諫有忤謫江蘇知縣借補

諸翟巡檢乾隆三十一年任相傳補缺時布政司吏索賂不得

檢無諸翟官師表三十一年清正不阿在任八年以廉惠稱按

此條似無稽館選錄自乾隆丙戌以前無鍾開聲名云直諫忤

謫則非無可攷之人乾隆朝安有詞臣建言譴責而同時諸家

詩文別集無一及之者亦靡據也

中說

全謝山古今偽書攷以元經中說皆為阮逸作本容宋咸謂王

通本無其人陳句山中說論上中下三篇歷證其為姚義附益

按舊唐書文苑王勃傳明云祖通隋蜀郡司戶書佐湯炳王勃集序佐下

有蜀王侍讀四字焦氏筆乘補卷三楊炯集
有王子安集序可爲文中子非僞書一證 大業末棄官歸以

著書講學爲業依春秋體例自獲麟後歷秦漢至於後魏著紀

年之書謂之元經又依孔子家語楊雄法言例爲客主對答之

說號曰中說皆爲儒士所稱義甯元年卒門人薛收等相與議

諡曰文中子二子福時福郊且王子安集有倬彼我系四言詩

中云其位雖屈其言則傳爰述帝制大蒐王道曰天曰人是祖

是考禮樂咸若詩書具卓格村語錄謂存此詩不得謂無其人

也揮塵前錄文中子王通隋末大儒歐陽文忠公宋景文修唐

書房杜傳中略不及其姓名或云其書阮逸所撰未必有其人

卽容齋說然唐李習之嘗有讀文中子而劉禹錫作王華卿墓銘序

載其家世行事甚詳云門多偉人則與書所言合矣何疑之有

又皮日休有文中子碑見於文粹

卷五

考古質疑云容齋并疑

中說爲阮逸所作大慶則未敢以爲然也何者逸乃我宋仁宗

朝人唐書藝文劉昫舊經籍志已有王通中說五皮日休有文中子

碑亦言序述六經敷爲中說李薛房杜皆其門人而劉禹錫作

王華卿云云至所言台矣司空圖又謂文中子致聖人之用房魏數公

皆爲其徒恢文武之道以濟貞觀治平之盛至於李翱讀文中

子且以書並之太公家教劉蕡讀文中子又以六籍奴婢譏之

南邵新書戊是雖當世儒者好惡不同推尊之或過毀損之失真要

之自唐已有此書決非阮逸所作明矣或逸爲注時有所增竄

耳楊序云門人薛收竊慕同爲元經之傳未就而歿君思崇祖

肩楚相接武名鄭笠澤叢書卷一送豆盧處士序云中說與法

言相類魏房杜李北面橋師困學紀聞王無功遊北山賦注不

及房杜魏全唐文紀事陳按文中子門徒當以賦注爲據按舊唐書隱逸傳王績傳云號文中子自有傳蓋卽指勃傳首

四行而言其後殆以通歿於義甯斷代爲書不得入唐故附於
孫勃傳西莊商榷云舊書駁文竹汀攷異云非自有傳也惟中
說未附杜淹文中子世家及福時王氏藏書雜錄則牴牾不可
解世家云其先漢徵君霸十八代祖殷雲中太守家於祁十四
代祖述九代祖寓遭懷愍之亂寓生罕罕生秀秀生二子長曰
元謨次曰元則元謨以將略升元則以儒術進元則字彥法卽
文中子六代祖也仕宋寓生煥曰江州府君煥生虬曰晉陽穆
公虬生彥曰同州府君彥生一曰安康獻公一生隆曰銅川府
君隆生通凝續通生福郊福時按宋書卷七十六元謨傳云太原祁
人六世祖宏河東太守縣竹侯以從叔司徒允之難棄官北居
新興仍爲新興雁門太守其自敘云爾不言宏爲霸八世孫宏
旣棄官北徙寓其孫行何以云遭愍懷之亂而又南徙乎又云

祖牢仕慕容爲上谷太守隨慕容德徙居青州此作牢或以形
近而譌惟云父秀早卒與此合新書宰相世系表烏丸王氏房
云霸長子殷後漢中山太守食邑祁縣此作雲中誤又云四世
孫實三子懋懋六世孫光光子罔罔子神念徙家萬年神念子
僧辨僧辨子顥顥次子珪以離身上溯之通爲殷之十八代則
實與述爲兄弟行十四代光與秀爲兄弟行十一代由此下推
則珪與安康爲兄弟行通之從祖父而中說呼珪爲叔父何耶
書錄云貞觀十六年余二十一歲推之當生於武德五年上距
義甯元年文中子卒已五年不幾成笑柄乎世家云通生開皇
四年而元經作元年又依託者之不自檢也潛邱劄記卷四宋中
丞舉七十壽序羅景鳴壽涯翁之詩白頭王孝逸北面敢徐徐
本立命篇夫子十五爲人師焉陳留王孝逸先達之傲者也然

白首北面豈以年乎孝逸名貞隋書有傳亦無緣事通

舊書明云二子福時福郊則福時爲文中長子勃爲孫明甚而

香祖筆記

卷三

云通次子福時福時子凝子勔勔勃於福時下多

凝一世與上文王凝次子勔勔貶侯君集君集與無忌善因而
惡及其祖耳自相矛盾或子凝爲字凝之譌全唐文紀事陳按
楊炯王勃集序兄勔及勔弟助及勔王勃與契苾將軍書謹遣
舍弟勔今文苑傳有助勔勔而無勔當必有誤

名臣言行錄後集續集

昔人議朱子名臣言行錄首趙則平

普

而載程文簡

琳

王文公

安石

爲非此亦刻論若以

國朝史法貳臣自爲一傳例之則

曹武惠

彬

從母張氏爲周太祖貴妃椒房戚屬何可委質興朝

李文正

昉

范文素

質

竇可象

儀

皆仕周通顯均削而不錄可乎

若後集之錄曾宣獻

布

韓獻蕭

絳

韓持國

維

李幼武續集之錄

呂安老

社

似不無可商至降金之宇文虛中亦闕入其中何名

臣之謂乎

讀史漫錄

于文定公

慎行

讀史漫錄中可探者如云邵陵高貴常道三公

當書帝芳帝髦帝奐六朝以下倣此唐之中興也文臣爲天下所鄉慕者惟魯公一人武臣惟汾陽一人使肅代以後內付魯公外付汾陽則英衛姚宋不足言矣爲國之臣以異見爲同心而爲私之臣以小卻誤大計郭威以契丹寇至澶州兵變宋祖以契丹寇至陳橋兵變前後如一其云契丹皆詐也太祖金匱之盟謂與其傳之子而待其取何如身與之而子或得庶幾焉

讀史漫錄附注

石琴中丞讀史漫錄附注云奉佛之徒約有四端參禪者猶學
仙尋僧者猶歸隱供佛者猶贖罪佞佛者猶祀鬼四端無甚別
異析之何爲石顯嘗以姊妻延壽延壽不取顯銜之追論斬郅
支功顯方用事匡衡阿附其意抑延壽而兼及於湯漢書曰石
顯匡衡云云冠顯於衡史筆嚴矣哉說本文章正宗承祚實以
正統予蜀如紀世系書祥瑞書奇表紀學術書殂書漢中王表
書上漢帝表書祝文錄出師表書甘后穆后凡十二條皆本暴
書亭集義門讀書記金石萃編諸說

二十四家時文

坊間有二十四家時文首宛平陳純湊庭學乾隆丙戌文六次瞿學若
頤乾隆戊戌文五次韓泰來乾隆甲午平湖文三次管緘若世銘乾隆戊戌文
子常熟人
五次曹寅谷之升乾隆辛丑文四次吳退菴烜乾隆丁未文五次陳旭峰綱

乾隆文三次陳鍾谿希曾乾隆文五次莫葆齋晉乾隆文五次李
 衡塘錫恭嘉慶丙辰文三次來懋齋宗敏嘉慶丙辰文三十五次周萊峰蘭枝嘉慶
 戊午海鹽文十三次姚文僖文田嘉慶己未文三次陳厚甫鍾麟嘉慶己未文五次
 賈良庭聲槐嘉慶己未文四次鮑雙梧桂星嘉慶己未文五次盛逸雲大士乾隆乙卯
 副嘉慶庚申舉人鎮洋人文五次顧南雅蕓嘉慶王戊文四次饒綺峰向榮嘉慶王戊文
 九次凌泊齋鳴喈嘉慶王戊文五次顧耕石元熙嘉慶己巳文九次王月槎海觀
 嘉慶己巳文二十三次李子仙福嘉慶庚午文十次戈德菴其邁嘉慶丁丑文五
 蕓涖韞山寅谷旭峰文僖厚甫蘭修皆制藝名家退菴鍾谿寶
 齋雙梧吳獎亦多佳構而專稿入選寥寥來王師弟收採獨多
 而亦非其至者殆書僧所為署名朱香雨并偽作史間山尙書
 敘冠之

輿地碑記目

滂喜齋叢書輿地碑記目序云輿地碑記目四卷宋東陽王象之撰有明金石家取輿地紀勝十二門之一曰碑記者而爲之按浙江通志象之字儀父金華人慶元元年中鄒應龍榜進士志行高潔隱居不仕而陳振孫書錄解題又稱其曾知江甯縣且別有輿地圖十六卷其西蜀諸郡爲其兄觀之漕夔門時所得或疑自序所云仲兄行父西至錦城叔兄中甫北趨武興南渡渝壚者觀之卽在仲叔之內因檢紀勝江南西路江州下載濂谿書院注云象之季兄觀之爲德化宰則不在此數矣且通志又載金華有淳熙十一年進士王謙之十四年進士王益之益之終大理司直益之卽行甫撰有西漢年紀謙之當亦象之弟兄也又直齋以象之嘗知江甯而通志乃僅載於隱逸不能無疑卽錢宮詹以其父名無從攷證

見養新錄卷十四

亦未可信及檢

紀勝袁州官吏下載王師古二字皆缺筆且注曰郡志云袁州
月椿歲額八萬八千紹興末年先君子爲宜春簿嘗作文誌月
椿之苦今減二萬五千餘貫自先君子啟之則其父名師古中
紹興二十四年進士終廣東提點刑獄殆卽其人同時尙有重
和元年進士王師心終顯謨閣直學士紹興十八年進士王師
愈終浙江提點刑獄宋元學案作勤政殿說書此本金華府志二十一年進士王師
尹終迪功郎皆金華人似亦象之之世叔父再檢紀勝得江南
西路隆興府官吏下載陳敏識詳載其宰分甯時禦敵一事而
末云象之出宰分甯相望百年而陳公之英風遺烈至今猶未
泯揭爲廟貌祠於邑庠由是觀之則直齋所云嘗知江甯縣者
當爲江南西路之分甯縣後人不知而妄改爲江南東路建康
府之江甯縣則謬矣他若通志所云隱居不仕則並江甯不知

其妄尤爲可笑至象之於紹熙辛亥游廬山親見晦翁所作西
原菴記又寶慶乙酉從長甯太守孫若蒙修長甯續志紹定丁
亥過重慶與憲使黎伯巽辨塗山之謬至樂碯觀威烈侯碑則
所得不知何據此本乃顧千里從趙晉齋孫淵如兩家寫本及
殘闕紀勝離校車秋舫持謙齋爲刻之今兵火之後已無存矣
陸所見朱茶堂劉燕庭鈔本皆不如此之完善今者紀勝闕卷
三十有一此書則三十一卷之碑記一門唯荆湖南路之潭州
成都府路之彭州縣州漢州邛州黎州雅州利西路之天水軍
空其七耳同治庚午七月

按鄒應龍榜爲慶元二年丙辰非元年通志誤程史卷二葉丞相
衡條云王中父觀之宰德化則觀之爲儀父叔兄或說是鄭菴

尚書以爲不在此數以叔季字異耳据宋史藝文志職官類益

之尚有漢官總類十卷職源五十卷

文獻通考同

今不傳丁亥爲寶

慶三年次年戊子始改元紹定二字衍師愈字齊賢

宋元學案卷二十五

作字與正文

憲

祖也見柳待制危學士集齊賢爲喻子才門人

宋元

學案作而與貴門人

與朱子同年故東萊集

卷三

與朱侍講第四十四書在

淳熙六年朱子知南康軍未任之前云恐須勉爲一起以承上

意況今陳相爲帥丁子章潘德夫皆素相慕用王齊賢顏魯子

亦士類也到郡想別無齟齬

卷五

與王侍講齊賢書云郡政恢舉

第二書云自聞入覲又云早承訪別憂居閫門則當在乾道八

年東萊丁父艱歸娶之後其時齊賢久官江南西道

萬曆金華府志云知

饒

州史無齊賢傳以袁州隆興官吏二條推之倘得紀勝檢之則

齊賢爲儀父父行其厯官必載於下可得其歲月矣

翁季錄

榕邨譜錄合考康熙四十六年丁亥請購募朱子遺書名翁季錄文集奏略曰朱子當日有手自紀錄與蔡元定講論之語名曰翁季錄者此書自宋人罕見之然近年浙江布衣家有此書後因兵火失落則是猶傳於人間也恭逢

聖駕南巡乞

旨下獻此書者給賞倘幸而復得以備朱子

之微言則萬世學者幸甚

庸

按宋元學案敘錄六十二云西山

蔡文節出領襲朱門然其律呂象數之學蓋得之其家庭之傳惜夫翁季錄之不存也謝山最博涉亦未見此書似文貞爲此奏後卒無進者據蔡杭朱子語錄後序云先師又有親自刪定與先大父西山講論之語及性與天道之妙名曰翁季錄者久未得出以流行於世豈斯文之顯晦固有時乎是宋時此錄本

未板行浙江布衣文貞何以不書其名恐所藏亦依託故謝山云不存卽據杭序也

梁志南尙書義

國朝今文尙書之學甚多定宇西莊良庭淵如爲最其從事古文尙書者不少概見乾隆中德州老儒梁志南秦鴻漕督蕭鴻從弟也有尙書義若干卷羅臺山曾校之又有周易觀運書經續解春秋辨義春秋義類儀禮綱目周官辨義禮記辨義詩經辨義計百卷志南終於優貢年五十九書皆未刻厯城周書倉藏之據吳穀人還京日記上卷云書倉亡書籍聞頗散失故梁書至今不傳梁名多作鴻蕭者皆誤

硯史

萬廉山郡丞

承紫

不滿於褚千峰牛空山金石圖之作因有縮

本百漢碑硯之刻出太倉王子若日申手子若自謂人事牽制
草草卒業瑜不掩瑕難服牛褚子若爲麓臺少司農五世孫諸
生初名應綬畫得家法工鑒及金石篆刻道光己亥庚子間爲
宿遷王惜菴刻高南阜硯史歷三年丁未及半咯血卒其事之
阨阻況瘁詳惜菴所刻子若手牘十三通後己酉以半易棗板
次年竣工出眞州吳熙載則草草失廬山眞面矣戊午四月惜
菴子子晃待詔襲之贈子拓本十二紙卽吳刻棗本其子若石
本子晃甚祕惜子曾索觀得南阜眞蹟幾十之七八方屬子晃
鳩工響搗其全捻匪倣擾子晃倉卒徙家北鄉而止此紙攜入
都門丙寅五月胡兄寄紅壽芬一見驚賞取去戊辰寄紅旅劬
保定不知落何處矣

張皋文先生七十家賦鈔敘昉班書藝文志中所論列惟屈平
宋玉景差荀卿孔臧司馬遷賈誼司馬相如揚雄張衡王延壽
張融班固左思阮籍曹植陸機潘岳謝莊鮑昭江淹庾信二十
二家它人皆不之及

徐丹厓明文遠

徐丹厓

文廟

雅意選輯明文按纂歷二十餘年康熙庚午遇江

右羅亦潭有同志其選實託始於此仿文粹文鑑文類三書例
自辭賦詔誥奏疏以及墓銘祭文爲類凡九十餘種爲卷二百
四十去取之意則以有關國是人心有益於綱常名教者爲主
大意欲與明史相表裏將成書而卒遺稿未付梓不知視黎洲
文海何如詳見丹厓自述及二十四家文鈔叢談 四庫提要
存目有明文遠無卷數前後無序跋目錄圈點批語皆用八比

法戴良係元代遺老王猷定係國朝人俱收入殊失限斷也似直隸總督採進本或其初稿二百四十卷者徐敬齋云不傳

詩人徵略

張南山

維屏

國朝詩人徵略初編六十卷目凡九百三十一

人始鄂麟閣

貌圖

終劉明東

開

中如五十三卷有蔡邦煊而目

失之五十六卷溫承恭下失邵詠邵詩袁棠孟佐舜俞廷柏趙繼曾陳鴻壽五十七卷止劉嗣綰一人失錢林屠倬陳傳經胡豹文五十八卷止黃玉衡王衍梅劉慶禮五十九卷失朱依眞何彬何元顧日新方紹武招茂章汪家禧張仁六十卷失邱士超汪繼勳蔡廷榕鄭灝若凌湘衡甄天民程謙佑陳裴之黃喬松黃照文凡三十二人豈以生存未入耶二編六十四卷始黃文僖公

機終

凡人

樞言

監利王子壽比部 相心 道光甲辰進士與魏嘿深何願船同年
齊名相傳爲文文端公閣中摸索鼻煙壺所得譚語無可稽也
未第時客游隴右以所見聞輯爲樞言十六篇己亥三月姚春
木序之謂通達似荀悅激發似王符純粹似徐幹非謂廢法而
任人乃欲任人而用法湯海秋以爲當在昌言潛夫間甲辰冬
續得九篇於官才懇懇詳言之謂天下之要人才而已人才之
爲我用賞罰而已今之爲法限於成格或疏於巨而覈於細取
士止進士一途不足以盡天下之才之選規切時事朱伯韓尤
推服之 庸 按玉谿生詩詳註 卷二 戲題樞言草閣三十二韻程夢
星注管子有樞言篇似取以名同以運籌帷幄自許錢木菴則
以樞言疑草閣主人字馮浩以錢說爲是按管子列經言外言

內言短語區言雜篇目區本不作樞區言似取藏也或小也之
義後人有作樞者非繫辭傳言行君子之樞機其取諸此乎又
按水心撰知處州蔣公行簡墓志銘云知海鹽縣還朝哀平生
著書五十篇號樞言上之執政愛其文曰院轄選也公不欲去
比部書名偶與之同蔣文不傳未知若何据馮孟亭說蔣南宋
人命名必取易繫而非管子明矣況管子本作區耶

娜嬛記

柚堂筆談娜嬛記引賈子說林云李陵爲單于所圍夜半使郭
超吹笛聲多悲慘人流涕解圍北走陳宏讓長笛吐清氣詩胡
騎爭北歸偏知別鄉苦杜詩吹笛云胡騎中宵堪北走正用其
事注者以爲借用劉琨吹笳事非庸按伊世珍瑯環記三卷所
引用各書大都杜撰僞託古人俞理初癸巳存稿三卷識語謂桑

倪安造賈子說林亦僞書之一柚堂信之過矣竹汀元史藝文志子部小說家類與常陽妻龍輔女紅餘志二卷並收入似非

鏡煙堂十種

柳亭詩話

卷二

孟堅紀述曰我德如風民應如草曹子建七啟

曰民望若草我澤如春陸士衡衍而爲詩曰我靜如鏡民動如煙愈變愈妙可謂青出於藍矣

庸

按莊子天下其動若水其靜

若鏡紀文達公編輯鏡煙堂十種二字本於陸詩十種則沈氏四聲攷唐人試律說刪正二馮才調集刪正瀛奎律髓李義山詩陳後山詩張爲主客圖審定風雅遺音庚辰集館課存稿

畫史彙傳

彭蘊璫畫史彙傳

卷四

引德門隨意錄云杜庭珠字怡谷秀水

人官萬安知縣錫山杜庶常紫綸春日得句云落花人獨立微

雨燕雙歸庭珠卽以詩意繪圖相贈輦下名流稱爲雙絕庸按
庭珠爲宗伯臻子紫綸乃其族兄曾同選叩彈集彙傳列於隆
萬間人杜元禮之前殊誤又按紫綸雲谿閣集卷二有自題花雨
填詞圖三絕句序云落花人獨立微雨燕雙飛晏小山句也年
少時填詞取以作圖蓋十餘年矣比奉校詞之
命索題於同館諸君彭以此二句爲紫綸春日作庭珠繪圖又
謫飛爲歸皆誤

乾坤正氣集

涇縣潘文慎公乾坤正氣集五百七十四卷凡一百一家本出
顧湘舟瓦手文慎出貲刻之遂署公名與魏嘿深所纂經世文
編借刻於賀制府長齡者同凡例第一條云是集專以殺身成
仁者爲限其僅止廢斥者不列而集中如宗忠簡澤高迪功登

胡剛簡

夢昱

劉忠肅

載

郝文忠

經

鄒忠介

智

趙忠毅

南星

堵文

忠

允錫

錢忠介

肅樂

九公均以病卒未嘗實身鋒刃何以自亂

其例豈湘舟編次原本止六十三家文慎後屬其廣爲按訪歷得數家意有未慊剏取四庫所收別集益之倉卒靡入不暇詳省故與顧初定凡例不合耶周秦以降殺身成仁有別集行世者奚翅此數但就勝國遭禍殉節者言之如劉三吾高啟程通王叔英解縉王偁李默曹學佺施邦曜高宏圖顧大章呂維祺徐石麟鄭鄭徐汧馬世奇吳甘來楊廷麟陸培羅萬藻艾南英夏允彝陳龍正陳函輝楊廷樞曾異撰萬元吉尹民興章正宸沈士柱吳易諸公皆有集限以百一未免漏略也卷首姚石甫序爲顧作非爲文慎小傳二卷刪削史傳語多鶻突不知何人所爲必不出湘舟手也

啟禎野乘

啟禎野乘十六卷卽明季遺聞分品節璫難經濟文學殉難循
良忠烈義烈品行隱逸列女十一子目甲申冬無錫鄒汝濤
所纂其後附益至順治戊戌後而成卷首薛諸孟案序以爲上
繼弇山振筆蒼雅一往畢肖自序謂不列帝后不備表志以別
於史也按漪父式金號木石以部郎中委質國朝官泉州
知府漪意有所諱於忠義殉難不盡按羅而卷十三兩義俠傳
張大方蔡克去於反覆賣降之張縉彥委曲遷轉以掩其罪反侈張殺
賊之功尤非事實曾爲蕭御史糾參潛邱謂其受縉彥賄與李
明睿之屬故亦爲李粉飾鮎埼亭集外編卷四記方翼明事云
穢誣不堪爲王燮曲筆增飾秋笈後集有張坦公先生讀甲申
河北討賊之事感賦七律注云賊購公急賴張蔡二俠士以免

蓋亦信縉彥飾說是非不足凭何論文筆乎中所稱引本之誌狀及先達緒論同人評跋小小瑣逸爲史館所刪薙萬石園記亦有可節取者僅資談助略錄於後

葉向高傳生而倭患方棘母夫人避外家產於敗厠遂名曰厠長爲許夢熊首拔薦於督學宋儀望以童子應秋試時尙未聘許聞邑俞氏有女召俞令壻公卽公堂治酒削牘函幣成禮而歸費皆令辦絕類徐文貞受知聶公豹事

劉一燝傳公去國忠賢與攻廷弼者恨公益深張鶴鳴借劉一燝佟卜年事欲族公王紀不可削籍奪銜會璫敗獲免

文震孟傳營竺鵬新阡以葬父

庸

按文肅父衛輝同知元發後

文肅子蓀符

秉

自僻竹塢遺民以此

孫慎行傳司道郡邑十請不一見卽見請地方事謝不知嘗言

我輩鄉大夫所聞多浸潤膚受不若公府之明察爲覈作居里記以見志

李騰芳傳時邊防久弛公獨料元菟樂浪間當有變起因草總督三邊李汶加少傅制末曰自昔夷夏之強弱皆以人才爲盛衰今虜不生才之時宜我有久安之理但天意難必人事宜防沉爾久厯邊陲卽當召還禁闕爾爲曹瑋若有英物如元昊豈不先見爾爲呂蒙若可代卿如陸遜亦當密聞蓋以文託諷冀幸當事之一悟也然卒以此得忌側目公者每云江陵再見江陵不欲哮拜入衙後拜卒以反誅公於漁陽事彷彿九齡先見莫肯施行卒如左券

馮從吾傳然則公豈非昭代兩廡中人哉

左忠毅傳每謂元祐去亂法不去亂人畢竟是錯李忠定於高

宗和議極諫皆爭事不知爭人蓋事之失止一事人則階禍無窮

劉應遇傳字玉庸別號念劬孝感人中萬厯辛卯鄉試癸丑授永甯令厯甘肅巡撫辛未正月三日卒年六十四嘉隆以來資格困人其自乙榜建牙開府者海忠介艾平江皆用直節杖戍顯獨公與孫元化劉可訓邱禾嘉並拜烈皇破格求才可謂至矣元化以罪誅可訓以沈敏事去皆自貽伊戚禾嘉大淩喪師薄調京卿論者謂罪浮於罰公鞠躬盡瘁有甲榜所不敢望者梅之煥傳言附小人者必小人附君子者未必君子

沈自徵傳字君庸吳江人父琰爲南刑郎君庸尤長北劇世所傳霸亭秋鞭歌妓簪花髻今合爲漁陽三弄者也明南北劇不下數百家惟徐文長四聲猿稱獨步君庸與之並駕詩文散佚

冬青樹一劇亦復不傳庸按鮒埼亭集外編云君庸崇禎乙亥
辟賢良不就冬青樹殆演唐林義士事紅雪樓九種中有之
慙山大師傳名德清蔡氏全椒人字澄印天啟癸亥示寂於曹
谿世壽七十八僧臘五十九著有楞伽筆記華嚴綱要楞嚴五
鏡法華擊節楞嚴法華通議起信唯識解觀老莊影響論道法
唯解大學中庸直指秦杜左氏心法夢游集與紫柏雲栖鼎峙
法幢

漢唐事箋

羣經室外集卷四漢唐事箋十二卷後集八卷提要云元朱禮撰
禮之事蹟無可攷庸按江西新城縣志引馮行縣志拾遺云朱
禮字德嘉近傳以禮字經室經進書錄作字仲嘉亦引新城縣志元統三年乙亥舉鄉試
官崇仁教諭移廬陵著有對策幾要漢唐事箋云出虞集學記

蓋卽其人行字人也新城諸生有恥齋文鈔 集十二卷黎川
文獻 卷未見方東樹書林揚輝著書無實用條元朱理撰漢
唐事箋十二卷 四庫未收阮芸臺宮保始得之以進於

內府並爲作提要按宋閩川林駟字德頌撰決科古今源流至
論在 四庫子部類書存目中與此書相類乃科舉俗書也 庸
按誤禮爲理已不可解林書行世甚尠不知若何事箋貫穿二
朝史事乃通典之流別豈得以決科俗書薄之咸豐初從先師
樂安先生假讀師遂以見于辛酉燬於粵逆可惜也此書有李
涇刊本江西坊本又刻入粵雅堂叢書續集

鮎埼集

漢書地理志會稽鄞有鮎埼亭故謝山全氏別號鮎埼亭長取
目名集猶王文簡之古夫于亭雜錄朱竹垞之何金風亭長也

同時山陰劉鳳岡詩名鮎埼集見集虛齋學古文卷六有序不知何義

雷司空著述

明豐城雷古和司空禮著有明大政記二十五卷入四庫全

類存目明史藝文明六朝索隱十六卷入四庫全書史部編年

撰明史藝文內閣行實二卷入四庫全書史部傳記類存目

列卿實紀一百六十五卷入四庫全書史部傳記類存目

表督學表明元魁表各省世官表以上五表皆不依史

別集自存唐宰相傳宋兩府年表太僕寺志十一卷入四庫

全書史部職官類豫章書一百二十二卷入四庫全書史部

提要云非完書豫章人物記豫章科目表江西進士稿

豐城人物志豐城科第說嘉靖真定府志三十五卷入四庫

全書史部地理類存目

同治戊辰九月江西重修通志開局高安朱芷汀船孝廉分纂
藝文子偶及司空名著訪之豐城司空後人及省城坊肆皆烏
有李恣伯農部書來云得列卿紀於琉璃廠肆以道遠卷夥不
暇借觀子亦解組歸矣

本草

問字堂集校定神農本草經序舊說陳騭中興本草之名僅見

漢書平帝紀

元始五年徵天下通知逸經古記天文歷算鍾律小學史篇方術本草者

及樓護傳誦

醫經本草方術數十萬言

予按藝文志有神農黃帝食藥七卷今本譌爲食

禁賈公彥周禮醫師疏引其文正作食藥宋人不考遂疑本草

非七略中書也

庸

按新唐書

卷一百四

于志甯傳

陔餘叢攷卷卅三引舊書方技傳同

云班固唯記黃帝內外經不載本草至齊七錄乃稱之世謂神

農氏嘗藥以拯含氣而黃帝以前文字不傳以識相付至桐雷
乃載篇冊然所載郡縣多在漢時疑張仲景華陀竄記其語干
與賈同時果食藥卽爲本草志甯何不以之對帝知班固不載
本之七略孫說似臆度也周中孚鄭堂札記卷四首條嚴可均
全上古文目案語卽本淵如纂書亭集卷十五本草衍義跋云本
草經撰自神農隋志已著其目帝王世紀黃帝使岐伯定本草
經中經簿有子儀本草經一卷鄭注周禮食醫謂治合之齊存
乎神農子儀之術賈疏云晉中經簿本草經三卷周末人子儀
所纂讀書偶識附 韓詩外傳子儀是秦越人之弟子

神農所作蓋自尊其經必託之古聖注家通弊也
按補續漢書藝文志子部有蔡邕本草七卷見隋志

南雷文約

卷三

陳令升先生傳有問綏寇紀略流寇志優劣先生

曰兩書豈可並論顧梅邨之集不及紀略遠甚疑不出於梅邨

然舍梅邨又無可與梅邨當者黠埼亭集外編

卷二

跋紀略引

林璽菴謂原名鹿樵野史梅邨得之遂以行世爲鄒漪竄改十

五近出俞樓雜著

卷四

壺東漫錄云太倉黃侃字孝直鹿樵舊

聞序所謂廣鼎者似指吳梅邨之綏寇紀略鹿樵舊聞其卽綏

寇紀略之藍本乎然吳梅邨作玉京道人傳偁鹿樵生則鹿樵

之號固梅邨所以自寓也記此更核之

庸按

四庫全書史部

紀事本末類提要引暴書亭集跋云梅邨以順治壬辰舍館嘉

興之萬壽宮輯綏寇紀略久之其鄉人發雕僅十二卷虞淵沈

中下卷未刻明史開局是本出于鈔入百六叢書歸田後爲友

人借失所謂雕本卽指康熙甲寅鄒式金本而言鄒木石卽篋

流寇志鄒漪父竹垞與梅邨時代相接如此書不出梅邨或梅邨取舊聞而更輯之竹垞必微見其文矣令升疑之而不能確指爲何人作孝直序旣斥爲贗鼎而舊聞今亦不傳四庫館臣不復援引致疑況梅邨固有鹿樵生之號郭象何法盛盜竊舊事又烏從攷核其是非乎

三國文

張受先采所輯三國文二十卷次第條格皆彷彿兩漢於陳志外採輯雜史及藝文類聚太平御覽而成惟卷二魏明帝報東阿王植詔一百四十一字與卷一文帝報陳思王詔不差一字注云植上疏求存問親戚詔報卷一注亦云思王上疏求通問親戚帝優詔報之蓋一文兩見它書誤分爲二遂兩收繆出也

鬼董

鮑以文跋云第四卷有嘉定戊寅予在都之語則其人甯宗時

尙存庸按卷三第六條首云寶慶丁亥則理宗初年猶在倪粲

元史藝文志竹汀元史藝文志子部小說家類皆作關漢卿鬼

董五卷蓋本之堯山堂外紀絳雲樓書目作鬼董孤卽此書以文偶失之近姚

氏師石書目卷二亦云三云秦漢言神仙者未嘗稱老子況三

清十枉之說哉祭醮符籙始於張陵成於寇謙之惡其無本乃

自託於老子以神其書老子書言有道之國其鬼不神其肯設

爲三官九府仙吏以罔民耶薦亡一門不在洞元洞神洞冥之

科最爲後出撫寫釋氏而不克肖以佛本不言薦亡後人爲之

已自背本教道士見其利入之厚因而假焉蓋又張寇二師所

不道也一段斥近世僧道梁皇水懺水陸煉度之誣罔最洞癥

結中有招蜀人荀生爲高功知此稱南宋已然惟云東封鶴至

無日無之故呼丁謂爲鶴相則與湘山野錄老學齋叢談所載丁魯公有圖書曰化鶴之裔時人稱爲鶴相者異

三蘇文範

嘉樂堂選評注三蘇文範十七卷云袁中郎增輯參閱卷首三蘇攷實一篇云洵字源明號老泉軾字子瞻小字同文洵長子轍字子由小字同叔洵次子按明允極樂院造六菩薩記云丁母夫人之憂蓋年二十有四矣其後五年而喪兄希白又一年而長子死攷明允年二十四爲明道元年壬申又五年爲景祐四年丁丑又一年爲寶元元年戊寅而景先卒歐陽文忠撰明允誌銘曰生三子曰景先早卒樂城集次韻子瞻詩云兄弟本三人懷抱喪其一文忠行九二故一字和仲非長文定行九三非次源明唐人非明允字老泉乃文忠號非明允此皆誤甚至

云文定所制有古文五十餘卷及詩傳春秋傳古文樂城集行於世文乃史之譌樂乃樂之譌然古文樂城集五字亦不辭蓋明末坊賈不讀書者所爲決不出中郎手也

說鈴

潛邱劄記

卷五

與劉超宗丈書鈍翁類稿已覓得一寓目不但

及叔子并其同儕中葉子吉方藹亦不及橫得重名非進賢冠及蘇州人之力乎爲之憤絕鈍翁有說鈴一帙皆記同時交游

之人之言多黨同護前不肖大書其端曰羣兒自相貴耳

庸按

按

鈍翁類稿中有說鈴小序云義取法言吾子篇其書止一卷則與世說語林略相類王暉今世說曾採之刻入鮑鈺道腴堂全集後楊列歐昭代叢書辛集近又刻入嘯園叢書第二函

四庫全書總目集部別集類存目三明明劉養微康谷子集提要

云四卷則其說鈴及自譜四則其說鈴內極推夢陽似亦筆記之類澹生堂藏書目有葉敬君秉敬書肆說鈴二卷入四庫子部雜家類存則以楊子語名書明人已先之矣國初山陰張陶菴有張子說鈴曾稽孟子塞司訓稱舜亦有說鈴集今皆不傳後石門吳青壇侍御震方有說鈴初二集則叢書與劉葉汪張孟五家所撰名同實異

壯悔堂集

邵青門憲侯方域魏禧傳云末年游吳下將刻集集中文未脫稿者一夕補綴立就又王萃桃花扇題辭之四云清製排成甃甃餘馬伶小傳石渠書描摹若輩聲容處一任文園賦子虛自注相傳壯悔堂集朝宗於辛卯下第後數日成之者故文雖奇而事多失實庸按雪苑雖天才英駿而集中犖犖大文不一而

足必非叱嗟可辨青門云一夕秋史云數日皆好事者故奇其說不足爲定評而勾庭以此致疑其淺薄雪苑文雖學不逮才理疏於法然豈急就章耶

劉金門梁蔭林

劉金門少宰存悔齋經進文中

高宗純皇帝實錄前紀云文成三集千三百五十餘篇詩成五集四萬一千八百餘首而乙卯後三年復得文三十六篇詩七百五十首舊爲餘集梁蔭林中丞浪迹叢談卷十則云樂善堂文集定本三十卷更在前焉惟云詩成五集四百四十四卷四萬二千七百七十八篇謹按 皇清文穎續編卷首恭跋

御製詩文餘集云詩成五集共得四萬一千八百篇文成三集共得文一千三百五十五篇 四庫全書提要云文初集三十

卷五百七十餘篇二集四十四卷四百一十餘篇詩初集四十八卷四于一百五十餘首二集百卷八千四百七十餘首三集百十二卷一萬一千六百二十餘首四集百卷九千七百餘首劉梁二說不知何據

筭河文集

筭河文集卷首有先生次子錫庚敘摭漢隋二志之精於古今別集源流貫澈似出寶齋手至云禮莫過於儀禮苦節文之難讀撰釋例又云嘗倣裴松之注三國志之例撰五代史補注若干卷既成爲人誤燬庸按江慎修有儀禮釋例止釋服一類杭堇浦有禮例又合周禮儀禮爲之惟凌仲子禮經釋例十四卷同異詳略條理秩然不知視筭河奚若彭文勤五代史記注則本竹垞採摭繁富劉金門校而李鴻賓刊之足補筭河已燼之

憾矣

禮記析疑

明以來列學官者禮記惟陳氏集說學者弗心鑒也望谿侍郎在請室著禮記四十八卷蓋得於記之本文者十五六辨陳說者十三四自序云注疏之學莫善於三禮其參伍倫類彼此互證心力最勤宋元諸儒因而紬繹之其辭義顯然者既無可疑而隱微者多未焉用此知古書之蘊非一士之智一代之學所能盡也然惟前之人既闢其徑涂而言有端緒然後繼事者得由其間而入焉乃或以己所得瑕疵前人而忘其用力之艱過矣持論若此故全書辨譌補闕類皆審詳經文確知其故從而正是正不過駁前人之非亦不襲前人之誤如道德仁義非禮不成條云老莊楊墨所以自賊而害天下微子舍其孫臍而立衍

條云非從殷禮作賓定國以成其仁舍孫立弟以明其義與太伯略同太伯蓋不欲摘商之天下并不欲受周之封國皆遭變而止於至善孔子所以目爲三仁稱其至德也孔子少孤條云遷以宮刑爲百世之詬乃於自古聖賢皆傳誣妄語以污之至聖身無可疵而重誣其父母曾點倚其門而歌條云季氏有無君之心自宿始歌以其死爲快也傳非譏以王制三監爲漢儒肥說非周制以高禘不見於周官儀禮春秋三傳國語爲秦之惡禮或不韋欲立而未立之禮或亦莽欲悞竄八蜡貓虎爲二無昆蟲親之也者親之也據家語當作敬之也哀公問同玉藻子卯稷食菜羹謂湯武躬行以示其不敢安而著爲令典見聖人遭變雖君臣易位而忠敬之心仍不改其常以明堂位爲莽歆所竄處甚多以大傳追王太王云云正緯書之誤以學記比

年中年考校之詳歎後世教士以科舉而決以有司俄頃之心
目爲失人雜記設冒謂小大二歛無復衣尸所云十九稱三十
稱惟用絞衾以來而非以被於身謂西河之說誤喪大記代哭
謂聖人所以盡人之性而起教於微眇以燕義首節謂注家引
周禮以證而昧者誤置篇首皆精確不磨

城東掌錄

稗販四卷厲徵君城東掌錄乃未成之書翟晴江良維雜志按羅
亦極該洽稿甫成而得疾奄逝其書竟不知流落何所趙誠夫
褚堂閭史一書向曾借觀聞後賢偶疏藏弄已不知歸何人插
架庸按樊榭東城雜記二卷嘉慶庚辰汪遠孫刻跋云是書爲
未定之本其中塗乙添注較外聞傳鈔者頗有增益殆卽曹氏
所云城東掌錄後改今名或誤記自序云杭城東曰東園每有

所得輒掌錄之非別有一書也今刻入粵雅堂叢書翟超二書則不知薶砌何所杭人今亦罕知之者

札樸

札樸十卷桂冬卉

後

後令溟時箸壬戌八月自序云以其

瑣碎竊比匠門之木杙故名子曰爲溫經二卷覽古四卷匡謬金石文字鄉里舊聞溟游績筆各一卷六書聲韻引據奧博偶有過泥說文改經字處而攷覈精確補前人未及者十之七金石拓本諸家未箸錄者收載辨證尤夥王晚聞序以爲接亭林之武雖未盡然大致仿王文簡池北偶談香祖筆記居易錄諸書可與晚學集並傳書爲鮑以文校山陰永甯州吏目李宏信桑懋堂序云尙有說文正義六十卷爲一生精力所聚卽義證也

汪雙池

汪雙池先生

烜

婺源北鄉段莘里人明戶部尚書清簡公應蛟

其四世祖也五十餘始受知學使嵩壽補諸生名紱小字重生別號雙池著書三十五種凡二百二十七卷易經如話四書引蒙口講六王數論三書稿本藏先生族人冢餘卷藏門人余元邁家乾隆己卯九月卒年六十八子思謙增生先生歿三日以毀卒一孫先三月殤思謙婦詹亦自經先生遂無後哀哉朱笥河學使表其墓與江慎修並推二儒云

唐氏蒙求

唐六枳方伯

仲冕

纂唐氏蒙求三卷爲家塾訓蒙善本許月南

桂林

注亦簡確可誦間有疏漏如大父母存句下引史記留侯

世家大父開地應劭曰大父祖父而忘引深衣大父母則母字

無著金履祥編句下云元金履祥綱目前編十七卷而上條通鑑下已注金履祥字仁山撰前編不免一書兩出金書爲綱目而作應刪上存下宋袁粲死句下云宋武帝將篡晉中書監袁粲尙書令劉秉謀起兵石頭城誅之不克而死而侍中褚淵受晉孝武帝顧命實奉璽綬於宋則最爲紕繆全不類讀書者所爲必不出月南手也金陳章羅句下陳章羅皆江西人與艾南英千子號江西四家是爲幾社文尙理法宗史漢八家而婁東張溥倡復社陳子龍夏允彝輩尙才情宗東漢六朝云按是爲幾社四字當在六朝下誤移上著書注書者多有而校書者鮮可歎也

好雲樓初集

臨川李小湖廷尉

聯珠

好雲樓初集中詩文佳構頗多微嫌失

之蕪雜蓋平原才患其多也如題祭仲嬖陳孺人文後辨狀臨
池自記論淮陰義婦事論古人相類事拜文文羅豫章未有封
爵議祭酒說駁呂新吾敬者不苟之說書顧復初春秋謚法攷
後按子產爲成公之子不宜父子同諡罕達爲子產之子此誤儀禮
而有按子產爲成公孫非子罕達爲子皮子此誤儀禮
先易敘張茂才鴻性理翼敘三統術敘即陳氏繼杜征南作春
秋長祿一書僅刻於通
志堂學者亦罕庸按通志堂經解收春秋三十四種無征南長
祿若陳厚耀所著則納蘭侍衛所刻皆宋元人著述無從闖入
國朝人也此明農館記書張穆實孝經論後題雪中送炭圖錢
段不知何本中書易曝書圖後記跋似皆不足存若康熙己未鴻博詩輯敘
應嗣寅作嗣賓則蔡誤偶未核改也

宿遷縣志

宿遷縣重修志六卷嘉慶辛未邑人臧晉高等六人纂按邑在
周爲鍾吾路史一作吳凸猶路史或以爲
卽仇繇非二國秦爲下相縣地故城
在今

縣西南元和郡縣志漢為司吾
屬東海郡莽改息吾今縣東北

作西北七十里非
又置凸猶莽改乘義下相
莽改陵為泗水國治
凡四縣皆在

今邳桃源沐陽睢甯境內東晉義熙中置宿預郡及宿預縣故

在今縣東南水經注曰元帝為安
立淮陽郡置角城或作為治

東也常運軍儲而為縣開故名
魏武定八年置下邳郡分宿預地置柵淵尋廢北齊改宿豫郡

故址在今
為晉甯郡以宿豫為治後周改為臨清唐寶應元年以諱改今

遶水境內
名屬徐州五代因之宋太平興國七年改屬淮陽軍元至正八

年又改屬歸德府十二年復屬淮安明初屬邳州隸鳳陽洪武

十五年改隸淮安至 國朝雍正十一年復屬徐州沿革遷徙

不一故志為難元和郡縣志謂卽宋人遷宿之地按杜注東平

無鹽有故宿城在鄆東三十六里隋宿城縣也似吉甫說不足

據本春秋大事表志分三十門蓋本王峻徐州府志然

巡幸不載年月但錄詩章并

御豔梅花今猶恭藏極樂菴者亦未載失之太疏分野疆域風俗寥寥數語可不立專門廨署壇廟城池鄉鎮四門亦可仿靈壽縣志併嬀爲建置一門驛遞本姑蘇志然亦可增河渠後橋梁宜入河渠名宦人物收載甚簡且不免猥雜并多誤字物產但臚古書不詳今有則類書而非方志矣雜記攬拾劣詩小說更爲蕪鄙目列姚鼐鑑定似但乞姬傳作序全志初未是正故與新修江甯府志皆滋笑端然則志豈易重修哉妄人至以爲攫取金錢地自贖大府自署總纂開局不著一字又脫身需次潛遁豪無羞惡有司亦無如之何則又去苟簡成書者不可以道里計人情牟利無孔不鑽志局書局同文機器招商開礦皆

一邱之貉也

蓬窗隨錄蓬窗續錄

蓬窗隨錄十四卷附錄二卷天津沈拙安方伯

兆澤

編方伯自

道光庚子官江南糧儲迄咸豐辛亥歷十二年此書乃督運往
還取國朝諸家文隨筆鈔撮而成分頌表歌賦疏摺論議攷
辨說敘記書傳書事書後雜著十八體所錄凡七十家爲杭世
駿汪注尤侗紀昀袁枚朱彝尊徐倬錢載舒赫德李因篤甯爾
講靳輔孫嘉淦畢沅徐越陳宏謀裘曰修柴潮生高斌陶澍晏
斯盛歐陽永琦訥親林則徐魏裔介周鼎寶光鼐孔憲培永恩
彭元瑞永瑋梁國治俞長城顧棟高錢大昕湯斌鄭梁陳兆崙
黃六鴻惠士奇吳邦慶陳黃中劉汝翼景瀚查禮趙佑孫宅揆
唐夢賚陳維崧劉綸齊召南施閏章方苞姚文田陸隴其李鍾

份陸燿張英牛階平

應作運震

歸莊陳廷敬趙一清朱筠錢儀吉石

韞玉盛百二馮應榴徐用錫李光地王心敬末二卷則雜載詞章四書改錯螭齋榕城蓮坡涇川諸詩話詩鈔小傳畫徵錄名人尺牘小傳柳下咫聞及方伯父丹厓大令竈嫗解二卷并藥方夢卜及名臣軼事而以因果終焉凡例云所錄皆有關學術政治兼及人物攷證稍涉俳優者概不錄故於直隸水利河道諸篇甄錄最夥以吳潛帥邦慶畿輔水利私議一篇爲最經世文編未收當由嘿深未見惟就行區所攜又生存者不錄故未免漏略韓石請釐正堯陵兩疏最爲迂冗奉

旨中飭可不錄詩賦楹帖及隨時聞見附錄別編未付梓續錄二卷凡二十一家複見者潛庵榕門曉嵐竹汀衍石五家餘爲孫奇逢傅山魏象樞毛奇齡范鄒鼎田從典盧錫晉王珥徐文

靖靳榮藩劉大櫟程晉方陳用光劉開毛應觀鄒鳴鶴已未六月所刻以序者先後爲次不復分體中凡敘辨雜記書表論疏說議解檄記語書事跋書後摺子并自箸傳雜著十八門參差不齊與前錄不畫一蓋隨時信筆非爲著述也方伯庚午以重赴鹿鳴加頭品頂戴丙子重赴恩榮七月十七日卒年九十
四著有易義輯聞 義利錄 尙論編 仰止編 發聲錄
織簾書屋詩文鈔 詠史詩鈔 皆未刻

浙江忠義錄

浙江忠義錄

卷秀水趙桐孫太守

銘未鄉舉前在局總纂

譚仲修諸人分纂

凡例十四條其三云傳分八等職官

一二上將弁三

客將三團練紳民

四五殉難紳民

七出仕上九流寓下列女十上

無事蹟者統歸於表其五云是錄不以殉難年月先後爲序而

序官之文武大小於同官中仍次以年月至外省官紳士民在
浙殉難者有差事則附諸職官之後無差事則爲流寓附諸紳
民之後其官親幕友則附諸本官之下不復另立傳表皆然其
六云傳中官位但書實職其有擬保某官而未經入奏者不書
表中則從本官其加銜及翎枝亦不列入惟無實職者書虛銜
附於各官之後已立傳者注明有傳附傳不贅其七云史記中
列傳間有不稱名者自後歷代史傳無不名而各省志及郡縣
志卽本朝人亦不以稱名爲嫌蓋官書爲一家著作其體例自
不同也是錄體本史乘竊取臨文不諱之義其九云文武職官
表以官階爲次紳民婦女表以府分爲次於一格中仍以殉難
年月先後爲次其年月無可稽者附載於後其十三云是錄凡
曾經請卹及有冊籍可稽者悉登之表不下十數萬人觀其凡

例可以知其書之明哲體例完善後來江西忠義錄出汪芾卿同年綬之一手輯成卽仿太守爲之故亦可觀

太守代馬端敏公

新貽

纂序略云古來忠臣義士若先軫汪錡

縣賁父之屬往往散見於簡策而唐宋以上不聞有專書昭忠錄則昉於元人所記爲宋末忠節事實明正德中桑瑾著有節義林正續二編自三代及元按羅頗富然其書皆不甚傳於世尤可怪者史記兩漢多爲貨殖游俠方術列傳而忠義反無得而稱晉書及北史始有節義傳五代史又分爲死義死事二傳而所傳皆寥寥數十人歐陽氏之所謂死節者則止有王彥章等三人焉豈作史者其難其慎而故從其略歟抑當時莫爲之傳而後世遂無述歟然則是編之作一以備國史之采擇一以正草野之傳疑信乎爲不可少之書也權史婉確神似廬陵

錄中閒有脫誤

卷二上

張錫庚傳父某福建龍巖州知州以經術

著某當作頡雲胡元博傳道光壬午舉人午下脫順天二字鳳

拾傳鳳拾蒙古鑲紅旗人禮部尙書色卜精額子拾下當補字

木臣禮部尙書應作安徽巡撫精應作星

卷二下

李希郊傳道光

庚子進士咸豐八年由御史出爲處州知府士下當補兵部主

事屈永清傳當補字緯如蔡兆輅傳王子進士下當補癸丑補

殿試以知縣卽用上

卷三

楊宗正傳從湖南提督向榮討新甯教

匪李沅擒之沅下脫發字

卷四

劉鍾祥傳咸豐丙辰進士刑部主

事士下脫翰林院庶吉士散館改九字應補方與鍾世耀傳畫

一

卷五

趙景賢傳同治元年正月朔二日衍朔字周慶春傳梅谿

書院祠宋王忠文公慶春爲主講周忠文法非敦行好學不得

與祠當作祀周當作用葉維藩傳當補字介人

卷六

包立身傳後

附陸梅云杭州人前河南巡撫言之孫也南下脫布政使護理
五字杭州應作錢塘七卷朱鳳喈傳長星見如噴火謂此車輔一
星在斗南吐芒則所見之處赤地千里是年河省大旱應書事
應邵懿辰傳應作字映垣號位西亦署蕙西撰尙書通義及
四庫目錄攷又輯禮經通論未卒業而亂作散軼不傳庫下脫
全書二字論下應補孝經通義四字亂作六字應作亂後僅得
禮經通論一卷文三十餘篇吳棠刻之淮安近潘祖蔭又刻其
詩數十首餘散軼不傳孫義傳道光乙丑進士乙應作已八卷程
慶餘傳字心齋烏程人久困童子試嗜學益篤宗嘉定錢氏精
攷證尤長書數爲六書微古今音韻表十八行省音韻表未成
又爛掌故爲八卿表督撫提鎮表續青浦王昶金石萃編稿草
數十卷按六部及都通大爲九卿僅表八卿不知所去何官似

有誤 嘉定殉難遲鴻軒詩乘

卷二

哀二君序心齋著書未成則

亦無可攷矣

卷八

徐本榮趙淮傳附劉炳森山陰人諸生前明文

正公宗周裔也當作明左都御史忠介公裔孫也

卷九

王樞傳樞

上脫本字沈炳垣傳海鹽人官左春坊左庶子人下當補道光
乙巳進士由編修厯十字徐有壬傳道光乙未進士當作己丑
同治己巳五月十八夜治官文書竟猶讀一過就所知乙之苦
不盡也桐孫乙卯出任邱邊師房與之同門未識面庚午爲順
德李芍農侍讀所識拔李忞伯農部亦甚稱之他文未見行卷
中策仿文心雕龍最爲古豔駢文之極則也

知足齋時文存鈔

朱文正公知足齋時文存鈔嘉慶辛酉自編道光戊戌公會孫
甘霖以付毛伯雨侍郎釐定始刊棧也愆焉得剛晉平公之於

亥唐也兩題下皆注乾隆己亥考差按考差四書文二篇減去一篇改經文一始於嘉慶己卯今人已鮮知之必以爲有一誤倘舊筆刪其一則不誤反誤矣此亦編校家所當知也至居是邦也三句王天下有三重焉觀水有術二句皆文正甲寅廣東鄉試擬程而題下均注陝甘則實誤侍郎不及校也

夢厂雜著

夢厂雜著十卷嘉慶中山陰俞青原蛟著蛟官廣東齊昌尉孫荀莊鑑敘在嘉慶辛未云年皆六十則青原生於乾隆壬申書子目七爲春明叢說七卷鄉曲枝辭二卷游蹤選勝臨清寇略讀畫閒評各一卷齊東妄言一卷潮嘉風月一卷敘述少出色處惟寇略紀王倫構逆足資攷證閒評論畫尙爲有見風月仿板橋雜記間有可誦其偶誤者叢說謝少山傳昔馬周游汴新

豐主目爲酒徒汴字誤玉兒傳云生後出知某州典郡重華卒
於官攜其幼子按玉洲太史終於館職未嘗外任子治運屢歷
館閣安有待玉郎撫卹之事梁中堂義女條云余同鄉章石齋
與先生鄉榜同年按石齋爲文定乾隆丁酉順天典試所得士
非同年記鍾雲貞致夫書云書四百餘言按雲貞原書凡二千
餘言枝辭陳佩之條學使王師兩誤作詩金氏婦條誤以懷帝
爲懷宗劉淵爲石勒平南仲傳云忘其籍隸殆傳聞失實妄詆
之辭魯德鄰傳云高國英進士武進令題名碑無選勝潯谿山
記云微之遂作中興頌誤以微之爲元結字間評誤童鈺爲珏
潘恭壽爲公壽又云金壽門畫皆羅兩峰作而金題署之者以
畫徵錄爲誤殊失之誣妄言劉孝廉條誤以顧亭林爲太倉人
柳如是傳本新齊諧卷十而以昭文爲康熙時新設南十四夢

神記云史稱其端良博學端良爲願字其字誤衍風月濮小姑

條

與樞齋雜記卷四略異

云吳公臚唱後告假完嫺亦誤

書林揚解

方東樹書林揚解著書不足重條云近又有一種人以已所餘殘膏賸馥丐婦人造作虛譽哀然各自成書灾之梨棗以疑誤學人耳目天下後世孰知其真僞之所在耶此較之臧霸梅賾劉炫豐熙楊慎曹溶輩專造僞書益誕肆矣庸按植之此條似指阮文達側室劉書之疑年錄臧應作張若近日申報館排印漢唐叢書中之張皇后外傳凡二篇陳皇后外傳附館胸上官皇后外傳周陽氏附傳皇后外傳魯元公主外傳懿安皇后外傳蔣孝廉西征述異記吳宮老狐談歷代麗人記上下託名洞庭逸宴白門嘯霞軒主人青谿居士鵝湖逸士實皆館中人所作尋

及前朝后主不知是何肺腸植之見之不第戟手痛罵而已

甬陽雜錄卽後甲集本名躍雷館日記又卽對山日記

趙益甫大令

之謙

仰視千七百二十九鶴齋叢書第一集有會

稽章泰占先生甬陽雜錄一卷敘云癸丑春於邨寺中得文集一冊凡四卷爲其族人實齋太史編定尙有小簡書目皆敘傳俟後作數大字太史晚年以病損一目此病時筆也又筆記三冊無卷數題識分目十數亦錯雜庸按先生著有玉屏山房集四卷入李亨特紹興府志藝文趙所見卷數同殆卽其書近出式訓堂叢書第二集對山日記三冊章氏乙卯割記後甲集二亦作對山日記卷首行下一名躍雷館日記卽趙所云筆記與志冊數同不知何故改名甬陽雜錄豈原冊本無標題偶未攷府志而漫爲之名耶至實齋通籍以知縣歸部銓選未嘗入館太史二字亦筆

誤也漢孳室文鈔偶陽雜錄書後誤與趙同

瞥記

梁書卷三十三王筠傳其自序曰余少好書老而彌篤雖遇見瞥觀
皆卽疏記後重省覽懽興彌深習與性成不覺筆倦唐按梁玉
繩瞥記本此名書見自序南齊書王僧虔傳其誠子篇亦有汝
皆未經拂耳瞥目豈有庖厨不修而欲延大賓者哉說文瞥過
目也徐曰瞥然暫見也說林訓鼃無耳而目不可以瞥精於明
也注瞥之則見也張衡思元賦遊塵外而瞥天廣成頌獸不得
倏禽不得瞥集韻亦作覩瞥

瀚海

申報館排印瀚海十二卷乃明沈佳元翰海入禁書目而誤翰爲瀚
署陳繼儒名又妄加尺牘二字茗盞曰偃師招福寺有宋仁宗

飛白書帝字碑

見金石萃編卷一百卅五

云賜進士翰林院學士陳

繹中州

金石記云翰林作瀚林尤前人所未有此以翰爲瀚或本之況史記本作翰海霍票騎傳登臨翰海二字古通注曰北海名羣鳥之所解羽故名翰海予謂仁宗筆誤何可爲據特卿言非點頭頑石所知耳

賡縵堂雜俎

何賡卿少司農賡縵堂雜俎一卷僅五十七條蓋隨手割記未成之書也所載多細事茲錄六條於此

冬夜同年圍爐言昔同鄉諸公會飲以一大事一小物爲題成詩二句時方改海運卽以爲大題而以飭爲小題余得一聯云轉輸乍可舒民力長策終須借爾籌眾頗以爲切合自然同年何願船始生時父夢見黃榜有願船名領袖者爲蕭姓後自

補弟子員至應禮部試悉無蕭姓者頗疑不應而願船捷南宮
適病瘍不能應殿試次年乙巳補試則第一人爲蕭史樓乃歎
數由前定蓋諸試所用榜紙皆白獨殿試用黃 吾鄉南城城
垣上有鐘鼓樓二後鼓樓毀於火重建於己巳是歲春聞昆明
獲雋七人前所未有也伊莘農制府題爲啟文樓 庸按嘉慶己
巳進士題名碑錄三甲十杜薇之四十六李芬五十二李上桃
九十七保先烈百十二倪玠百三十七陸芝皆昆明籍僅六人
一不知何名 昆明楊小汀 蒲嘗言己亥秋闈前數月夢至試
院一緋衣人導至公堂後開籠出一卷相授視之則己名也首
題爲質直而好義文中著圈處甚多而兩起比尤甚欲更視其
後緋衣人卽掣去遂寤潛擬一藝及入場首題如所夢喜極以
前文不甚慙心棄之復作三藝成將書之忽腹張如廁斗憶夢

中兩起比尤爲主司所賞而所作猶未稱遂易之揭曉無名心怪之及檢落卷則所駁正起二比也後甲辰始獲雋鬼神弄人殊不可解 侍家大人廣西州時李文園先生按試於此試後游城東廣福寺則李蘭坡儒恭甲午舉人諸上舍在焉先生召與同飲以興來每獨往勝事空自知分韻賦詩其中押每字頗不自然偶讀斜川集有次韻孫海若見贈用子美詩蘇侯得數過歡喜每傾倒爲韻每字云遠游信雖美驚夢今猶每便覺工穩 今人與子書或稱字人以爲非按後漢曹大家女誠述其子曹成之字曰子穀張母呼其子張邵之字曰元伯又王獻之好書嘗以帚沾泥書北館壁作方丈一字義之見而歎其美問知爲七郎所書於是作書與所知曰子敬飛白大有意則漢晉人已有行之者矣

史記考證

畢秋帆刻道古堂外集九種四爲史記考證七卷自序在乙丑四月朔云北監本訛闕不可指數 命儒臣重加校勘條其

同異附於各卷之後桐城方侍郎以余名上 聞總裁其事

者張尙書照就予商榷采納考證所由作也旣余以狂言獲譴

天台齊侍郎寄三冊史記在焉錄而存之其名一仍 武英殿

之舊同事此書者長白德侍郎 齡 陳詹事 浩 孫編修 人龍 不敢

闢入今就殿本勘之書 臣 世駿各條外凡引書而下無發明者

皆不書名而亦不盡然或杭說下又有所綴 五帝本紀 或文敏

別有論辨者 周本紀兩 皆無 臣 世駿名息園侍郎亦如之 建元

王子侯者年表浮邱侯劉不審封斯侯 八冊之中杭氏居其太

劉胡陽陪安作陰安劉章作童之類 半此外不書名者殆卽陳孫二人所攷又有 臣 祖庚則松江生

同太守也

孝文本紀祝茲臣侯軍棘門之類

清植則安谿穆亭侍郎

宋世家敗長狄緣斯

於長

亦厯一條二人殆杭氏放歸後入館故不數之吳太伯世

家餘祭卒衛世家惠公立三年出亡出

臣人龍厯二條平津主

父列傳出

臣浩厯一條不可解也

昭望谿先生集外文卷三奏重刻十三經廿二史事宜劄

子云在

殿翰林有詹事陳浩左庶子周學健侍讀學士呂熾編修朱良表四人

經史百家簡編

經史百家簡編二卷曾文正公手錄貽威靖伯威靖重寫一冊

請文正勘定而文正分別節次句絕章乙釐正謬誤評隲精華

可謂審矣同治甲戌六月傳忠書局蔡行又經威靖審訂王鼎

丞校字宜無誤矣何以賈誼陳政事疏第四十四葉末行夫存

亡之變句止第四十五葉首行起禮之也三字脫去治亂之機

其要在是矣以下至皆天子之所以改容而八百七十一字而

第四十五葉末行俱亡恥俱苟止第四十六葉首行又起七百歲而弗失六字自此接第四十四葉夫存亡之變句至然而湯武廣大其德行六十字止僅脫四百七十五字是四十五葉乃鈔胥誤寫而失去治亂之機至然而湯武廣大其德行六一葉遂重複脫落不可讀寫官之不事事不足怪校者何亦不一涉目卽付槩人登板及刷印呈樣又未一校卽印行廣布宇內不可解也近人好刻書而憚於校大率如是可歎

國朝二十四家文鈔

歸安徐敬齋斐然輯國朝二十四家文鈔江南八家江西三家浙江十家河南二家山西一家爲文三百六十一篇於國朝海內治古文辭成家諸別集摺摭未備卽所輯二十四家文之至者亦多失收此著述之難也後輯近文偶見稍稍增其未備同

時章氏實齋與吳胥石書深致不滿以吳敘其書爲非雖爲措
斥隨園而發而云穆堂文匯取七首買櫝還珠則固至言也近
象州鄭小谷論文顧有取其書意在排桐城派墨守之弊小谷
文不唐不宋於隨園爲近宜持論與章不同安岳周子模雅解
書續刻醒予山房文集後云二十四家全集非無積大精深規
矩謹飭之文而選者謂不足以說時人之耳目似未知敬齋者
第編次先後頗未覈其生平今重次之如左茅鈍叟文集購之
未得不知生於何年姑仍舊第裝爲四冊取備觀覽焉咸豐丁
巳重九書於毘陵郡解

王猷定四照堂集十三篇 萬厯己亥

顧炎武亭林文集十二篇 萬厯癸丑五月二十八日生

侯方域壯悔堂集二十六篇 萬厯戊午三月

施閏章愚山先生集十二篇 萬曆戊午十一月二十一生

魏 禧叔子文集四十七篇 天啟甲子正月

汪 琬鈍翁類稿三十七篇 天啟甲子 原目七

計 東改亭集六篇 天啟乙丑 原目六

湯斌潛菴先生遺稿七篇 天啟丁卯

姜宸英湛園未定稿十九篇 崇禎戊辰

朱彝尊曝書亭集二十六篇 崇禎己巳八月二十一日生

陸隴其三魚堂集七篇 崇禎庚午十月十八日生

儲欣在陸草堂集七篇 崇禎辛未

毛際可安序堂文鈔五篇 崇禎癸酉 原目十四

李良年秋錦山房集八篇 崇禎乙亥 原目十五

邵長蘅青門稿十六篇 崇禎丁丑七月五日生 原目十三

陳廷敬午亭文編五篇 崇禎戊寅

潘耒遂初堂集十篇 順治丙戌

馮景解春集五篇 順治壬辰 原目九

徐文駒師經堂集四篇 康熙癸卯 原目十八

方苞望谿先生全集二十篇 康熙戊申四月十五日生

李紱穆堂初稿七篇 康熙乙卯三月十一日生

茅星來鈍叟文集二十一篇

沈廷芳隱拙齋集十三篇 康熙壬午

袁枚小倉山房集二十七篇 康熙丙申三月二日生

邁堂文略續刻本

上高李孝廉 祖陶邁堂文略凡五十餘卷而道光乙未夏自刻

於鷺洲書院者止一卷爲文九篇明論 前半言明之所以盛後半言明之所以衰以漢

唐宋三朝比鷺洲書院諭帖首論爲人道理次言科舉本意次

以爲時文之法言流俗情弊次列條教之方又教

語語鞭辟近裏論江西當行之事有二一修志

之不成而歎一選江西文徵蓋不恨一己功名

省文獻之不足遊青原山記 讀楊勤懇公奏議述略舉四知

而疏通之得意比法 金元明八家古文選自序 國朝三十六家

古文錄自序末云他有所遺亦將次第收先妣黃太孺人行述

擬選江西歷代古文徵書啟撰著多而榮行寡蓋其慎也同

治丁卯廬江何學使廷謙 刻其未梓之稿四十篇分爲四卷出

當塗夏大令噉父手校中多允稗蕪累之作似適堂已自刪棄

者編次無法標目不合古義特涉一過爲改書之

救時四議 廢銀用錢議 沙汰僧尼減省寺觀充饑議

上高蓄殖山林兼修水利議 東南水患論 宋明大禮論

卮言 與楊蓉渚明府書 與同邑諸君子書 與潘容

堂明府書 與傅丙生學博書 通鑑大事錄序 選義林

序 念菴文錄引 天慵子文錄引 讀蔡忠惠公文集

讀謝疊山先生集 讀紀效新書練兵實紀 書陳節愍公

遺稿後 讀從政觀法錄一甘二棟趙良三四方觀五 書

惜抱軒集後 書龔海峰刺史堅壁清野議後 書李申耆

先生養一齋集後 書徐東松論文絕句後 書張南山黃

梅救災錄後 書大理卿倭仁曾侍郎國藩王給事東槐應

詔陳言摺後三文合為一篇 尚友樓記 熊少宰緯補傳

太子太保河南山東河道總督栗恭勤公傳 廬陵李孝子

傳 明總兵黃朝宣事蹟攷 靳文襄公治河事狀 朱文

端公軾事略 記謝向亭先生軼事

困學紀聞參註

深甯是書 國朝人評注凡九家間何方文輯全錢程萬蔚亭
屠覺園翁鳳西也趙竹岡前輩有參注一卷未見翁書而糾八
家之失頗有可採惟卷十屠岸賈條萬云除處厚將作丞所獲
幾何貽笑無極趙云宋未必趙孟之後然旌獎義夫亦是美事
何至貽笑無極必从左傳加國姓以中葍之醜然後免於貽笑
無極乎庸按萬氏集證此二語乃指處厚乞立廟訪墓絳州指
太平縣他邱襲以應而言非謂朝廷貽笑也所獲亦指將作丞
後以干進不遂挾怨羅織蔡■車蓋亭詩以知漢陽軍擢知衛
州爲論者所薄蘇文忠北歸與子由書云林子中病傷寒十餘
日便卒所獲幾何遺恨無窮哀哉哀哉亦猶萬氏譏處厚也

錢新梧

錢新梧給諫

儀吉

著有三國志證聞三卷季漢書會要

晉會

要 三國會要 皇輿圖說 廣東鹽法志 廬江錢氏年譜

六卷廬江錢氏續譜二卷續良史述 姓氏通略 藝文通略

金石楮未成畫書 衍石齋紀事稿十卷衍石齋紀事續稿十

卷甲寅蔣宗防元精刻衍石齋詩稿 刻楮集四卷旅游小草二卷冰蘂

集 閩游集一卷北郭集 澄觀集 定廬集 韞翫集 敝

帚集佚 國朝碑傳集一百二十卷蘇州局刻中州詩集 廬江錢

氏文匯四十九卷廬江錢氏詩匯 重輯錢氏疏草 廬江錢

氏清風集十二卷學海堂二集

所輯經苑四十一種已刻者二十五種書目問答有目未刻者十八種八應作六爲

溫公易說六卷吳園易解九卷誠齋易傳二十卷徐總幹易傳

鑑四卷黃澤易學濫觴一卷敷文書說一卷尙書精義五十卷

劉定裕刻趙善湘洪範統一卷傅寅禹貢說斷四卷未刻詩總聞二

十卷呂氏家塾讀詩記三十卷戴溪續呂氏家塾讀詩記三卷

周官新義十六卷附考工記解二卷儀禮集釋三十卷儀禮釋

宮一卷陸渙春秋集傳纂例十卷庚長刻春秋微旨三卷蘇軾春

秋集解十二卷孝經刊誤一卷呂維祺孝經本義二卷孝經或

問三卷孝經翼一卷鄭汝諧論語意原四卷許謙讀四書叢說

七卷孟子外篇注一卷熊朋來瑟譜六卷又刻入粵雅堂叢書未刻者爲

陸續易解一卷姚士粦輯干寶易解 陳經尙書詳解五十卷蘇轍

詩經傳二十卷詩緝三十六卷儀禮經傳通解三十七卷續儀

禮經傳通解二十九卷黃震讀禮記日鈔十六卷禮記纂言三

十六卷禮書一百五十卷樂書二百卷胡銓春秋集善十二卷

高閌春秋集注四十卷論孟精義三十四卷爾雅新義二十卷

羣經音辨七卷以上二種刻入粵雅堂切韻指掌圖二卷附邵光祖切韻

指掌圖檢例一卷工始於乙巳貲出張中丞日景王素園方伯

俞雲史煜庚子仙長陶松君福恒三觀察劉鵠仁定裕蕭仲

薌時馥兩太史庚戌刻成

給諫粵海堂門下如吳文起有禮記廣箋大戴禮記攷吳

儁有春秋公羊經傳劄記二卷李能定有讀春秋見隱篇許

玉彬有文選摘華金錫齡有詩經注疏攷證潘繼李有治經日

記

經學名儒記

常熟張問月明經星鑑有經學名儒記一卷凡一百二人附見

十五人李忞伯農部補浙人十五凡一百三十二人

江南五十六人附見六人顧崑山炎武陳吳江啟源朱吳江鶴

齡潘吳江末國史臧武進琳惠長洲周揚惠長洲士奇顧無

錫棟高陳常熟祖范附王沈吳江彤吳山陽王楷惠長洲棟江

吳縣筠江吳縣孫附子余長洲蕭客莊武進存典褚長洲寅亮

王嘉定鳴盛錢嘉定大昕王青浦祖段金壇玉裁畢鎮洋阮嚴

江甯長明錢嘉定大昭任興化大椿王高郵念孫程長洲際盛

莊武進述祖李高郵慎錢嘉定塘程江都晉芳劉寶應台拱錢

嘉定址陳元和鶴談江甯泰汪江都中附子金嘉定日追孫陽

湖星衍阮儀徵元洪陽湖亮吉李嘉定廣芸王高郵引之張武

進惠言焦江都循李元和銳江甘泉藩李武進兆洛鈕吳縣樹

玉顧元和千里嚴元和臧武進鑄堂附弟和貴劉儀徵文

洪凌江都曙薛甘泉傳均陳長洲負脫一人

按江南尚有徐崑山乾學吳金匱鼎張山陽昭顧興化九苞

顧無錫祖再許儀徵珩鍾甘泉襄李山陽鎰趙江陰康明王

吳江錫蘭李甘泉鍾泗陳泰州厚羅王寶應懋朱彬蔡無

錫德晉任荆谿政運秦金匱蕙田周溧陽柄中宋高郵絳初

劉寶應王應劉儀徵毓松劉陽湖逢祿宋長洲翔鳳沈

吳縣欽韓柳丹徒典宗許海州桂林張甘泉宗泰陳嘉定琢

陸元輔陳句容立程上元廷祚朱元和駿聲

山東六人附見二人張濟陽爾岐李益都文藻附孔曲阜繼涵

孔曲阜廣森桂曲阜毅郝棲霞懿行附妻

按尙有薛鳳祚畢文登亨馬鄒平驢王安邱筠王掖縣

爾督許日照許濟甯鴻磐馬厯城國朝

浙江二十人附見三人別附湖南一人萬鄞縣斯大萬鄞縣斯

同朱秀水彝尊入毛蕭山奇齡入胡德清渭鄭錢塘江杭仁和

世駿文苑范會稽家相盛秀水世佐盧餘姚文昭翟仁和顯孫仁和

志祖附邵餘姚晉丞附子同元子秉恆丁歸安亦許德清宗彥錢嘉興儀吉馮

嘉興登府陳海甯鍾龔仁和自珍附金臨海鸞

悉伯補以茹會稽敦和入王山陰增李山陰堯棟樊會稽廷

枚顧會稽廷綸王蕭山宗炎汪蕭山繼培邵餘姚瑛王上虞

照王蕭山紹蘭姚歸安文田梁錢塘玉繩梁錢塘履繩胡山

陰天游入翁餘姚元圻子謂浙人經學名儒首推全鄞縣祖

望間月悉伯皆遺之何耶

按尙有吳仁和任臣趙祖佑萬鄞縣經汪家禧葉歸安佩蓀

沈歸安炳震丁傳經吳錢塘廷華徐秀水善胡重祥麟諸秀水

錦汪錢塘師韓齊天台召南周海甯春盛秀水百二嚴烏

程可均凌堃周中孚沈夢蘭周學濂周平湖用錫陸奎勳徐

上虞松李嘉興貽德萬秀水光泰崔海鹽應榴吳仁和穎

芳鍾嘉興文杰戴開化敦元洪臨海頤煊宋世華臧長興

壽恭徐烏程有王徐德清養原李海甯善蘭黃定海式三

山西一人閻太原若璩

按尙有傳太原山宋安邑鑒梁介休錫璵張平定穆

安徽十三人江婺源永戴休甯震姚桐城鼎程歙縣瑞田金歙

縣榜汪歙縣毅胡績谿匡衷凌歙縣廷堪朱涇縣珩汪歙縣恭

胡涇縣承琪胡績谿培羣脫一人

按尙有徐休甯卓方桐城中通汪歙縣龍錢桐城澄之馬桐

城瑞辰徐當塗文清梅宣城文鼎胡涇縣世琦包涇縣世

臣恭胡績谿秉虔洪歙縣梧俞黟縣正燮吳全椒煥姚旌

德配中呂旌德飛鵬

江西二人呂新建泰謝南康啟昆

按尚有王南城 聘珍 羅瑞金 有高

順天二人附見一人翁大興 方綱 朱大興 弟珪附

按尚有苗肅甯 夔 李漢軍 銘 崔大名 述 邊任邱 連寶 王大興

源 紀獻縣 昀 雷通州 學洪

河南一人武偃師 億

按尚有蔣固始 湘南

福建一人附見一人陳閩縣 壽祺附

按尚有宮安谿 蘇瑤 王安谿 士讓 何光澤 秋濤 李龍谿 威

按湖南有王衡陽 夫之 陳黃岡 大章 劉蘄水 夢鵬 王甯鄉 文

清 鄒新化 漢勳 何道州 紹基

甘肅有張武威 蔚 邢階州 蔚

貴州有鄭遵義 珍 莫獨山 友芝 黎遵義 庶昌

廣東有陳海康

昌齊

侯番禺

康

林番禺

伯桐

吳嘉應

萬修

李

嘉應

蕭平

曾南海

劍

鄒南海

伯奇

陳番禺

禮

譚南海

瑩

桂南

海

文燦

湖北有劉江夏

湘煙

瓠室藏書

邗江藏書家乾隆初推玲瓏山館凡八萬卷其後惟瓠室陳氏

陳名本禮字嘉會號素邨布衣淹貫羣籍世居鈔關門外角里

莊卽唐道化里古清平莊也收藏至十五萬卷著有屈辭精義

漢樂府三歌注

後改名漢詩統箋

協律鉤元急就章探奇名曰瓠室四

種未刻者焦氏易林攷正揚雄太元靈曜年八十卒子逢衡字

穆堂府學諸生中年移居城中文選巷鄭氏園易名思園開讀

騷樓招致東南文學之士飲酒賦詩成讀騷樓詩初二三集凡

千餘篇著有竹書紀年集證五十卷逸周書補注二十卷

思適齋集

中序作

穆天子傳補正六卷

以上名陳氏叢書八種

山海經纂說

未刻

者博物志攷證爲晚年定本辨論尤精核據顧氏逸周書補注序尙有隋書經籍志疏證未成道光初元舉孝廉方正辭不就北遊闕里客萬全施樸齋幕又自塞外至京師六十餘歸里卒年七十一一女無子嗣兄子韻清黃右原刻漢學堂經解二百餘卷皆逢衡董其事

宋寶甫學博

高郵宋寶甫先生

繇初

字守端一作首端以丁酉拔貢選五河

教諭移清河著有韓詩內傳徵四卷毛詩通義釋服諧聲指誤諸書子保字定之廩貢生試用訓導歷權徐州碭山江浦句容江甯通州訓導著有諧聲補逸孫道源字嘉生號伯淵又號敬

甫道光壬辰舉人年二十四唐按乾隆壬子胡文恪公試揚州

古學十人爲朱文定公史望山史壽莊椿齡黃秋平徐竹初王

立王東山文潤寶甫吳念劬鍾仲雲仁振履焦里堂丁酉既選

拔何壬子尙試於學使耶焦里堂撰謝金圃少宰遺事則云乾

隆丁酉所拔如汪容甫江顧文子興陳理堂變程中之贊和

郭職民東均江秋史儀徵劉又徐玉麟宋首端高皆一時通經

能文之士則行卷不誤也

李博齋

戴存莊鈞衡蓉洲初稿卷五自注李博齋孝廉著有惠氏易漢學

詳解春秋土名異名攷七國地輿攷天文算學四書典林補鈔

諸書博齋不知何名諸書未知彙行否道咸間人別集亦無及

之者

杜文端公

賓州杜文端公塢自訂年譜載所著凡二十五種經傳子史論

讀鑑餘論 讀鑑餘論續 讀鑑餘論三續 讀明末紀事

綴筆 古學彙纂 家塾緒言 幼學正始編 治安本論

武鏡初編三十二卷恩餘隨錄二卷恩餘雜志四卷恩餘續錄

補二卷石畫齋論述 遂初草廬雜記 石南隨筆 夢餘因

話錄 備忘瑣錄 時文舉隅 時文舉隅續 時文辨體

據掖李少伯大令圖鴻樞齋文集初刻後識則尙有十研齋雜

志不知年譜何以不載若文正公受田年譜所云石畫齋筆記

或卽論述之初名

檐曝雜記

檐曝雜記六卷趙耘菰先生晚年所纂聽松廬文鈔云此書體

例稍雜然掌故土風物產略可攷見庸按卷一二載朝章沿革卷三四紀滇黔粵西風土人物魏嘿深經世文編多採之足資援證五卷則錄池北偶談居易錄諸書昔人成說無所參訂且雜以隱語六卷并埒方藥又多複出殆茅檐曝背隨手拉雜書之授梓時不加芟削讀者取瑜略瑕可也

納書楹曲譜

納書楹曲譜廿二卷長洲葉堂輯王夢樓先生爲之參訂堂字廣明號懷庭正集四卷自琵琶記外元曲氣英布至長生殿止凡二十四種續集四卷則長生殿紅梨記之次者又玉簪紅梅南西廂次者至西樓記燕子箋鬱輪袍止凡三十八種外集二卷則金雀記獅吼記春鐙謎等凡三十二種補遺四卷原本大成宮譜曲必有譜譜必叶宮而文義之有譌四聲之離合辨析

尤精如論阮大鍼專以尖刻爲能自謂學王荅實未窺豪髮笠
翁惡札從之濫觴臧晉叔孟浪編元人百種不知薶歿多少奸
曲皆至當不易其北西廂及臨川四夢卷分上下別爲全譜單
行於世目觀書曰辛集無北西廂

傳家寶

傳家寶四集凡三十二卷揚州石成金輯成金字天基號惺齋

著書四十餘種淺易多此類卷一知世事卷二金言

申涵光銘心

紀要 座右銘

瑞鶴堂新語

錢糧管見

千門種

卷三

吉徵

紳瑜

聯瑾

高賞集

文字竅

禪宗直指

讀書

法 舉業蓓蕾

謹其

卷四快樂章程

大事因緣

金剛經石

注 救命鍼

諸類標題極可笑然其尤複合爲一編未嘗

不足爲持身涉世之助尤有裨於幼學視坊本善書侈陳報應

半出肌造無可攷證者固當勝之

藝餘耳語

藝餘耳語五卷上元胡梅影纂梅影不知何名卽箸雨窗隨錄
梅影雜說者中如胡珏珏麻邨甲乙二則腴峭可喜餘則俚譚
瑣事但以尖刻嘲謔而已燕燕姑一則襲取聊齋志異神條
又似今古奇觀所演十八蕪事汴通一則亦襲志異嘉平公子條贅壻執燭
茗一則本諧鐸惡婚條而文不逮卷末打皮殼一則附豫忠董
孝兩齣自鳴弦索宮譜而亦曲中下驢它可知矣

耳諧

耳諧八卷胡蕙園纂蕙園不知何名其書似梅影更遜中如溫
泉觀察肯喫苦夢想朱陳聚訟鑒鬼異證完壁信誓奇逢掘藏
謙厄同邑胡蕙園則又似劫悟秋風自悼
同邑胡蕙園則又似劫悟秋風自悼
漢石頭記寶黛二王
事蔣秋舫溪長慶體

七言長
古願佳花二郎亦指寶王中子星梅夢仿志異諸則尚可翫餘

如巧騙藝新伶人傑識即學昇山事易崇明老人本三魚堂士

女宛獄春草堂筆記里狀元居心異本池北偶棄弟成名平涼

無郭姓子以衛姓大興籍館選者不知何本慮奴輕一則收處

最得神光緒戊寅十月巢縣汪逸如人驥以西人活字版排印

而談署其名爲平湖馮梓峰之昔柳摭談則張冠李戴貽誤後

人異曰馮書復出眞贗反致聚訟矣卷一鬼禁賭賊本翼騷牌編

二命事本近夜雨秋鑑續錄卷四坐地虎條本之侍御受

侮本翼騷牌編卷三花聖給諫陳侍郎以理折鬼兩條異僧書

捕仿漁洋文略劍俠

娛目醒心編

怡軒主人評序在乾隆壬子五月卷三敘吳江馬元美子必昌

娶唐有德女長姑必昌卒長姑以計要父及元美娶其妹幼姑
爲姑後生三子長舉崇禎進士不知何名此事越人盛傳之與
明齋小識卷三青浦徐氏爲翁娶姑同卷三敘德清蔡節菴事名凱
字元凱子中孚宏治進士官御史曾孫演傳官吏侍元孫奕琛
六世孫啟傳七世孫升元奕琛附和馬阮入相歸命我朝與
王鐸等耳而十二年間兩狀元人多疑之豈知世德積累甚厚
卷五敘李福達獄可證明史卷八敘安亭張烈女事可證歸震川集
皆詳盡卷十敘吳保安贖郭仲翔事則演許棠奇男子傳爲之
與今古奇觀無差異也

六合內外瑣言

六合內外瑣言二十卷署黍餘裔孫編垂瀑山人校文多採之
屠笏巖瑣蛭雜記餘當別有所本自撰蓋無幾也卷十有吾鄉

席帽山下語則當爲江陰人論曰題洪稚存吳雲衣戴菴塘譚
蘭楣汪劍潭翁鳳西徐鐵菴蔣瑩谿金珙堂董蕙疇趙緘齋秦
簪園錢漆林張船山蔣榕菴莊葆琛馮鷺庭趙渭川李韋廬王
濟崎王鐵夫宗芥颺錢南園劉澄齋英煦齋周宿航諸人而吳
稷塘李雨邨胡果泉姜杜薌諸公獨稱先生所述多常州人殆
猷聞鄉先生說乾隆末所著庸意卽瑣蛄雜記之初名屠江陰
人乾隆癸未進士官師宗知縣尋卽知州廣州通判

陳檢討四六補注

程叔才注紕謬甚夥湖海詩傳云顧行人陳圻子懷祖張思有
補注其書未行世當視叔才爲優

袁文箋正

石琢堂袁文箋正疏漏甚多未足云箋亦尠是正周紱堂補校

袁文箋正七卷亦允漫未覈袁祖志隨園瑣記云後有陶孝廉
亮采亦吳人謂石注太略亦間有誤釋之處重加箋釋既詳且
核可稱瞻博仲兄署上海時志在鈐板正鈔錄校對亂作并原
本失之庸閒齋筆記極推會稽屠築園先生注本之精博惜未
付槩亂後稿不可得矣近黎環齋 魏笏棠泰州王子勤觀
察廣業各注本皆已行世甘泉王小秋刺史亦有注本於石氏
頗多糾正長洲蔣心香水部德馨南昌童子俊比部毓英皆有
校增本均未見孫百泉大令慶恆亦有增注索之匿不肯出近
徐貽孫於陶六九家得一本不署姓氏多可採者似卽屠之袁
文箋正正

小倉山房尺牘箋注

青浦蔡又山自中道光壬辰五名舉人其行卷云叔小癡文學

之宣

著有小倉山房尺牘箋注

庸

按袁廣隸事尙可無注惟同

時諸公里貫出處閱者昧焉此注似不可無今桑行光緒己卯
青浦縣志人物無之宣傳藝文亦無此書殆未成也咸豐己未
山陰胡又廬光斗刻有音注小倉山房尺牘漏略甚多且書題
音注而第二行曰山陰胡光斗又廬箋釋自相違迂箋釋豈音
注之謂耶近申報告白云有增注仍卽胡書羊僧之作僞如是

漁磯漫鈔

錢醒遠

學翰

語新卷

云汝陽二尹雷琳西行紀事乾隆丁未解

甘餉時作雷松郡北門人近出漁磯漫鈔一書極可不必以他
本所見多也庸按漫鈔本鈔撮羣書而成非雷自撰以四庫
總目例之當入子部雜家類雜纂特每條不注明引用書目蹈
明末人習氣非著書體爲可議耳雷又有賦鈔箋略十五卷經

餘必讀初編八卷三十四種續編八卷十八種以其時制義風
尙僻書故爲此鈔撮之本以便舉業家掇拾道光中文尙清快
此等書遂無人購坊肆亦不印行近復厭清薄而趨穢縉與王
海摘要祕書廿一種藝苑摺華諸書嗜若饅脯價亦昂貴矣雷
字曉峰乾隆庚子順天舉人官湖南知縣見緒南筆談初續二
書雷與金山錢樹棠憩南樹立素然同纂爲錫之從父行

螢窗異草初集

署名長白浩歌子著卷端採鶴山人序或稱爲尹六子所著顧
隨園老人評語的係附會其書大旨酷摹聊齋賢於近時所刻
見聞隨筆遠矣庸按二編卷三癡狐條仿留仙小翠爲之而云同
郡吳公畹戊辰進士太僕卿之寵姬也與杜一鳴云嘉靖五年進士題
名碑皆無其人據同郡二字則必非尹似邨所作明矣不特袁

評附會所載會稽馬中驥官廬州參將死張獻忠難康熙戊子
文安戴敬宸登進士固安王立猷王申癸酉連捷許皋鶴太史
冊封暹羅副使溺於海馬太史介菴典楚試諸條皆子虛烏有
事無可徵蓋卽館中黎邱爲之觀二編三編接踵嗣出殆以齊
承裘之見聞隨筆續筆爲劣藉此思駕其上也

里乘

許叔平

奉恩

蘭茗館里乘十卷近刻入吳郡席則甫

威孟

埽葉

山房叢鈔止二卷亦仿聊齋志異爲之者

卷七

紀夢條中碑文頗

佳而虞姬和歌則依託與邨儒五言正復相去不遠至降世爲
武后尤不解其褒貶懸絕之意也以田安爲姬兄則尤不經史
記有美人曰虞則似有名無姓漢書謂姓虞氏則非田安妹矣
卷二 姁兒條云東越尙書築適園似指姜定伯

逢元

龍筠莊然云

姁兒兄官祭酒嫂爲杜少薇則逢元諸子中無其人逢元六女

亦無字商周祚子者商亦無籍歿父子繼殞事信筆妄書或意

有所指也

卷十

陳祥浦條祥浦名朝雲古塘人業裁縫起義破賊

並無羅眞人傳法之事包立身遇白老人越人以爲白猿精固

誕妄不足信叔平以爲卽與越處女論劍之白猿更無稽矣然

王曇煙霞萬古樓詩選

卷二

兜子巖暴雷澍雨以詩紀事小序云

山有石門土人謂猿公白姓者居此誤入者見眷屬往來洞房

窈窕有女子倚繡牀者亦時攝人閒好女人洞云詩起句云處

女白猿公豎圓一洞中据仲瞿詩則土人傳說已久特所傳亦

依托續氏傳

見太平廣記四百四十四

歐陽紇事爲之全唐詩話長孫無忌

嘲歐陽形狀狼陋詩云聳膊山成字埋肩長出頭誰令麟閣上

畫此一彌猴好事者因作此傳以譏率更本無其事仲瞿詩豎

圓二字似處女竟與白猿偶陳搏與毛女相將入翠煙不特猿
公刺劒其臂卽處女亦當刺其舌矣丁亥四月廿一日申報附
張載叔平効於武昌妾楊尋卒子大萊年十小萊三十流落上海
殆爲人掠賣叔平從姪方中聞之來滬訪尋不得於虜可哀也
夫

歸秦

溫豫續補侍兒小名錄云沈詢在昭義嘗宴府中賓友歌著詞

令曰莫打南來雁從他向北飛打時雙打取休使兩分離南都新書

庚作及歸而夫妻皆爲嬖妾歸秦所殺下注北夢瑣言按瑣言

莫遣云詢鎮潞州寵婢夫人甚妒因配與家人歸秦其婢旦夕

尙在左右是歸秦乃詢之家人姓歸名秦婢本無名亦不知何

姓溫氏此條大誤 四庫全書提要已糾之宜刪去不得以爲

小名也

西雲札記

西雲札記四卷福安李蘭九大令

枝青

纂別

有倉頡類篇輯本

福安縣志拾遺

詩文二十六卷今張鳴珂刻

有西雲文稿一卷西雲詩鈔二卷長裕詩話

譚敘謂其治經先小學與江孔戴段涂徑悉合子史之書隨筆甄綜巨細畢舉

汪敘謂其講求經世之學貫穿經史百家旁及金石文字并精

究天算醫術蓋通儒循吏也札記不為空談實事求是蓋曰知

錄之流別原本十餘冊趙之謙訂其踳謬去其繆複蓋譚汪趙

三人合說文疑蘊園筆記二書為之嘉定張韻珊大令

鳴珂

刻

於甲申九月頃從楊佩瑗大令假讀一過尚略有誤字籤於上

方并最其精者目於左乙酉二月六日日下稷自安滄歸舟中

譚獻敘

爾正故通古今皆有合於經訓者也按爾應作南

薛時雨敘 倉頡篇爲縮篆之畛限下至李長杜林鎔略所著
作者七家其佚乃時時見於許君所甄述按縮應作縮 李應
作季 鎔應作劉

郭柏蔭敘 昔曹子建之言曰一行作吏二句按應作嵇叔夜
卷一 釋牛之禁始於漢條小注見困學紀聞四卷十按十應
作上 獮條按本通俗綱可刪

卷二 擡頭條按本通雅可刪 九星條後脫去八九十一
四策重出卷三此四策遂不可讀 藿條菴字注云鹿藿之名
也藿字注云似藿然說文有藿字無藿字攷竹部有藿字又有
藿字注云藿或省然則草部藿字下當有藿字按名上脫實字
本篇藿字下許亦注云鹿藿也今鉉本明有藿字在藿字上不
知西雲何以有此 葉條蓮加荷菰藕五字注皆有葉字按加

應作茄 芙蔬條艸部芙蔬二字皆新附文然蓮茄等字注皆

有芙字

下蔬條校勘記以芙蕖之芙爲俗字

食部饑字注蔬不孰爲饑是本有

蔬字按蓮上箇字注已有芙蕖華未發爲菡萏已發爲芙蓉艸

部注芙字凡七見 𠂔條𠂔部𠂔字已見玉部爲璿字之籀文

此重出也六書通引說文璿籀文作璿豈所見本不同歟玉篇

璿籀文作璿集韻璿籀作璿𠂔侯詳考之又孫星衍仿宋本說

文𠂔部作𠂔此刻版之誤按孫本𠂔字後容注古文𠂔又𠂔注

籀文𠂔从上卽玉篇所本六書通所引亦卽此文在𠂔部不在

王部𠂔字下西雲偶未檢 走部趨从走𠂔聲讀若紉𠂔卽璿

籀文也正是紉音據此可以證𠂔部𠂔字重出之誤

卷三 高王觀世音經條詳廿二史劄記卷十誦經

宋書王元謨北史齊盧景裕二傳可刪不獨見感應傳及堅瓠

祕集

卷餘集三也

稱字不名條本隨園隨筆可刪

同年條

本通俗編陔叢叢攷

卷二可刪

京債條按事物原會陔叢叢

攷

卷三

放債起利條皆引舊唐書武宗紀已有選官多借京債

之語此但引杜荀鶴詩可刪

火齊條按祕辛楊慎偽造不必

引火齊始證其非穢語可刪

糊名考校條螺江日記卷六已

謂起武后非是選人糊名方且罷之反謂其以此取士不亦誣

乎

庸按選人糊名考校畢竟與科目不同五禮通考說未可駁

此可刪注中庸條本毛西河可刪

喪儀七七齋條本通俗

編可刪陔叢叢攷

卷三

更詳

卷四

義學條按事物原會引後漢書楊仁傳已有義學大興

語此可刪

紙錢條本陔叢叢攷

卷三

可刪

張鳴珂跋

不材如鳴阿按阿應作珂

譚敘謂華舉大者若證武王代殷辨孔子不知防墓振豁羣滯
釐然有當於人心今札記中無證武王代殷條殆趙之謙刪之
按如一卷洛水不出熊耳漆沮非洛辨楊襲嫂叔有服孔子不知
其墓辨致曲今茲刑名幾庶招隱之機搏謂希夷名搏俗誤按
解歸進詩以見志云草澤吾皇詔圖南搏姓陳魁星閣辨卷五搏
三峰千載客四海一閑人據詩亦是搏非搏
有子雲非賦甘泉而卒卒暴者卒得暴疾也球斬重出篆文互異沿偏傍
多古篆文字失古義徐鉉未詳古音掬羽王少市部少字注止
當作說文誤三卷援奧慕樵小試官歸田錄卽赭魁卽餘糧鄭虎
臣武人西施梨嶺叢誤之誤弓腳不始於李後主卷四无極官文
書謫字漢尙黃記古甄李氏古人用姪字洵汪荔牆敘所謂言
必據典每多創獲者也

龔定菴集

龔定菴儀部初刻定菴文集三卷於道光癸未六月卷端總目

列文集上卷開闢二卷中卷開闢二卷下卷開闢八卷定菴餘集上中下

卷均未刻附少作一卷附五篇定菴詩集上中下卷均未刻夢草

一卷未刻餘集上中下卷附少作詩一卷未刻定菴別集四卷刻大

凡十有九卷目錄內文下列未刻者五十二篇大都九十又八

篇末篇自記云余編初集二百二十篇竟其正集九十又八篇

以此文竟過是為定菴二集而手寫續集四卷不曰二集不可

解近戊辰五月吳曉帆刻定菴初集三卷定菴續集四卷定菴文集

補一卷曰續錄文八首定菴餘集破戒草詩二卷續集己亥雜詩一卷定菴別集

無著詞一詞續集選一卷詞計懷人館詞選一卷三計影與龔總

目皆不合更不可解餘誤刻文

龔初刻文集及手寫續集皆無書杭大宗遺事而吳刻定菴文

緣起云刪去少作四篇禮部志也又與江子屏箋杭大宗逸事
二篇係後續得者按原刻少作五篇曰水仙華賦明良論一二
三四今賦亦不存則當曰刪去少作一卷續錄文八篇中無江
杭二文益不可解似吳僅出貲付剞劂氏校讎之役皆曹竹書
獨任而曹已老瞽忘之亦不復檢吳緣起語與卷端曹所署檢
曰定菴初集者於全書名實不應近日士夫好刻書而憚於校
讎類如此於作者無豪末之損第其本留傳異曰任阮略王志
者頗費檢覈似亦書之一厄也近朱竹石觀察壽標刻補集卷四

滬月軒集

汪謝城先生母善約老人上海趙謙士少司空女名蔡字儀姑
一字子逸號次鴻博習經史能古文駢儷著有滬月軒集爲詩
集二卷詩續集二卷文集一卷文續集一卷詩餘一卷冷廬雜

識七卷

僅採其首夏病起早春感懷各一聯春晚七絕謂俱娟妙

實未盡也續集

下卷

南宋宮闈雜詠一百絕詩皆典雅注亦詳贍

足稱厲樊榭趙谷林諸君南宋雜事詩後勁七古如題董白傳

收處最佳七律如和董壺山

恂

甥落葉三十首五律如與袁子

瑜壻

修璞

話舊八首皆可誦也文則後漢書列女傳跋云序云

但按次才行尤高秀者不必專在一操而已此語專爲文姬而

發列女傳名本襲子政孽嬖一篇并及褒姒況文姬乎晉書傳

若蘭隋書傳蘭陵亦美其才而不苛以節文姬詩首云董卓亂

大常罪惡略無假借蔚宗附於傳末殆有微意可謂讀史得於

言外餘如書岑嘉州詩後幼卿妹傳列女傳補頌二十一首後

漢列女頌十七首二十四史月日攷序皆有心得語非閨閣手

筆宜文板採入之謂老人文勝於詩也又有遺閒瑣記一卷溫

氏母訓附說一卷皆未刻

筆乘續之誤

卷四古名言條蔡雍少爲顧雍所愛顧以其名與之詩雍雍喈
喈因字伯喈今作邕者非庸按此條大誤文端不知採自何書
不加辨正何耶三國志雍傳雍從學琴書於蔡邕敏而易教邕
異之謂曰卿必成致今以吾名與卿故雍與伯喈同名字元歎
言爲伯喈之所歎賞也此顛倒其文乃不觀陳志者所爲又卷
二支談上中下入 四庫全書子部雜家類存目二凡三卷與
筆乘自爲一書不知何人併入筆乘中疑續非出文端自定
也祁氏澹生堂藏書目焦氏筆乘十六卷冊八焦氏說楷七卷冊四
與此六卷續八卷數亦不同

二十四史月日攷

庚辰六月八日訪汪謝城先生於會稽學署出所著二十四史
月日攷云經始於道光乙未步算於丙申初稿於丙申晉書以
前已成遼金以前但具稿艸元明則尙未厝手茲讀者史記一
冊三卷漢書一冊三卷後漢書一冊三卷續漢書三國志一冊
三卷業已三易手書細密百十萬言無一潦草增益者旁行斜
上亦朱墨粲然洵才力之過絕人也予勸其謝絕諸務專意此
書成不朽之作先生諾之縱言古文云近人議論文尙多可採
敘事則墨守桐城家法削事就文否卽失之尤長絕不知史家
剪裁平生所見錢新樞劉次白外可語此事者甚稀因及先正
事略亦以文筆平衍收探近濫可爲史料而不得爲史學皆與
蒙意合按先生太夫人善約老人瀝月軒文續集有二十四史
月日攷序蓋乙卯九月預作中云史記至新舊唐書屬草粗定

已一百餘卷新舊五代史至明尚未暇及春在堂雜文續編卷二歷代長術輯要序云同治十有二年而書成都凡五十三卷既而病其繁也仿通鑑目錄專載朔閏成書十卷曰歷代長術輯要而以古今推步諸術攷二卷附於後八月九日再過先生倉卒未暇詢次年辛巳閏七月二日先生遽以微疾卒此書仍未卒業身後蕭然無以爲歛藏書手箸斥賣都盡子又以家難不獲奔赴今滬上有荔牆叢書凡十三種次曰長術輯要予以先生此攷爲一生心力所瘁成以行世足爲讀史者一助惜天不假年積四十六年之歲月僅成全史三之一遺稿不知流落何所天壤之大度無有再如先生之學之年爲續之者矣

仰視千七百二十九鶴齋叢書

趙益甫大令

之謙

刻仰視千七百二十九鶴齋叢書凡八集刻

者三大凡二十五種四十六卷總序云余年二十一時山陰孫

古徐好聚書一夕得王氏佐北征日記張氏石匱文編

應作張氏文集

狂喜告余余語古徐盍取諸家藏本世希有者成巨帙刻叢書

古徐曰諾是歲道光己酉吾鄉沈氏鳴野山房藏書初散精本

半歸楊器之猶可假錄求戚友家先世遺箸亦多完具凡蒐訪

編校者五年已得百三十餘種付與鈔胥而古徐病作尋卒事

不克成余家世業賈余始爲儒舊有薄田供饘粥自余生十五

年兄爲仇誣以訟破家至是竟不能得購書資閱市借人妄謂

彊識咸豐癸丑遭先贈公喪鮮民之生日益危苦終歲奔走賣

衣續食而已辛酉客温州值故鄉淪陷再毀於賊敝篋破書未

以自隨弱小死亡簡編同殉曩從借讀之家亦半爲焦土俯仰

身世十數年中悲憫窮愁噩夢忽覺同治初元航海入京師履

試皆黜栖遲逆旅煮字爲餒幸積數金復稍稍置書鑽以故紙
雖昔之所見不能重遇而零箋斷楮轉多新得歲在辛未溧陽
王瓚公已補官上虞寄書申約乞歲損百金爲刻書費瓚公許
我明年壬申得見新化鄒氏讀書偶識欲持屬瓚公書未發瓚
公又緣事解職時余亦以縣令試仕江西始遇攸龍皞臣名汝霖丙午舉人初官山西高平後官鉛山王壬戌同年詩所謂爲刻鄒
憲按文布政狂門沈尙書者也弟芝生子壬戌同年爲刻鄒
氏書洎光緒戊寅權令鄱陽將行亟引在官寫書之戒與吾友
期曰歸時儻得俸錢當爲前人刻數十卷書不能望諸人今反
而求已甫抵官旬有九日大水壞民田巨浸稽天厯四閱月災
潦之區催科彌拙爨薪鮭菜閒致稱貸以畢朝昏嘗默誦抱朴
子百里一篇信乎煩劇所鍾誅求叢赴有難堪也已卯大有年
余乃受代去友靳余曰求己今何如君固不求求亦不得而望

人乎余曰彼逸任人吾勞任己余之來此勞心勞力亦五六年
鬚髮白者且過半矣前未有也敢言無得友正色曰烏白頭不
及馬生角也庚辰春余猝病咳自二月至四月不瘳藥之彌甚
終夜危坐忽夢出門行大道邊遠望江湖浩淼無極遇邨民間
塗言自此前進爲鶴山仙人之所都也上行則山內下行則山
外大道迂遠有捷徑可導以行至其處昏黑若瞽井余謝不能
願迂道久之得一人問鶴山不畚畫掌示以字搖首去後者至
改鬻字問之其人視余良久爲指一隅依以行突見石壁百仞
上鑿二大字曰羆山始悟前失然不知其義又捫壁行里許有
老者合眼坐茅舍中二豎侍側余詢山內外何地仙人何狀一
豎曰君非此類也山外地近明當引君游可宿檐下次日辨色
豎來掖余走過一山前有大谿清光澈上下余欲緣谿行豎不

可趨山腰立磐石上但聞空中大聲獵獵如烈風仰視則羣鶴
翔舞而出羽翼蔽天日因問鶴數豎言山外鶴不知其萬億兆
也此皆膺籙者近已一千七百二十有九矣已而清唳閒發變
異殊甚齊飛過前谿偶俯瞰則水中影鶴鵝雞鳬皆有之且雜
蠹螳螭蜚蜉蝣蠨之屬其爲鶴者百不一焉余指問豎豎曰
毋多言此爲地鏡不與君緣谿行以是也余強豎往視自視人
也視豎渺小成一環因拍其肩曰脈望脈望豎曰知我視君又
作何狀彼自視亦皆鶴也察見淵魚不祥不如忘之余欲歸遂
循塗返老者拱手埃因謁而求術焉告余曰不鄙非仁無仁斯
辱不媚非智無智斯卑余仍不知解也周視舍側有書亂疊疑
可得祕文發之不可開開之無字疑愈甚老者言三十年舊約
忘之耶天下事待君者僅有此耳君家元叔有言且各守爾分

力所窮時巨將不勝輕則易舉余曰然奈余病老者言東壁下有丹篆二十四記之當瘳人誦一過能洞見鬼物其文曰奇已鷄大復豕鬚兒作是子鳥所躑弓則弛伎止斯吾憐爾讀甫竟聞大呼知否遂驚寤別鐙濡筆爲之記四月二十四日也爰發憤陳篋取舊時所得卷帙至簡者編爲叢書間附鄙著翼匿瑕穢寫副墨板決自今始寬之時日依次付棗當歲有成書簾縮作較準資有無畢願何期與年俱盡旣成第一集署卷端曰仰視千七百二十九鶴齋叢書而序其緣起如右猶說夢也錢唐陳曼生家曾有夢飼千八百鶴曼生故寓言非夢也以爲夢余夢也又以爲眞則眞夢也徐堅初學記十九引引下當有占字夢書曰舉事中止後無名百姓所笑人所輕斷章取之其言可法西極之南古莽之國今尙有人乎持此相質庶幾心知其意者矣

會稽趙之謙撫叔甫力疾書說夢一段俶詭恣肆大令文皆然
寓言不足怪其云千七百二十九則必非信口漫數者左雅似
云左襄二十八年正義引漢書律厯志載劉歆三統厯一千七
百二十八年爲歲星歲數今本無見張殆自謂歲精游戲人閒
如東方曼倩乎梅雪扶云不然大令生道光己丑逆數千七百
二十九年爲東漢和帝永元十三年辛丑是年范書云賈逵卒
蓋自以爲侍中再世也大令已歿無從質其是否以漢後隋前
有此人印章推之大令自謂六朝人物未必扳附侍中雪扶之
言亦臆度無據舒藝室詩存卷六憶金華子雜編記宋末士人有
題職官簿後一絕云西風瑟瑟樹蕭蕭小小人家短短橋獨倚
闌干數鵝鴨一聲孤鶴在雲霄予謂此士人欲求爲鵝鴨而不
得者也倚闌而數何爲哉戲占一絕云闌干獨倚寄清吟已有

池塘照影心孤鶴雲霄自來往幾曾偷眼效凡禽太平廣記三卷

百五十一引錄異記巴川崔令條初邑中有羣鶴現神云數內只有

兩隻真鶴我所騎來其餘皆常鳥矣容雙謂作者似從此脫化

調侃漢以後學者涉江以爲然又引廣記卷四百六十逸史李松公

遊嵩山見病鶴亦曰須人血李松解意卽刺血鶴曰世間人至

少公不是乃令拔眼睫持往東都但眯眼照之卽知矣李松中

路自視乃馬頭也至東洛所遇非少悉非全人皆犬獼驢馬一

老翁是人容雙亦謂可與錄異記相證尺牘新鈔卷六徐仲光答

竺庵引之云松固唐一良宰相也察見淵魚不祥大令如在必

戟手大僞何物螭螭敢饒舌仙禽如葉法善之於張果老耶鳴

野山房沈氏指霞西徵君楊器之楊鼎字禹銘號器之山陰人

其檢藏書有感五古一首起兩浙輔軒續錄補遺卷五採

云辛勤十七載書卷四萬餘居西街重遠堂藏書亂後猶存十

之八九許人往讀靳假錄也趙有寔字訪碑錄補十二卷已刻
又有紅崖音證一書陽湖呂堯仙中丞陳臬貴州得紅崖古字
碑相傳謂高宗伐鬼方勒石紀功之作按鄒未子已有紅崖碑
攷一卷

升庵全集斟

升庵雜著數十種既未得見陳晦伯正楊亦匙傳本姑就張士
佩所刊全集四十一卷以後斟之如卷四哀窈窕條近人既譏
其未讀注疏而但引呂向文選注卷四能者養以之福條漢書
律歷志應作五行卷四羣妃御見條不知小盡之月誤會鄭注
自望後反之浮筠條引孚尹古注言玉之澤如竹膜之膩如女
膚之滑三句非鄭注不知何出宋人改樂條魏漢主之漢下脫
津字卷四曹操欲用孔明條按抱朴子逸民篇之孔明乃胡昭

字譏惑篇明云胡孔明三國志管甯附載其事近人亦辨之葛
書孔明上本無諸葛字升庵誤加卷四索隱注誤條司馬下誤
衍承禎二字二唐書條誤記通鑑攷異引昇平源以吳兢爲劉
陶字句亦多刪易卷五鈇規條規誤从衣卷六雁鼎條引梁書
檄文潛窺鴈鼎謂字當作厲忘引韓非子說林正作雁卷七賊
賄條蘇師旦獻妻於佞冑而入閭師旦未入兩府似誤以程松
壽獻妻爲師旦卷七娣娥條左傳有常儀靡卽常儀氏之後也
攷左傳有臣靡無常儀靡

武進劉禮部著述

劉子容

承寬

撰先府君行述云府君於詩書大義及六書小學

多出於外家莊氏易禮多出於臯文張氏至春秋則獨抱遺經

自發神悟主山東講舍

堯時乙丑

爲釋例三十篇又析其凝滯

強其守衛爲箋一卷答難二卷又推原左氏穀梁氏之得失爲
申何難鄭四卷又斷諸史刑禮之不中者爲禮議決獄四卷又
推其意爲論語述何中庸崇禮論夏時經傳箋漢紀述例各一
卷其雜涉蔓衍者尙有緯略一卷春秋賞罰格二卷凡爲春秋
之書十有一種宮保阮公申耆李公各爲梓行於廣東揚州又
云虞氏之易雖惠張創通大義學者尙罕得其門而入因別爲
易虞氏變動表一卷六爻發揮旁通表一卷卦象陰陽大義一
卷易言補一卷易象賦卦氣頌一卷尙書今古文集解三十卷
詩聲衍二十七卷五經攷異成易一卷春秋一卷史記天官書甘石星經
疏證二卷毛詩譜三卷詩說二卷二種少作九章舉隅小學啟蒙二書
未成無石渠禮議一卷庚辰大禮紀注長編十二卷春闈雜錄
一卷

東陵勘地圖說一卷詩文集八卷八代文苑四十

卷絕妙好詞二十卷唐詩選四十卷詞雅四卷大凡三十四種
庸按禮部春秋之學初爲箴膏肓評一卷發墨守評一卷後改
名春秋答難凡二卷春秋十七諸侯終始表一卷春秋秦楚等
進黜表一卷後改名穀梁廢疾申何凡二卷夏時經傳箋亦名
夏時等列說又有左氏春秋攷證二卷春秋公羊議禮十四篇
是爲春秋之書凡十有三種易又有彖象觀變表一卷虞氏卦
象觀變表一卷書有書序述聞一卷詩則條例一卷表一卷古
今四聲通轉略例表一卷四書是訓十五卷今公羊何氏釋例
十卷三十篇內二十篇刻入文集公羊何氏解詁箋一卷發墨守評一卷穀
梁廢疾申何二卷左氏春秋攷證二卷後證一卷目箴膏肓評
一卷論語述何二卷七種刻入學海堂經解條例表通轉略例
表三卷似卽在詩聲衍中公羊議禮書序述聞條例表已刻入

文集是訓附刻味經齋遺書中其餘各種惜無有梓行者

潛庵漫筆

潛庵漫筆八卷儀徵程蘭畦明纂自記謂掠美鑿空所不敢存

傳述未必盡實而於懲勸之旨庸有取焉惟卷一黃統條傳聞不

上安有此事汪容甫述學別錄提督楊凱傳謂

其說禮樂而敦詩書有古名將風何至野牛塘之捷攘功殺統

哉厲惕齋言未可信也

羣書拾補識語

蔡鶴廬進士代人作羣書拾補識語一卷亦間有譌敍爲記於

後凡四十五條辛卯十月二十一日刻本已改者凡三十條刪去甲午十月十二日又記

晉書 天文志下 三月癸巳勞言不知何名 史通 當作皇朝

應作
家
嫫嫫
劃應作
薺
薺字
衍
山海經圖讚海外南經
三

尺今已改

鹽鐵論力耕

又因內謂四內應

訟賢 狡礫

皆狡之段音狡應

雜事

相攻

應連上裁

御覽作遂溝之

冠今已改遂之溝

不作之馬

應逐上

申鑒時事

錢賓之

亦不知

風俗通

逸篇

正鳴

應逐下

叢薄中

應逐 一為

侯為下脫

唯疑

升庵全集

卷四十八

子曰賜也女以予為多學而識之者與對曰然

非與子貢非不知也蓋辭讓而對事師之理也鬻子對文王武

王成王皆曰唯疑豈方唯而忽疑乎對君之體也太史公曰唯

唯否否蓋古之對友如此又可以證

膚

按黃景昉有古史唯疑

十六卷國史唯疑十二卷書名蓋本之鬻子

雪門詩草注

善化許雪門太守

孫光

以道光己酉拔貢起家自同治乙丑至

壬午官嘉興凡十八載刻有雪門詩草十四卷分悠游蒿目上

元三集詩多小注如

五卷

誌慨詩序新論云飛颺甘煙又云口貪

滋味命曰熏喉之煙今甘煙者人人飛颺何畏乎熏喉挽龍游

令龍書樓

森

序殿撰汝言子聞殿撰以忘書帝字遭斥時陳秋

舫

流

殿試策內聖懷冲挹遺寫懷字仍得第一京師爲之語云

陳子沆落懷及第龍汝言忘帝歸家

七卷

送左恪靖伯督師入閩

序越郡初復法夷以會復功索銀十萬於紹紳紹紳之劣者擅

許之而無以酬乃變購賊遺物仍不足將拆民房以濟之其勢

橫甚四月恪靖檄

孫

赴紹

孫

多方緩之仍籌給其所索

九卷

學額

序因捐廣額吳和甫侍郎按試時取進劣卷押

皇恩浩蕩小印於角

十卷

吳仲仙制軍度歲嘉興作注咸豐間公

宰江都天下稱縣令捍賊者以六合溫紹原天津謝子澄及公

三人爲最長歌贈李樹唐序杭州既陷閩督奏請恪靖護浙撫

刻木質關防遣員賫營恪靖叱而退事傳京師人爲之諺云左

京卿不受木關防按楊昌濬浙江撫署續題名記則云咸豐十

在營自送蕭山令邊雪坡罷官歸任邱云前年君鞭象韉寄痛

挫泰西驕悍氣彼族飲恨航海馳北控駐京之公使佉盧文達

各國衙賢王卻贊強項吏卷十嘉慶五年唐陶山宰吳修葺六

如祠墓同治八年楊利叔重修并拓地祀明蘇守金子尙綱以

疏減蘇賦得罪者卷十天津謁節相李肅毅伯注近在香港上

海互市者不止十七國萬元照應游雜而十七國則天津通商

國數也其在歐邏巴洲者爲俄羅斯普魯士奧斯馬加法蘭西

英吉利意大利西班牙葡萄牙瑞典噠國希臘土耳其荷蘭比

利時瑞士

即上瑞典誤重出當爲德意志

其十五國其在北阿默利加洲者爲

米利堅其與中華同一亞細亞洲者爲日本三洲其十七國暮

泊馬杜書感注六月廿五日入覲五國陪臣以國書進禮成悚

惕無敢仰視者

卷十

聽杜小舫方伯談天主教暨外洋事有作

序耶穌降生至同治十三年已一千八百七十四年攷之在漢

平帝元始元年皆有資談柄稍嫌蕪雜耳

神仙通鑑

坊間有神仙通鑑一書凡二十二卷雜取通鑑并屏道書爲之

竹汀錢氏元史藝文志子部釋道類有趙道一歷代真仙體道

通鑑前集六十卷後集四卷

四庫全書子部道家類存目有

列仙通紀六十卷明吳縣薛六詒

大訓

纂崇禎時初刻名神仙

通鑑皆與坊本卷帙多寡不同近出目睹書目戊集有歷代神

仙通鑑云張真人包山黃寧綸同訂分初集仙真衍派八卷薛
取趙書二集佛祖傳真八卷三集聖賢貫脈六卷張真人不署
何名殆黃又取薛書刪益而成卽此本也

巴山七種

江津王遲士州判倪纂七種者 皇朝冠服志二卷治平要

術十卷放言二卷衡言四卷江州筆談二卷白巖文存六卷白

巖詩存五卷冠服志最簡明易曉要術語平平無奇放言衡言

筆談三種間有議論新穎可採文詩皆無法不足存也遲士別

號栖清山人先世歸安以貢生就職州判乾隆乙卯生至同治

壬戌年六十八猶自書墓誌勒石不知以何年卒別有字通刻

治官紀異刻粵賊事略 和議七篇緒餘拾得詩餘駢體韻選

老莊管韓精說讀書隨錄妙喻集成文章美備歷朝文論峨眉

山志十四種

曼陀羅華室叢書

往在涉江書室見其手鈔叢書數帙甚精緻皆未槧本不知其爲昔人爲同時人間之不答觀其於書名及纂人名字皆有小注或曰涉江自纂詭命名它氏蓋仿朱子參同契注例也一日小學博纂爲蒼雅洵長之學說文解字敘於是依據宣王太史籀大篆十五篇丞相李斯倉頡篇中車府台趙高爰厯篇太史令胡毋敬博學篇黃門侍郎楊雄訓纂篇諸書署名曰隨博微朱筠說文解字敘古人往往隨事博微不拘拘一說也一日殘竹攬逸爲金石目錄之學鮑照河清頌窺刊祕石攬逸殘竹署名曰卓霜傑陶潛和郭主簿二首懷此貞秀姿卓爲霜下傑字豔侔本顏延之秋胡詩明豔侔朝日一日藝苑撫華爲叢書之

部目取法言撫我華而不食我實者也署名曰史耀文本中說
卷上事君篇第二一曰竅言爲筆記雜家之學本史記自序實
不中其聲謂之竅竅言不聽奸乃不生署名曰林野娛本陶潛
歸田園居五首之四云浪莽林野娛字菊餽亦本左思秋菊兼
餽糧句也一曰古方偶檢爲醫家者言本林和靖集卷三贈胡
明府爲收牌印教邨僕偶檢圖書見古方署名曰齊朝彥本盧
諶答魏子悌聊齊朝彥迹字瘦篁亦本和靖集卷三喜靈蛟師
見訪書贈清如霜月三五夕瘦似煙篁一兩竿一曰詩文冷鎚
爲其註釋詩文之作本潛邱劄記卷二煅者有冷鎚於成刀劍
後細密加鎚也精鐵得此愈見堅利毛鐵則破碎註釋詩文之
冷鎚也有意則得注精彩倍加無意則破碎署名曰韓如海本
升庵外集卷五十二李耆卿評文云韓如海柳如泉歐如瀾蘇

如潮字儲深本孫樵與王霖書儲思必深摘詞必高一曰藝林
餽脯爲其選輯古文本今世說曹顧菴曰遂生集爲鶯苑松梁
文津爲藝林餽脯署名曰陶嘉月西谿叢語卷下謝惠連云戒
裝侯良辰漾舟陶嘉月王褒九懷云陶嘉月以總駕王逸云
及吉時也字韻梅本清波雜志中宣和間衣著曰韻碩果實曰
韻梅詞曲曰韻令一曰尺牘必珍爲續同人集之作本潘岳楊
荊州誄草隸兼善尺牘必珍署名曰盛綺字如霞本劉禹錫傳
道士植桃其盛如霞惜卷帙繁重至數百無鈔胥不暇傳錄也

湖雅

近出湖州府志物產一門爲汪荔牆編纂限於篇幅頗嫌漏略
別著湖雅九卷以談鑰嘉泰吳興志爲本益以府縣各舊志并
爾雅說文詩疏本草等書證以目驗備以耳剽辨異參同刪錄

舉要分類二十六附見者六逐物臚載物非湖有不錄體例略
近埤雅爾雅翼亦雅詁之支流也如大豆小豆之分諸鳩諸鷃
之別農具蠶具之詳辨大麻之有別種柿樹非不生蟲石菖蒲
不專細葉栲櫟二字爲一木非山樗之栲鵲鵲不可冒鴛鴦黃
鱣不可冒鱣鮪比目魚分鰈鮓兩種鱸非鰕魚鮓非土附蛟蟻
一名蜚郭氏未嘗誤讀誤在邢疏蛸毛蠹非戴打蝥卽蛄蝥不
必以蠹打連文蠹爲蝥蝥與馬蛸之蠹名同實異蠹非衣魚蟹
非壁蝨視肉本土中活蟲非太歲之神荆南酒不指烏程魚膾
非生魚慘謂蜜漬爲果非米慘微特正世俗之失更有稗於經
學同時德清沈肖巖聞焜廣文上虞教諭著田間詩學補注於
草木鳥獸言之加詳未知開雕否當與湖雅並行廣文子玉林
撰

撰

丁丑司訓山陰惜不一詢之

湖蠶述

蠶桑之利湖州最博殆過耕田壬申重修湖志蠶桑一門亦荔
牆所纂以舊志惟錄沈炳震蠶桑樂府二十首未爲該備集前
人蠶桑之書數種合編入志復以方志未必人人可購略加增
損別編湖蠶述四卷所集書惟取近時近地雖禹貢豳風月令
經典可稽賈思勰陳敷秦湛完書具在然古未必宜於今不復
引在實用不侈典博也始總論終占驗分類四十視沈清渠
之廣蠶桑說沈仲復秉成蠶桑輯要蒐羅較富蓋提蠶擇葉有
目力焉出縣縑絲有手法焉分刊節度匪可言傳器具形製亦
難摹狀得是編讀之風土異宜所貴變通盡利不必盡拘於湖
州成法可也

李元賓集呂衡州集

粵雅堂叢書有李呂集今以唐文粹校之李元賓項籍碑入卷五十五周苛碑入五十三謁夫子廟文入五十一八駿圖序入九十四安邊書入八十請修太學書入二十六邠甯慶三州節度軍記入七十七辨曾參不爲孔門十哲論入三十四晁錯論入三十八凡九篇又以郭麐唐文粹補遺校之涇州王將軍文入卷五交難入卷七與睦州獨孤使君書論朱利見與張字侍御書報弟兌書入二十凡五篇又有祭伏波將軍文入卷六而潘本無之呂衡州由鹿賦入卷七地志圖序入九十四聯句詩序入九十五三受降城碑銘入五十九廣陵陳先生墓表入七十凌煙閣勳臣贊張荊州畫贊入二十三人文化成論入三十六三不欺先後論入三十八號州三堂記入七十四諸葛武侯廟記入五十五道州刺史廳後記入七十三凡十二篇補遺

卷二十五送友人游蜀序卷三代陸博士進集注春秋表卷六
衡州祭柘里渡溺死百姓文卷七藥師如來繡像贊凡四篇
衡州集卷八祭陸給事文首云維貞元元年歲次乙酉貞元當
作永貞方合呂文以代李侍郎巽論伐劍南更發兵表古東周
城銘狄梁公像贊凌煙閣勳臣贊爲最而姚粹不錄李表城銘
狄贊三文何耶

後漢書集解敘錄

撰述後漢書見隋書舊唐書經籍志新唐書藝文志者皆十二
家見宋史藝文志者三家而已今採隋志附注各書異同於後
東觀漢記一百四十三卷起光武記注至靈帝長水校尉劉珍
等撰舊書作一百二十七卷
書作一百二十六卷又錄一卷讀書附志四十三卷
典書目及宋史八卷入別史類元以來佚國朝姚之駟
補逸八卷四庫本二十四卷提
要云范書珍未嘗爲長水校尉

後漢書一百三十卷無帝紀吳武陵太守謝承撰本傳字偉平

三卷又錄一卷祖補輯五卷黃爽宋史無姚四卷二百九十九條孫志

後漢紀六十五卷本一百卷梁有今殘缺晉散騎常侍薛瑩撰

卷十條後漢紀它本直云後漢書余靖表云

續漢書八十三卷起先武至獻帝晉泰始中祕書監司馬彪撰

錄一卷姚四卷宋史無本傳字紹統卷作篇舊書同新書同又

後漢書十七卷本九十七卷今殘缺晉少府卿華嶠撰

姚一卷九十八條記為漢後書九十七篇姚目云隋志作漢後書宋史無

後漢書八十五卷本一百二十二卷晉祠部郎謝沈撰

二卷後漢書外傳十卷同宋史無姚一卷新書舊書一百

後漢南記四十五卷本五十五卷今殘缺晉江州從事張瑩撰

史無汪一卷新書同脫後字宋

後漢書九十五卷

本一百卷晉祕書監陳郡袁山松撰舊書一百二卷新書一百一卷又錄一卷宋

史無就一卷五十一條汪二卷

後漢書九十七卷

宋太子詹事范曄撰舊書九十二卷後漢論贊五卷新書九十七卷又後漢書讚論

四卷蓋覆出宋史九十卷

又有漢書續十八卷舊書作後漢書續十三

卷入雜史新書同

梁有蕭子顯後漢書一百卷亡

後漢紀三十卷

張璠撰入古史隋志無舊書入編年新書同宋史無姚一卷四十二條羣書

漢紀

後漢紀三十卷

袁宏撰入古史舊書入編年新書同宋史同自敘所采書除謝承司馬彪華嶠謝

沈外尚有漢山陽公記漢靈獻起居注漢名臣奏及諸郡耆舊先賢傳等書提要云以漢紀為準

後漢書五十八卷

劉義慶撰唐書新書同宋史無

按隋志本范書固傳明帝召固為蘭臺令史與諸先輩陳宗

尹敏孟冀等共成世祖本紀固撰後漢事作列傳載記

功臣新市

平林公孫述事

二十八篇其後劉珍劉毅劉陶

范書珍傳作陶除

伏無忌等

相次著述東觀謂之漢紀史通古今正史篇云謁者僕射劉珍諫議大夫李尤雜作紀表名臣節士儒林外戚諸傳起建武訖永初珍尤繼卒復命侍中伏無忌與諫議大夫黃景作諸王王子功臣恩澤侯表南單于西羌傳地理志元嘉元年復命太中大夫邊韶大軍營司馬崔實議郎朱穆曹壽雜作孝穆崇二皇

當作獻穆孝崇二皇后

及順烈皇后傳又增外戚傳入安思等后儒林傳入崔篆諸人實壽又與議郎延篤雜作百官表順帝功臣孫程郭願鄭眾蔡倫等傳凡百十有四篇號曰漢紀熹平中光祿大夫馬日磾議郎蔡邕楊彪盧植著作東觀接續紀傳之可成者邕植傳又有韓說劉昭補注引袁山

松書又有劉洪

又按隋志蕭子顯後尚有王韶後漢林二百卷亡舊書雜史有葛洪後漢書抄三十卷新書同張緬後漢書略二十五卷新書偽史脫書字五作七而雜史類又有張緬後漢書略二十五卷亦復出

汪南史又有亡名氏一卷崔國榜敘載趙之謙語謂或蕭劉二家在其中

漢孳室所著書目

庸按百九種二百十四卷無卷數八種不數

周易鄭注疏證

舊輯鄭注較丁張本略備書雖未成已分十類摺集大誼分目列下按復堂日記作鄭氏易疏

證類輯鄭錄卷五十陶潜宣日周易鄭氏學十種

鄭易爻辰說二卷

按文鈔卷一有自序說作攷是

鄭易互體說一卷

鄭易京氏學一卷

鄭君前從京君明受易今文之學也按文鈔卷三有自序作初从第五元受京氏易

是礪次徐有鈔本一卷凡七種

鄭易馬氏學一卷

鄭君後受馬季長易古文之學也按文鈔卷三有自序徐有

鄭君諸家通誼述二卷

按文鈔君作易無述字礪次

鄭易王氏同誼述一卷

輔嗣亦用費易與鄭本同故述其同誼為一卷礪次

鄭易禮說

卷

本皋文而推演之礪次

鄭易緯義

卷

鄭君注易緯其說尚存并采其說與易義相近者礪次

鄭易小學四卷

皆用訓詁按文鈔卷一有序云先成一卷又云已為鄭易補遺二卷礪次

鄭易源流攷一卷

按文鈔卷一有自序

魯詩故訓纂

舊輯證凡六卷與馮氏勺園馬氏竹吾所輯有異其分類則列於後山此勦得之按文鈔卷三有自

序入續經解錄有

魯詩源流攷一卷

附魯詩傳經表按序詩下有授受二字

石經魯詩攷一卷

魯詩逸文證一卷

按序作佚文攷

劉氏魯詩學二卷

劉向治魯詩列女傳說苑新序引詩定皆魯義

鄭氏魯詩學二卷

據燕刺定姜詩及朱緒讀為朱綰蓋鄭君受業馬融融亦見為今文之學曾注列女傳是亦先通魯詩者非特材木園草為采韓魯詩也故鄭君箋毛尚釋用魯詩如此按文鈔卷三有自序氏作君闕

高氏魯詩學二卷

高亦盧君弟子淮南呂賢注中引詩皆與毛本異魯詩也

蔡氏魯詩學一卷

蔡邕書熹平石經為魯詩故其著述如獨斷琴操凡所撰文手書諸碑有引用詩文

當本

魯詩

史記詩攷二卷

馬遷問業孔安國安國中公弟子也則史公乃申公再傳弟子史記引詩多今文之學殆

亦魯詩按序作史公詩學攷

班氏引詩攷二卷

班氏藝文志云魯最為近蓋班氏固服膺魯詩者前漢書白虎通可采白虎通論時

內有魏應魯蔡皆習魯詩其中時存魯詩訓可知也
按此本馮勺園三家詩疏證說序作班氏詩學攷

許氏說文引詩攷二卷許君敘云詩用毛氏然引詩多異文

異義采魯詩說四條及說文鼎字下特表魯詩說知
之按序作說文詩攷文鈔卷三有許君魯詩學序闕

爾雅魯詩釋二卷臧輔堂謂爾雅多魯詩本至

廣雅魯詩釋一卷魯詩亡於東晉雅讓著廣雅時其書未佚

與石經作飲飲正同釋詩文必多魯義如釋訓欲欲聲也
甯正同釋丘中有水曰秘丘與蔡邕書碑作秘丘正同

楚辭王注詩學一卷臧輔堂謂爾雅多魯詩本至

蓋魯義也按序
注下有魯字是

漢碑詩攷一卷漢碑中如魯峻碑武榮碑皆言治魯詩學又

合張壽碑稼穡作稼齋與石經穡作穡台衡方
碑碑隋卽毛詩委蛇臧氏亦定為魯詩是也

羣書集證八卷兩漢皆習魯詩經部多漢儒傳授之本史部

秦兩漢諸子百家引詩文義
與毛不合者亦當采徵之

魯韓同誼攷二卷

魯韓皆今文之學據藝文志則韓亦本於魯者故說多同韓詩外傳曰云云馬竹吾

以謂即魯詩傳是也按序攷作述

魯毛同誼攷一卷

中公毛公同出荀卿按序攷作述

詩魯讀攷一卷

亦猶論語之有齋魯讀也又附穀梁魯詩附說

魯詩通論二卷

公羊春秋集說四卷

又有公羊異文攷二卷又有劉兆公羊穀梁集解輯本一卷按錄說作釋

爾雅漢注述八卷

舊輯爾正注以權為舍人李巡樊光為漢書附以孫炎之注炎雖魏人生於漢季故皆列

為漢注復為通訓之并正宏農劉寯古注之失又有湘康館補蘭如女史爾正古注斟一卷按文鈔卷二有爾正漢

學證義序錄作爾雅漢注證義

五經異義通箋四卷

按秦樹銘疏誤錄有

大戴禮補註二卷

此書先祖永州公手校本先祖博極羣書不名著述書出夷餘手澤櫛比琦亦續有間訪

處按文鈔卷二有大戴禮補註序闕錄有

說文通釋十二篇

按文鈔卷二說文古本攷書後云舊著說文四備一書略與此書相似錄有

說文地理釋四卷

附水道攷一卷

說文草木釋四卷

說文鳥獸蟲魚釋六卷

說文古讀攷六卷

按文鈔卷二有序

說文古籀文攷三卷

附鍾鼎補篆二卷

說文或俗字攷三卷

附漢碑補字二卷

說文本引經用今文學釋四卷

羣書引說文釋六卷

漢後訖唐爲斷以正二徐之誤己卯居京師見友人處有沈苑廬說文古本攷

五卷與余此種相似惜沈書不傳於世也按銅駝斗齋叢書說文古本攷十四卷新刻殆卽黃再同所得手錄本稿

經七易而成

說文異義釋四卷

說文漢制攷一卷

說文名字解攷二卷

說文博采通人攷一卷附許君年表攷一卷

漢孳室讀說文記 卷按秦有說文

淮南參正二十四卷附淮南本莊本校勘記六卷據宋本及道藏

參以宋本道藏之真又參以文選注史記兩漢志注及初學記北堂書鈔卷二有本焉按文鈔卷二有序

淮南參正序闕錄有

淮南許注異同詁四卷辛巳又補遺一卷壬午十續補一卷癸未

刻據蘇魏公校題淮南說及宋本繆稱與要略皆有問詁字樣又以舊輯許注參校十三篇八篇異同而詁之按文

鈔卷二有序二篇文鈔補遺有序

又許注存疑四卷凡史傳志注類書引淮南舊注異於高注

或作某某者兩說必有一許氏義亦並列之至如開元占經羣書治要意林皆用許注本並存之按文鈔卷二有序

作淮南許注存疑是又有淮南許詰篇微序又卷四有淮南說文補詰序不知此何以不列二書各八卷又按問經堂叢書有孫馮翼許叔重淮南注一卷

淮南許氏間詰二十一卷

唐書稱許注本曰問詰郡齋讀書志及書錄解題並同茲據蘇氏及宋本

淮南舊音一卷

按秦作淮南音義

古易義 卷

輯周秦以前說易之義

西漢易義 卷

輯西漢人說易義又附後漢魏晉易義佚說二卷按文鈔卷一有序闕又卷四有侯果何妥准

傳三家易輯本序書未成

四氏易輯本二卷

徐邈周易音一卷

按文鈔卷一有序音下有輯本二字是

韓詩補遺一卷

按徐有韓詩遺說補一卷

今文尙書集說三卷

按文鈔卷二有序闕錄有

商周金文輯二卷按錄

秦漢石文輯二卷

一切經音義校勘記

卷又附華嚴經音義輔行經校勘記各一卷

倉頡篇補輯一卷

按文鈔卷四有

字林補輯一卷

按文鈔卷四有

聲類輯本一卷

按文鈔卷四有

玉篇校本二卷

楚辭王注校定本

賈逵國語注續補二卷

埤蒼輯本二卷

附廣倉半卷按文鈔卷四有

桂苑珠叢輯本一卷

讀子札記

卷按錄

讀史札記

卷

按錄有

湘輶筆錄二卷

按錄有

漢學室內編四卷

謚法劉熙注一卷

蕭廣濟世子傳輯本一卷

按徐有

許君年表一卷

刻按錄有

汗簡校正二卷

孝邈視學湖南時嘗寄示箸書目一冊詳略與此帙頗不同乙酉春訃音至乃與其昆季相聚哭子曰孝邈已矣其畢生心力所瘁不可與之俱盡是後死者之責因出前冊付其家俾按圖索驥易於收集今屢索之不獲此帙乃孝邈將次入都時續纂其孤嗣光得之遺篋中今附錄於文

鈔之後其中有可以裒錄成編者皆一一繕寫福裘并文
鈔凡二十餘種其他如淮南參正昔年見其手稿一巨冊
今不知在何處徐邈周易音諡法劉熙注諸種則皆略有
所輯而未成編其於魯詩也致力與鄭易許淮南等所作
故訓纂十九種亦但有序例未及成書惜哉光緒丁亥歲
夏五月里人姚振宗謹識

漢學室文鈔二卷

上卷三十篇闕者十二下卷二十八篇闕者五按徐有四卷內編一卷

漢學室文續鈔一卷

十三篇姚振宗輯錄

異綺齋經說

按以下四種皆見秦

甄奧閣駢文

按錄作漢廬駢體文鈔四卷

漢廬詩香八卷

按香秦作存錄作稿

琳清仙館詞

按秦作蘭富詞四卷錄同

陶潛宣曰今按輯叢殘未完之稿統編寫爲漢孳室遺書

方琦字子珍亦作紫影號蘭當丁卯字漢遒後改孝遷視學湖南有湘渭館又號湘塵

咫聞錄

咫聞錄十二卷筆意允稗文亦未是四卷有壬戌云云當是嘉慶

中人一卷談三條本兩般秋雨盦隨筆六卷朱錦三聞見雜錄作戴

文魁鄺齋雜記五卷桐陰清話四卷同然太平廣記卷三百引安男

子已有之屠板生珠條堅瓠廣集四卷引耳新八卷香祖筆記七卷三

岡識略二卷里乘九卷皆同太平廣記卷三百引廣異記破出劍惟

可一用已在其前猴子賊條本唐人說舊竊樓逸志五卷夢園叢

說一卷皆同劉儀條本池北偶談五卷尤生事里乘二卷姚孝廉同

綠蘿山神條略本太平廣記四卷續氏傳鄭秀才條曾試詩

題圓靈水鏡得私字榜發魁天下兩載放福建學政按乾隆丁

丑會試增試帖後至道光辛丑備請居士自敘在癸卯無此詩題亦無鄭

氏會元籍湖南者卷二警馬條與蟲鳴漫錄卷一櫃藏二人略相似

人參條與續客窗閒話卷五何首烏略同葛青天條杖柳斗與潛

庵漫筆卷六袁子才事同雷擊蜈蚣條與新齊諧卷五褐道人略

同卷三狀元姚涑條與客窗閒話卷二同瞿鋒式條與里乘卷二倪封

公兒聞隨筆卷三泰州奇案皆同某公子條卽年羹堯與翼駒

稗編卷一里乘卷六略同鄧姓條灤陽消夏錄卷一作吳三桂客事耳

食錄卷一余老人皆同漏網夫人條與續客窗閒話卷四麻風同梁

登祥條與里乘卷三夙冤卷九繼來禪師同小孤山條與撫言所載

馬當水神同卷四飛雲條與夢厂雜著卷三談屑卷三夜雨秋燈錄卷七

略同延安府署樓少年婦人取頭下梳髮與新齊諧卷二翼駒稗

編卷七蟲鳴漫錄卷二雪窗新語卷二同卷五泰山條以指度弓足越人

編卷七蟲鳴漫錄卷二雪窗新語卷二同卷五泰山條以指度弓足越人

相傳爲香鑪峰事與耳食錄卷三鄒忠介公條同太原賈生條則

越中戲劇所演斗母閣也江侑條銀子在否談屑卷三斷獄第三

條本之秋史官御史非卿貳卷六蜂幻條略本聊齋志異卷八蓮花

公主緣衣女合二條爲一兩世緣本曹能始事見虞初廣志亦

見新齊諧卷三翼駟稗編卷六蟲鳴漫錄卷二同據虞初新志卷九沙

定峰張白再來詩識記則爲宏治間事兩世人條翼駟稗編卷六

蟲鳴漫錄卷二同王姓條本瑣蛄雜記卷一教子條敗衣迂妓與潛

庵漫筆卷六偷嫁觀音條與客窗閒話卷七皆同卷七屠赤水條屠官

禮部郎非尙書鬼子條救縊忘其行竊與虞初新志卷十王明

德記縊鬼同冷姓條與客窗閒話卷七里乘卷七皆略同又與明齋

小識卷五假掘藏耳諧卷七掘藏第一則坐花誌果卷三火漆藏銀可

互證巧騙條與續客窗閒話卷三補騙子第二條同菜葉治病條

與聊齋志異卷十醫術同羅誠條默穴目瞽與客窗間話卷同

三橋夢條與聊齋志異卷八蓮花公主同卷八陰陽太守本太平廣

記卷三南續引元怪錄里乘卷七城隍赴任同中摸鐘一段本夢

谿筆談卷十又與聊齋卷十麝脂略同陰隲地條鄞文淵前明

大學士也文應作聞大學士應作尙書麻瘋條略似續客窗間

話卷四蟲鳴漫錄卷二諸書相襲者多劉姬條本聊齋志異卷六宮夢

弼王申十月申報所載卽此夏夫人條亦本聊齋志異卷十紉

針嫁禍自害條僞金飾與潛庵漫筆卷四僞珠同巧脫條翼駟稗

編卷二談屑卷四前一則皆同揚州王姓條卽徐牧齋詠堂邑張太

夫人遺事詩談屑卷三遞寫謫言卷十皆本之卷十夢難信條李繼

遷三則皆本新齊諧卷十顧孟姜條屑玉叢談二集蕉窗聞見錄

較此爲詳又緒南筆談載乾隆六年揚州王張氏事同人頭蛇

條胡蛟齡官戶科非御史卷十百菊谿條本新唐書列傳二百

二循吏張允濟唐闕史趙宏冷慮雜識卷六鉤懸條引折獄龜鑑

寄園寄所寄卷一引懷秋集亦然卷二謝應龍條談屑卷一某太守

同周大司農條應作學士義犬條與聊齋志異卷十義犬可稱

二義殉國名臣條鄧謝爲憲尅憲按于宣官行人可採者如卷一

新酒起痘卷三佛從土出鄉場事第五條曹州蕭秀才似己亥以

前諸生歲考一二等及三等一名外不得鄉試豈尙無錄遺耶

四某中丞條心無過細用無過儉二語眞居官要訣未仕者不

知也卷五錯吞馬蝗卷六吳興仲子卷十餘姚邵御史題慈谿後山

北葉氏母主殊筆下而主擘兩半馬禹平八條餘可發難耳

劉恭甫孔力堂

光緒辛巳七月寶應劉叔倪孝廉恭冕敘孔力堂禮記天算釋

云方今羣經義疏自尙書

江氏孫氏

毛詩

陳氏儀禮

胡氏

孝經

阮氏

論語

子孟子

焦氏爾雅

邵氏

並已刊行左傳

朱氏右曾

公羊

陳氏

已成書未

刊至若瑞安孫仲容孝廉之於周官儀徵劉恭甫明經之於左

傳江都梅延祖孝廉之於穀梁皆成書大半惟周易雖有惠張

姚氏諸書尙未有疏而大小戴記則海內諸儒少肄業及之績

谿胡子繼教授治大戴已具稿而以病中輟應山左笏卿庶常

治小戴甚力年甫三十餘又官京師多讀未見書積至二十稔

當亦有成然則禮記之疏不得於力堂者必終得於笏卿

力堂名廣牧宥函太僕仲子宿遷王甘巖待詔

裴之

堦也遂於

經學兼通中西算術著孔子生卒年月日攷已刊行欲爲禮記

作疏因記文浩博難以兼舉遂區分數類將次第纂成合爲一

疏太僕殉浦口之戰力堂哀慟事母孝養詩有太僕氣骨聲韻

詞亦幽折悲涼甲子以難蔭入監應京兆試盜賊塞途與官軍
同行從破一砦見斬殺如草芥頓觸悲懷感寒而殞子昭家號
印川方七歲能讀父書收拾殘稿多未卒業此卷乃其所先成
者陽湖惲菰耘觀察祖翼刊入所輯叢書近張南皮制府又刻
入廣雅書局叢書叔俛爲楚楨先生子與力堂交最摯恭甫名
壽曾與菰耘皆子甲子門下士子繼名培系卷出鄧大令澤培
房辛巳十月以廩貢生選甯國府訓導延祖則不知何名可噴
也

宋會要

甘泉鄉人稿

卷七

曝書雜記下云衍翁言嘗見永樂大典有宋會

要惜未能鈔嘗擬請重校永樂大典中未經採輯之書與館閣
諸公商量將上奏矣會有軍事不果庸按後徐星伯先生松輯

出無慮六七百卷見俞氏癸巳類稿跋徐先生歿後遺書散佚此稿流落何所今不可得矣周季貺爲三國會要未知成否

寰宇訪碑錄敘

敘云金石之學始自漢藝文志春秋家奏事二十篇秦刻石名山文其後謝莊梁元帝俱撰碑文見於隋經籍志酈道元注水經魏收作地形志附列諸碑以徵古蹟而專書則昶自歐陽趙明誠王象之諸人其時出土之物尙少或以偏安未能遠致明宋濂作貞石志于弈正作天下金石志錄目漸廣但率據方志未見其碑大多舛誤本朝黃叔瓚作中州金石志亦同其失但陳一方不足備當代掌故庸按謝莊所撰自名碑集與梁元帝之釋氏碑文不同隋志注分列甚明淵如先生并言之似微悞旣云金石之學始自漢則秦刻石名山文卽專書也歐陽諸公

非枻矣

敘又云邵學士纂書三通館檄取海內石刻進之內廷編書以續鄭樵金石略錄其副本相貽庸按南江此舉本之筭河其方與金石編目一書殆卽充續通志纂修官時所撰惜其書不傳不知視淵如先生此錄有異同詳略否予嘗語與同乾嘉諸老著作傳世之外尙多資經史攷訂巨編惜都埋蝕不知何處兵燹後更無從接輯可爲喟歎南江其一也

南宋文

東萊文鑑止於北宋南渡後作者闕如後人擬補之者數家劉伯宗誠有南宋文鑑黃梨洲嘗續宋文鑑李亨特紹興府志作宋文略謝山云未成編而卒按南雷文約卷首附與鄭寒邨書有宋集鈔殆卽初稿之名嘉定張漢瞻雲章亦曾輯是書王西莊續成之嘉

興沈果菴

嗣舉

有南宋文鑑四十八卷每體各有小序錢警石

記沈氏書目云竹汀作冬友傳云所著有南宋文鑑西泚先生

墓誌則不言其續成張氏之書望谿集銘樸村墓西莊始存稿

有樸村集跋皆不言其選南宋文當於樸村集及西莊晚存稿

檢之海甯蔣奏平

顯謨乾隆甲午

亦曾輯南宋文鑑是輯南宋文者前

則伯宗黎洲二家後則果菴冬友顯謨三君樸村書尙在疑似

也今惟莊芝階舍人所輯南宋文範七十卷有活字板行世

歷代帝王年表序字誤

齊氏息園歷代帝王年表卷首自序末署云乾隆丁酉中和節

廣

按杭堇浦袁子才撰息園墓志銘皆云戊子五月卒年六十

六秦小峴撰墓表陳碩士撰傳同丁酉距戊子九年或丁字乃

乙之誤小琅嬛僊館槧是書未及校也今粵雅堂叢書刻入第

十二集跋云丁酉侍郎歸田已久說者謂侍郎馬驚損腦蒙古醫以牛腦實之生平所讀書不復能記憶殆不然矣所云說者卽指子才銘語亦未攷侍郎殁年而肫爲之說

文章正宗

文章正宗

卷十

司馬相如傳贊漢書全同史記惟篇首多司馬遷稱四字四十八卷復收之贊公孫賀一首已引於賢良文學議鹽鐵下亦複出皆可刪其一

唐宋文選

越縵堂日記戊集下云明葛鼎所選唐宋元二十二家文唐四家魯公宣公衛公樊川宋十六家韓范司馬范忠宣道鄉二程合爲一家旣江文潛山谷龜山梅谿朱子象山龍川眞西山文山元二家靜修道園其去取殊未善前有牧齋敘文深詆當時吾越

孫氏之評經楚鍾氏之評左傳爲僭妄又有楊維斗敘王漁洋
嘗欲選宣公衛公劉賓客持正樊川可之襲美天隨之文爲八
家予欲以劉皇甫杜孫皮陸更合次山獨孤及習之李觀歐陽
詹劉蛻爲十二家文而以陸宣公李衛公合王子安楊盈川張
燕公權文公爲六家蓋皆以駢儷見長也惜諸家集多未備所
見者惟唐文粹中數篇耳姑誌以俟異日庸按唐宋六家之目
昉自朱右成化時有七大家見養新錄八家增老蘇則定於荆川鹿
門本非一定而不容增損者故堯峰謂止有韓柳歐陽大蘇四
家後人操選輒思補八家之闕去取古人如儲在陸之增習之
可之

御選唐宋文醕採之葛氏以宣公衛公儷小杜不若越縵六家
評騭之精前人未有見及者北宋不選少游南宋不選水心元

不選歐陽子功宜越縉謂其未善也近出舒藝室雜著乙編卷上
有唐十八家文錄序意在破八家之說之固陋曰世人論古文
輒曰唐宋八家又曰昌黎起八代之衰不知唐之與宋原委既
殊門戶自別非可概論至起衰之功斷推元道州爲首第其文
散漫未立間構若獨孤梁權規模粗具而猶苦肥重惟昌黎氏
原本六經下參史漢錯綜變化冠絕百世要其學出安定而實
淵源於毘陵則未嘗無所因也柳州初工駢體後乃篤志古文
其才氣陵厲足以抗韓至於學識根柢遜韓多矣同時若劉賓
客才辨縱橫間以古藻亦柳之亞元相沿沿清絕開宋人一派
李皇甫皆學昌黎而一得其理一得其辭亦各自成門徑牛相
文筆刻露議論透關沈下賢喜爲小篇戛然自異杜牧之雄奇
超邁實爲韓氏先導孫可之源出韓氏而專務奇削要其獨至

不可及世以孫劉並稱然復愚則近於險怪矣皮襲美根據深厚若在韓門當肩隨習之陸魯望不衫不履野趣自得頗有似元道州者羅昭諫懷才不試好爲寓言出以過激每不中理然固唐一代人文之後勁也予錄唐文凡十八家源流遷變概見於斯此外如蕭茂挺李遐叔呂和叔非無傑構往往雜以駢語苻厚之佳處不出獨孤梁權範圍李元賓奇偉而純以辭勝未脫綺麗之習白傳平衍而不免於尤歐陽行周氣息近古而所詣未成不能與李皇甫角立李衛公史論篇幅短隘蓋無意爲文故今所錄並不及云嘯山不取李歐與越縵異不知權文公李衛公以駢儷見長識更不及越縵之遑敘作於丙辰殆有錄無書故未見傳本

潘擘堂文集卷四十四邵松阿誌銘云選唐

蘇曾陳同甫朱子虞宋方王文成歸汪方陶晚間獨惡王安石不入選後孫愈愚明經變从之歐陽文忠老蘇蘇文忠曾文定

外有劉原父李
太伯不取介甫

孫淵如朱笥河先生行狀字誤

孫氏星衍撰笥河先生行狀云時相大學士金壇于文襄公頗
專擅進退天下士先生引翰林稱後輩故事呼以于老先生又
長揖無屈一膝禮議館事不肯私宅相見庸按文襄乾隆丁巳
廷對第一人距笥河甲戌入館凡八科翰林故事笥河當呼文
襄前輩自稱晚生況閣臣禮絕羣僚不復循科目前後雖前輩
亦呼曰中堂自稱晚生此後字必前字之誤旣云時相而綴以
大學士亦不辭

希音堂集

卷首事輯云丁卯阮文達撫浙時進呈 四庫未收書六十種
一爲至正甲午重刻陸宣公奏議影寫本

詔取度

天壇前殿西廊額曰宛委別藏其原本弄文達隋文選樓道光
癸卯夏內書堂火文達所藏宋元精本皆盡庸按進書在丁卯
十月文達時署戶部右侍郎十二月二十二日始再撫浙福壽
庭之火在癸卯三月二日石洲此條殆記憶偶誤

備修之

賴古堂尺牘三選結鄰集卷三徐芳與櫟園論字學云楊脩得尙
書古文書訊刺字並皆用之當時稱爲怪人庸按困學紀聞卷二
引宋景文筆記予友楊備得古文尙書釋文讀之大喜於是書
訊刺字皆用古文僚友不之識指爲怪人此或以備脩形近而
誤或修下脫之字備字修之文公億弟也來齋金石攷略卷上天
發神識文有楊備七絕孫吳紀德舊刊碑埋沒蟠螭與伏龜惆

帳石岡三斷在至今猶似鼎分時

提要不書生存人姓名

容秋問

四庫全書總目

卷四十六

遼史提要云潛筆堂金石文跋

尾又稱據太子誕聖邑碑諸人結銜知遼制有知軍州事通判軍州事知縣事之名而百官志亦不載是其於制度有遺闕也至厲鶚遼史拾遺所摭更不可以僕數樊榭所著明兒姓名而竹汀跋尾則不書何也予曰樊榭卒於乾隆癸酉距四庫開已二十年竹汀尙存故不書其姓名全書此類尙多有之如史部目錄類金薤琳琅及求古錄金石文字記兩條皆採用錢金石文跋尾也生存人撰述著錄惟卷七地理類畢沅關中勝跡圖志一書越縵日記偶忘遼史一條

古文觀瀾集集注

乙酉八月十八日申報載林之奇古文觀瀾集與文章軌範古文關鍵並稱宋史藝文志云六十三卷此刻甲集二十五卷乙集二十五卷丙集二十卷凡七十卷如唐沈雲卿羅子制韋諫議程晏然聶夷中釋子蘭諸集宋呂與叔王谿集謝上蔡集馬子才集見文獻通考者今皆不傳賴此存一二房千里古之奇張右史諸文亦選家未載拙齋爲呂紫微弟子東萊復受業焉故爲之集注傳本絕稀諸家書目皆未見肇經室僅得三十卷此集南宋刊本東陵方功惠影寫重刻又爲校勘記附後每部洋四元庸按唐沈羅韋程聶及子蘭詩文姚氏唐文粹載之不止一二卷十有古之奇秦人謠卷七又有縣令箴卷四有房千里知道卷七又有廬陵所居竹室記卷九又有骰子選格序不得云選家未載惟張右史文無之方說似未覈也

平定方略

有懷堂集平定三逆方略序歷代紀載功烈俱有成書迄今可
攷者唐興元間有紀功述元和間有平蔡錄平淮記會昌間有
伐叛記宋建隆間有龍飛日歷天禧間有聖政記熙甯間有經
武要略明洪武間集征伐次第爲日厯庸按清波雜志上熙甯
改元青子諮入對上問青征南有遺書否乃上平蠻記及歸仁
鋪戰陣二圖與文懿所舉皆今平定方略之濫觴也

規杜持平

餘姚邵瑤圃先輩瑛有劉炫規杜持平六卷蓋本之紀文達紀
其甲辰座師也札樸六卷覽古紀尙書語條丙辰七月將出都拜
別紀曉嵐尙書留談半日先生云欲成二書年老無及願君爲
之一曰篆隸異同有篆同而隸異者如鳳朋鵬篆本一字隸分

爲三有篆異而隸同者如好姁篆本二義隸但作好無姁字是也此書出則幼學有入門之階矣一曰規杜持平劉炫一部書甯無是處孔疏意主伸杜凡劉說盡駁之此冤獄也平心持衡各還其是則杜之失無損於杜而孔之駁不足爲劉病矣如杜以晉先穀爲姁季劉規之案成十八年傳姁季是隨會之子士魴非先穀劉說是也又云嵇康高士傳太平御覽所引得其八九抽出單行不愈於明人僞造皇甫謐之書邪又云史記正義引楚漢春秋所載虞姬歌是五言詩在蘇李之前者君旣編詩話何不引此又云古人雖無四聲秦始皇名政讀正月爲平音便可避諱是古人音讀原有部分不容亂矣按文達以此語未谷湏中窘宦僅成湏游續筆一卷餘皆未暇以爲瑤圃此書殆卽因文達說而爲之其書當成於丙辰以後未谷詩話同席錄

五十卷無傳本虞姬五言度已採入嚴鐵橋輯叔夜高士傳未
刊行篆隸異同四聲部分惜無人取文達說而理董之庸嘗以
語味蓮孝遜兩君甚躋予說今兩君皆下世數年遺書無從過
問矣江夏胡琴垞司馬述文有漢石齋隸地攷隸官攷隸姓攷
隸證同隸辨誤隸通隸韻隸補等書同年殷生學正孚嘉祖也
不知其書刻否證同一書未知如文達之言否書此俟晤幼穀
樞部秦福詢之

聊齋志異

冥婚生子事凡數見皆似耳譚王玉英事畫皮本之宣室志卷一
吳生妾劉氏又見鬼董卷一第四條吳生殆卽一事天宮本之虛
谷閒抄章子厚初赴省試事墨客揮犀卷二湖內儒生又諧鐸奇
婚之藍本也說部沿襲攷易人地不可枚數安得一一溯其從

出而斟還之第心知其僞而不援引且勿效尤更扇其饑迺爲佳耳復卿曰惜不令申報館聞之紛紛排印意在攫利耳

滇黔土司婚禮記

江陰陳定九

鼎

憲滇黔土司婚禮記刻入知不足齋叢書第三

十二集近桐城許叔平

奉恩

又節錄入里乘

卷九

讀者豔之而不

知其爲寓言未爲實事也按記云滇黔土司其先本鷲氏左傳所載羅人鷲人是也楚滅宋蔡羅鷲四國云云按左傳止桓十三年有羅與盧戎兩軍之句無鷲人史記楚世家有好射騏鴈羅鷲又有騏鴈費邾邠者羅鷲也徐廣引呂靜曰野鳥也索隱曰小鳥蓋楚人以弋說頃襄譬況之辭豈可指爲二國名乎施鴻保閩雜記有江西建昌船戶鷲姓記五代史漢隱帝時有鷲脫船戶云先世自榆林遷建昌則鷲自是稀姓特不可以史記語

爲左傳喻語爲二國定九所言實誤所謂繼桓少君蘭仿甄姑
知重琬香蕙雪安節蕊珠瓊鈿九人殆皆子虛烏有卽表妹錢
素瑜亦未必眞有其人叔平惜定九輕離遠別使冰絃再斷
六筵同彫書生不足消受豔福未免爲定九所紿矣康熙字典
八部儂下云儂人今雲南苗類卽僰人沙人種驚卽儂之聲轉
而誤定九偶未之攷耳補錄作龍家爲是敦藝齋文存卷五貴陽
苗蠻傳敘漢武帝滅且蘭置牂牁郡遷蜀之大姓龍傳董尹於
其地于是苗中有龍家子矣

龍文鞭影

坊肆中龍文鞭影一書乃萬厯中漢陽蕭漢沖祭酒良有養蒙
故事崇禎壬午桐城楊古度臣靜以其徵事少夏廣文注又舛
謬疏略爲之更定益以李瀚蒙求對偶及俞文彬續集更此名

下卷有云君起盤古人始亞當注引格致艸云西經所載昔有人以水土和成男取男一肋復成女男曰亞當女曰呢穢生子一名迦音一名亞伯種類繁息穢染大地一千六百年洪水稽天僅留一善者名諾阨及三子一名生一名剛一名雅弗種傳聖賢分掌天下意盤古正當此時庸按西經胡說何足援引漢沖古度時正利馬竇新說入中國盛行不知有今日之鉅禍璵玞易以人始媧皇用風俗通俗說雖荒唐然水土和成男女正襲取搏土引絙之說而小變之并詭立名字西人書種種無不如是明末如徐文定諸公但以八股通籍宜見而詫爲未曾有也於兔園冊又何誅

年譜

年譜之作近代最爲蕪尤善行嘉言憑空虛構讀者未終卷而

已知其言之非信史矣杭氏世駿施愚山先生年譜序云年譜

之作其當有宋之世耶自一二鉅公長德大集流布後人景仰

其休風卽其所著按其行事年經而月緯之吳仁傑之譜靖節

呂大防之譜少陵王士正跋魯譜謂協始于汲公洪興祖之譜昌黎原本作吳

靖節少陵呂大防洪興祖之譜昌黎刻時文安禮之譜柳州卷一

是矣然此猶屬隔代也竹汀震川年譜序云留元剛之于顏魯

友諒之于白文公耿秉之于李衛公六一譜于薛齊誼川南豐

唐堂集附刻冬錄云薛仲邕於太白譜於朱子三蘇譜於何綸龜山譜於黃去疾張夏補紫陽譜於

李方子三卷今勉齋譜於潘植鄭元肅陳義和雙峰譜於胡默

成四庫一卷不著撰人按周子年譜一或親問業或私淑諸人

卷於台州度性善正在嘉定十四年動爲可信而辭不虛美故吾以爲年譜之作卽世家之體較之

遺事行狀尤嚴以其德業崇閎文章彪炳始克足以當此未有

以草亡木卒之人而可施之編年紀月之法者也又云在宋范

文正之譜編於五世孫之柔

按唐堂云樓鑰於范文正謝山从

所陳忠肅之譜編於七世孫宣子黃豫章之譜編於孫營葉信

公之譜編於子應支在元程雪樓之譜編於孫世京在明楊文

敏之譜編於六世孫肇吳文定之譜編於五世孫家楨其它子

孫之揚其先烈者如周仁俊之譜文襄劉持善之譜忠愍章應

元之譜楓山陳其柱之譜文定遠數之而不能終也夫其人苟

無可譜雖子孫不得諂其祖父其人苟有可譜其家庭之所訓

行較之他人不更親且切乎杭氏之言蓋謂譜出子孫手爲宜

汪正慈容甫先生年譜序亦云古者年譜之作其原出於年表

推本史例敘事宜簡非如今人年譜文繁事複讀者厭之顧徵

文考事成於數十百年之後不出子孫之手撫拾既廣紀述貴

嚴編年體例自古如斯至若少孤失學聞見闕如譬如求珠於山采玉於淵惟恐不獲詎或棄捐後悔何日今所刻述學小字本附年譜一卷雖不免失之繁冗如敘所言子孫爲祖父追纂宜知此意

其自爲年譜者尤多失實非古法唐堂集後附冬錄一卷云古

無自爲年譜者近時有之文章游戲三編卷八王臺繆蓮仙年譜序云錢嶼沙汀芍坡未遇時自撰

年譜然澄碧齋集未見勤僖集今亦不傳王所言不知何本俟攷然徐文長畸語尤侗明史藝文志徐文長

自著畸譜一卷李元仲歲記雖編年自作不以年譜名充其

類其諸王充自紀陶潛自傳江淹自序之遺意歟按鮑埼亭集

外編卷二蘧編題詞云福清葉文忠公蘧編蓋其年譜也据雙

韭說則亦不以年譜名李來泰蓮龕集首有紀年一卷亦卽所

自作年譜然紀年二字似非私家著述所宜標題陶晚聞集自

序取庾子山賦語忘有文通不若徐葉李黃之別爲著錄也

魏仲舉韓文類譜七卷馬曰璐合柳譜刻之曰韓柳年譜八

卷四庫全書史部傳紀類提要則宋人所作杜譜有魯豈

杜工部詩年譜一卷蔡興中黃鶴趙子櫟杜工部

年譜一卷王宗程東坡年譜一卷在綸前袁仲晦朱子

年譜一卷李默重編朱子年譜五卷洪去蕪續卷朱

新本鄒正謫黃中朱子年譜二卷王懋竑朱子

年譜四卷朱世潤十八世孫朱子年譜六卷二程年譜二卷明唐

道元國朝黃中訂補二程遺書中伊川有年譜而明道無

之明史志有楊廉二程年譜一卷象山年譜袁燮傅子金

同編李子愿重輯尹和靖年譜一卷門人編呂忠穆公

願浩年譜一卷無撰人二梅公年譜二卷詢陳天麟堯臣

張師曾 薛文清年譜一卷楊鶴撰本門人張鼎所編出嗣

昌手 綦壺禮年譜一卷孫煥撰 溫公年譜六卷明馬巒

撰 吳澄譜編於孫當危素重加訂正爲二卷 謝皋羽年

譜一卷徐沁撰 商文毅年譜四卷元孫振倫撰 鄭端簡

年譜七卷子履淳撰 顧端文年譜二卷子與沐編 孫涇曾

孫貞觀續 張抱初信民年譜一卷明馮奮庸撰 左忠毅

年譜二卷曾孫 宰編 徐勣蔡忠惠年譜一卷明史志

淮海集刊誤

淮海集卷三十三葛宣德書舉墓銘云長垣有地訟更數令不

決其人執康定元年二月書契爲證君至謂訟者曰爾所執爲

契也康定改元在寶元之冬豈復有二月耶訟者詘服吏大驚

君之爲政明多此類也按宋史仁宗紀寶元三年二月丙午改

元康定長垣爲畿邑詔書行下不過數日訟者何不以此抵令
豈淮海集琴本有脫誤耶

謝疊山行實之誤

新安吳素江景潮字憲文於嘉慶乙亥春得一古琴云出自燕
郊土中修三尺四寸五分額廣五寸腰狹三寸四分髹漆彫剝
形製古樸積土堅凝如石剉磨三日龜文畢露並見銘刻詞曰
東山之桐西山之梓合而爲一垂千萬古上題號鐘下署疊山
分隸凡二十字乃知爲謝文節公故物素江舊蓄潞琴及朱致
遠琴皆名材得此遂以爲諸琴冠繪圖徵詩文海內名流下及
閨閣縉衣皆有題詠素江裒爲文鈔一卷詩鈔七卷首文節遺
像次琴縮本次宋史本傳又次謝疊山先生行實不言何人所
撰其文云謝枋得字君直號疊山信州弋陽人登宋寶祐丙辰

第甲子校文江東發策十問詆時政安置興國軍乙亥除江東
提刑累遷至江東制置使吐軍攻饒拒戰安仁敗宋德祐元年
冬十一月任江西招諭使知信州又敗棄家入閩丙子二年春
正月元兵入信鏤銀榜根捕執枋得之妻李氏二子一女送江
淮行省拘於揚州獄中母夫人以老疾得免李氏不屈死於獄
中惟二子熙之定之得還元至元戊子二十五年夏四月召宋
故臣謝枋得力辭不至時帝訪求南人有才者甚急御史程文
海承旨留夢炎交章薦之尋有書上程雪樓秋九月參政魏天
祐執枋得北去先是枋得由建陽唐石山轉入蒼山等處朝遷
暮徙崎嶇山谷間竟得脫至元甲申黃華平大赦枋得乃出得
還自寓於茶坂設卜肆於建陽驛橋榜曰依齋易卦小兒賤卒
亦知其爲謝侍郎也至是天祐朝京將載枋得後車遣建甯總

管撤的迷失佯召枋得入城卜易偈以北行以死自誓知不可
免卽不食有上魏容齋書己丑二十六年夏四月故江西招諭
使知信州謝枋得至燕死之初參政魏天祐偈枋得之北行也
與之言坐而不對或嫚言無禮天祐怒甚容忍久不能堪乃讓
曰封疆之臣當死封疆安仁之敗何不死枋得曰程嬰公孫杵
臼二人皆忠於趙一存孤一死節一死於十五年之前一死於
十五年之後萬世之下皆不失爲忠臣王莽篡漢十四年龔勝
乃餓死亦不失爲忠臣司馬子長云死有重於泰山輕於鴻毛
韓退之云蓋棺事始定參政豈足知此天祐曰強辭枋得曰昔
張儀語蘇秦舍人曰蘇君時儀何敢言今日乃參政之時枋得
百口不能自辨復何言枋得不食二十餘日不死乃復食將行
士友餞詩盈几張子惠詩云此去好憑三寸舌再來不值一文

錢枋得會其意甚稱之遂臥數月困殆四月初一至燕京初五日死於驛子定之護骸骨歸葬於州枋得平生無書不讀爲文章高邁奇絕汪洋演迤自成一家學者師尊之所著有詩傳注疏易說十三卦取象批評陸宣公奏議并文章軌範行於世按宋史本傳五年彗星出東方枋得考試宣城及建康摘似道政事爲問因言兵必至國必亡潛使陸景思銜之上稿於似道坐居鄉不法起兵時冒破科降錢且訕謗追兩官謫居興國軍卽此云甲子校文江東事也宋史於五年上脫景定二字此但書甲子并不書景定五年更非本傳又云德祐元年呂文煥導大兵東下鄂黃蘄安慶九江凡其親友部曲皆誘下之遂屯建康枋得與呂師夔善乃應詔上書以族保師夔可信乞分沿江諸屯兵以爲之鎮撫使使之行成且願身之江州見文煥與議

從之使以沿江訪察使行會文煥北歸不得而反以江東提刑
江西招諭使知信州此云乙亥除江東提刑累遷至江東制置
使又云宋德祐元年冬十一月任江西招諭使知信州乙亥卽
德祐元年此似雜採續綱目諸書不一檢覈遂若兩年事者文
節起謫籍但爲沿江訪察使此云累遷至江東制置使則開府
建康督師重任矣皆誤也本傳又云明年正月師夔與武萬戶
分定江東地枋得以兵逆之使前鋒呼曰謝提刑來呂兵馳至
射之矢及馬前枋得走入安仁遂奔信州師夔下安仁進攻信
州不守枋得乃變姓名入建甯唐石山轉茶坂此云吐軍攻饒
拒戰安仁敗知信州又敗棄家入閩吐軍似卽指武萬戶軍是
以安仁之敗爲任提刑時事信州不守爲知信州時事故誤以
一年事爲兩年事至江東提刑爲職事官江西招諭使知信州

爲差遣宋時官制益茫昧不知矣畢氏沅續資治通鑑攷異引
李源道文節先生神道碑云易服負母走閩中隱於卜是文節
之所以間關不死者徒以有老母耳而此云衆家入閩又云母
夫人以老疾免若文節脫走但爲身謀者深沒其忠孝大節毋
惑乎天祐哆口責其不死封疆也本傳又云至元二十三年集
賢學士程文海薦宋臣二十二人文節文集作三十二人爲是以枋得爲首
辭不起文集上程雪樓書首云十月朔日丁憂人謝枋得稽顙
再拜則文節母夫人考終牖下於是始有死志矣本傳又云又
明年行省丞相蒙古台將旨召之執手相勉枋得曰上有堯舜
下有巢由枋得名姓不詳不敢赴詔丞相義之不强也二十五
年福建行省參政管如德將旨如江南求人才尙書留夢炎以
枋得薦枋得遺書夢炎云云本集上丞相劉忠齋書首云七月

吉日門生袁經謝枋得中云甲申歲皇帝降詔赦過宥罪如有忠於所事者八年罪犯悉置不問某亦在恩赦放罪一人之數卽此云至元甲申黃華平大赦也本傳又云福建行省參政魏天祐見時方以求才爲急欲薦枋得爲功強之而北二十六年四月至京師疾遷憫忠寺不食而死而此以文海之薦併爲二十五年事又云死於驛皆與史不合至本傳以咸淳三年爲咸熙江西招諭使爲詔諭則槩人偶誤素江未校改耳蒙以行實乖迕讀者疑之故據本傳文集續資治通鑑諸書略爲疏通證明焉壬申九月晦桐江舟中